

UTL AT DOWNSVIEW



D RANGE BAY SHLF POS ITEM C
39 11 15 08 02 001 3

DR
551
K6
1916

Koca Sekbanbası
Hulasat el-kelam fi red
el-'avam

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

2303

Suppl 4

I, part 1

1/79

خلاصة الكلام في رد العوام

Koca Sekbānbaşı

قوجه سكبانباشي ادارة دولت حقنده يازديغي لايحه در

Hülāṣat el-keḷām fī

red el-ʿavām

استانبول


« هلال مطبعه سی » باب عالی قاشوسنده

تاریخ عثمانی انجمنی مجموعه - ۱۳۰۵ هـ - ۱۳۰۶ هـ



DR
551

Digitized by the Internet Archive
in 2010 with funding from
University of Toronto



مقدمه

(خلاصه الكلام في رد العوام) اداره دولت حقنده لايحه طرزنده يازيلان آمارك كزیده لرندن معدوددر. اترك مؤلفي قوجه سكبان باشی در. مؤلفك اسمی معلوم دكل ایسه ده ۱۱۳۱ سنه سنده تولد ایتدیکی و ۱۲۱۹ ده سکسان سکز یاشنده اولدیغی حالده وفات ایلدیکی تاریخ جو دتده مصر حدر .

قوجه سكبان باشی ، ولی عهد سلطنت شهزاده سلطان مصطفاهن آلا دینی امره امثالاً بو لایحه یی یازمشدر . کندی اساساً یکچیری اولدینی حالده یکچیریلرک انتظامسز لقلرندن ، بنیان دولته اوردقلری رخنه لردن دلخون اولارق لایحه سنی درین برحس وطنپرورانه ایله قلمه آلمش وشهزاده سلطان مصطفایه تقدیم ایله مشدر . لایحه نك اسلوبی ساده ، بعض تعبیراتی عامیانه اولقله برابر ظریفانه در .

(خلاصه الكلام في رد العوام) ده قوجه سكبان باشی بالذات بولون دینی سفرلردن غایت مفید مثالر ایراد ایدمرك نظام وانتظامه مالك اردولرله احراز اولونا جق مظفریتلری اثبات ایله مشدر . فرانسز انقلابندن ده کندیسنه خاص برطرز تالق واسلوبده بحث ایتمشدر . خصوصیه اسکی یکچیری اردوسی ایله نظام وانتظامی غائب ایدن اردو حقنده کی مطالعاتی ، تجاربه مستند اولق اوزره اسکی حربلر حقنده کی ربایاتی ، جاسوسلر وجاسوسلره قارشى اتخاذی لازم کلان تدابیره دائر وصایاسی ، ایراد جدید خزینه سنه دائر ملاحظاتی دولتمرك تشکیلات عتیقه سنی تدقیق ایدنلر ایچون مهم وثائق معدوددر .

قوجه سسكبان باشينك بولايحه سنه بگزرد برده قوچي بلك سلطان
مراد رابعه تقديم ايدليكي ، ينه لايحه طرزنده ، بر اثر موجود در كه
بوانرك هيئت عموميه سي طبع ايدلشدر . (خلاصه الكلام في رد العوام) ك
شمدي يه قدر طبع ايديلان قسملري ايسه هپ خلاصه دن عبارتدر .
از جمله (تاريخ جودت) ده « بعض مواد مندرجه سي خلاصه الخلاصه
و فقط مؤلفك تعبيرات عاميانه سي ممكن مرتبه ابقا اولنه رق » [۱]
مندرج بولونمقدمه در .

بناء عليه عثمانلي تاريخي ايجون مهم وثائق دن معدود بولونان بوانرك
انجمن اعضاي معاونه سندن بروسه لي محمد طاهر بك طرفدن هديه
ايديلن نسخه سي تام اولارق نشر ايديو روز . بونسخه اوفاق بر حجمده
اولق اوزره ۱۲۲۱ سنه سنده استنساخ ايدلشدر .

[۱] تاريخ جودت ، جلد ۷ ، ص ۲۴۳

خلاصة الكلام في رد العوام

اسرار جناب باری بوجہلہ جاریدر کہ اول حضرت آدمدن تا قیامتہ
دکین بنی آدمک بقاسفی جناب حق جل وعلی مراد ایدوب بالجلہ عبادینک
صلاحیت حاللرینہ پادشاهان جہانی سبب عادی خلق ایشدر . اما عالمک
صلاحیت حاللری ایسه مضرت اعدادن محافظہ ایله اولور . چونکہ جناب
واجب الوجود حضر تلمری بوروی ارضی یالکز بر حاکمہ تخصیص بیور میوب
نیجه بلوک ایتمکله هر بر بلوکفی بر حاکمہ احسان بیور مشدر وهر حاکمک
یعنی هر بر سلطانک زیر حکمندہ بولنان یرلری ودر وندہ بولنان عباد اللہی
قومشو اولان دشمنلرک وسائر اعدانک شرلرندن امنیت ایچون هر بر
دولت صاحبی دخی کندو ملکنہ موافق وهر عصرک حکمنہ مطابق
مدافعہ بولمشدر و نظامی خلادن کوزہ دوب بلکہ کون بکون تقویت
ویروب وهر حدودی بولسان دولتلرک نظامندن زیاده انتظامہ رغبتله
سرافراز اوله کلمشدر وهر جواری بولسان دولتلرک نظامندن دون
اولتلرک دولت و ثروتلرینہ خلل وزوال ایراث ایدہ کلمشدر . زیرا
بر مقتضای طبیعت بنی آدم غافل وزبون بولدیغنک ملک ومالنه ال اوزاده
کلمشدر . آخرک تمیدیسندن غافل اولوب دائماً حزم واحتیاط شروطنہ
رہایت ایتمیلرک دولتلری آخرہ کچوب بی نام ونشان قالدقلری ویاخود
غفلتلری سببیلہ آخرک زیر تصرفہ کیروب شاه ایکن کدا واغنیادن

ایکن فقرادن اوله کلدکاری عالی مرحومک مل وعقم نام زبده توارینجده
مذکوردر . اعقل ناسدن و اصحاب فراستدن اولان دولت اصحابنه
واجدرکه

شها باقه هرضعفه مرد ایسک مردانه بق
بر قارینجۀ دلاور شها شیرانه بق

خصمک قارینجۀ ایسه دخی مردانه بیل مثلی مقتضاسنجۀ حزم و احتیاط
شرائطندن غافل اولیوب هم جوار بولنان دولتلرک وسائر اعدای ملک
وملترک کیدو مکرلری بلاسنه اوغرامیلر . بومقدمه دن مقصود بودرکه
بیگ یوز الی سنه سی اثناسندن تا سکسان ایکی تاریخنه کلانجۀ سفرلر
منقطع اولدیغندن مقدملری سفرکورنلرک اکثری سرحد عدمه کیتمش
وسفر کورمیوب بر ساعتمک یره کیتماش و اعدای دین احوالندن
بر شی کورماش بومزایادن غافل اولان اهالی دولت علیه نک اکثری
دخی داطلو و آجی داطماش نورسیدکان زماندن معدود بولنملریله بیگ
یوز سکسان ایکی تاریخنه آجیلان مسقو سفرنده عسکرمرکز نظامی
مختل و مشوش بولندیغندن اول وقتدن بو آنه دکن همان قرق سنه یه
قریبدرکه عالمک شیرازۀ نظامی بو وجهله خلل پذیر اولمشدر . ارباب
بصیرته وخصوصا اسکی وقتدن قالمش یوره کی یانق بارانیدیله مکشوف
ایسه دخی آحاد ناسدن عد اولنان بعض کسنلر مزایای عالمدن و احوال
وقتدن غافل بولنملریله اکثر عوام ناس بیلدکارینی سویلمسکه مجبور اولمشدر .
بر مدتنبیری بر آلائی ناس کندو اوزرلریته هیچ لازم اولمان سوزلرله
قهوه خانه و بربر دکانلری و میخانه لرده دولت علیه یی فصل و مذمتله
آلوده اولوب لایقی اوزره تأدیب اولمدقلرندن استدکارینی سویلمسکه
جری و جسور اولمشدر و دولتمک نظام و انتظامی بوزولمنسۀ اکثریا بو
کیفیت سبب اولمشدر . زمان سعد اقتران سلیمان خان قانونیده بر آ
جهله وقت بر محله جمع اولوب دولت علیه یی مذمت طریقله وضع

بیوریلان قانون جدیدی عقلانجه بکنمیوب آغز لرینه یاقشمز سوزلر
 بالنفس واصل سامعه هایون اولمغله مذمت ایدمک لسانی واستماع ایدمک
 قولقلرینی دیندن کسوب عبرت عالم ایچون سلطان بایزیدده تیمور قبو
 قربنده بولسان کوچک بابک اوست اشکنه مخلاتمشدر . محل مرقوم
 ثمر عوام ومعبد خاص وعام اولدیغندن هرکس رأی العین مشاهده ایتدجه
 دللرینی کسمشدر . کرک وقت مرقومه و علی الخصوص بو زمانده
 اکثر ناس کفران النعمه لکده همان بنی اسرائیل طائفه سنه معادل
 اولمشدر . فساد عالم محضاً بو مقوله بعض عوام ناسدن نشئت ایتدیکنی
 کندولری بیلیموب زمانه خالق شویله اولدی بویله اولدی دیو سانکه کندوسی
 زمانه خلقندن دگیش کبی حاللرندن غافل و کویا کریه ماده لر کندولردن
 هیچ صادر اولماشدر کبی اوزر لرینه صوج آلامقله شیطان مسخره سی
 اولمشدر . اشبو اثنالرده ایسه اولای امورک مرحمتلری و بعض ملاحظه لری
 حسیله برکسنیه سیاست اولندیغندن جگری براچه ایتز وسفر وحضرده
 دین و دولت امورینه یرامن همان دنیا بوش قالمسون ایچون یرادلش
 بر آلاهییزم ناتمیز میخانه و کرخانه وقهوه خانه لرده دولت علیه بی فصل
 ومذمتده امثال سابق لرینه فائق و راجح اولمشدر . بو مقوله مدبرلر
 اگرچه ظاهرده مسلمان اولوب لکن مسئله طهارت لرندن بی خبر مناو
 وبقال وقایقجی و بالقجی و جمال وامثالی مقوله لری دولت امورینه آغز
 آچدقلری ایچون نیجه لرینک تأدیبی و بلکه نظام عالم ایچون سیاستلری
 لازمدهن ایسه دخی حسب الاقتضا تجاهل وتفافل اولمقده در . الیوم
 موجود اولان عوام ناسک اورتالقمده بی ادبانه وطور سفیهانه ایله ظهوره
 کلان وادیلرینی وخصوصاً لازم الانها اولان بعض ماده نک اصل و حقیقتی
 وقوعی اوزره مبین طرف شریفلرندن بر رساله طلب بیورلمغله حجمی
 جزوی ومعانیسی کلی اوله رق اشبو رساله تحریرینه مبادرت قلندی .
 بنه وکرمه تعالی اگرچه نظر امعان ایله مطالعه سی میسر ایسه

شمديكي حالده عالمك كيفيتندن خير اولمق مقدر اولور. انشاء الله تعالى
 دنيا نك نظام وانتظامي بوزلمغه وروم ايلیده طاغلو اشقياسی ظهورينه
 اشته بونظام جديد ماده سی سبب اولمشدر ديو نزاع ایدن عقلی دومنسر
 بر آلاي پيشعور درد مندرله بعضاً سؤال اولنوب بره جانم ابتدا برشی
 سؤال ایدیم بونظام جديد نظام جديد ديو ايکیده برده دير دير ايدوب
 قوری قوری یه دعوا ايدر سز بونظام جديد نه ديمکدر . ابتدا بونک
 حقيقتی بيل، صکره دعوا ايله، اگر کلامک حق ايسه بنده اسکات اولوب
 سکا ايوالله ایدیم ديدم . جوابنده نظام جديد ديدکاري تعيلمه اولان
 عسکره ديوب بوندن غیری فروعاتندن برشی بيلمديکني اعلان ايتدی .
 آرتق بومقوله ناسه مزايای امور تفهيم ايلک دوه يه خندک صجراتمه
 بکره دیکندن همان ماقوع اوله رق بر مقدار سؤال ايله ديدمه که بونظام
 جديد ظهور ايتمه کسزين دنيا نك فساد حائندن سکا بر قاچ شی ديهيم
 شو وجهله که سلاطين عثمانیه مناضيه رحم الله تعالى حضرائی زمانلرنده
 سابقاً آنا طولیده ظهوره کلان جلاليلر وقعه سی و سلطان مصطفى خان عصرنده
 دورنده صاری بك اوغلو فقره سی و سلطان مصطفى خان عصرنده
 مستقلاً مصرده سکسني يوریدن بلوت قبان علی بك و طاهر عمر و ابو ذهب
 ماده نری و اناطولينک آتني اوستونه کتوران قاپوسزلوند بالاری و بيک
 يوز سکسان ايکي سنه سنده آچيلان مسقو سفرنده تمام یدی سنه اهل
 اسلام مظفر اوله ميوب هر برسنده بر کره بيوک اوردو بوزغونلری
 بالاری اولوب هر سنده نيجه بيک کيسه اچه لک چادر و چرکه و مال
 و طوب و خيره و جبه خانه غارات و بونجه عسکرلر يزی قيروب و کيروب
 یعنی کني اسير و کني صويه دوکوب پريشان ايتدکدن بشقه اوافق تفک
 قلعه لری و پلانغه لردن ماعدا بيوک قلعه اوله رق خوتين و بندر و اسمعيل
 و ابراهيم و کيلي و اوزی قلعه لريمزک کني نمای ايله و کني ضربله اخذ
 و ايجلرنده بولنان صبيان و نسوان و شرفدن و صاحبان اولنلرک اتکلارني

كسوب عباد مؤمنينه بونجه حقارتلر ايله قيد اسره گرفتار ايتدكن
صكره بونلردن نيجه بيك صبيان ونسوانك خلاصلى بكن اوليوب
حالا كفره نك زيرتصرفلرنده قالدقلى چون قيامته قدر آغلايوب آجيسى
دروتمزدن حقيقيه جق شيلر وقوعى بلالرينك كمى تاريخلرده كوريلوب
وكمى دخى كونومزده ظهور ايدن شيلر اولمغله دنيا نك شيرازه نظامى
بوزمغه اشته بومردار ماده لرك ظهورينه عجيبا بونظام جديدى سبب
اولديكه اولزمان نظام جديد يوغيدى ايسته بويلاصلندن انتظامى بوزمش
ومقدما نظام نك چوييسى حقيقمش بويله دنيايه هان يالكرز نظام جديد سبب
اولدى ديو دعوا ايدرسز اشته بو سؤاله نصل جوابكز واردن دنيلدى
حقى قبول ايدنلرك كيمي اسكات وهىچ جواب بوله يوب مبهوت قاورلر
و حقى قبول ايتيوب ديديكمز شيلردن هىچ خبرى اولميا نلردن كمى
جوابنده بن دنيا نك اسكى فسادنى نه بيلهيم شمدىكى فسادى نظام جديددن
اولديغى فهم ايدرم ديو ادعا ايدن بيشعورلره شويله جواب ويرلديكه
فرانسز ممالكنده فساد ظهور ايدوب بربرلرينك اتلرني يديلر و بونجه
قرالر فرانسزه سفر اچوب اون اون بش سنه سفرلرى قتمادى اولدى
وبربرلرينك قانلرني ايجوب سواققورنده سيل كې قان آقتديلر وحالا
ايت كې خريلايدن خالى اوليوب ولايتلرني خنزير سلخانه سنه دوندرديلر
اشته بونك كې فسادلر يالكرز فرنكستانده اوليوب هندده وچينده
وعربستان وعجمستان ويكى دنيا ده فساد و قتال حلاهيچ اكسيك اولماقوله
بونلره دخى عجيبا نظام جديد زمى سبب اولدى وبر نظيرى دخى بودركه
روم اينلنده فساد وارايسه فالله الحمد والمته شيطان قولاغنه قورشون اناطولى
طرفى فساددن خالى اولماقوله نظام جديدك سيئه سى اناطولى به سرايت
ايتيوب هان يالكرز روم اينلنه مى سارى اوادى يوخسه فرمان خداى
امنان وحكم دهر زمان مقتضاسنجه ميدير . بونى فرق لازم دكيدر .
بو سؤاله عقلاً و نقلاً جواب ندر دنيجه جوابنده سبحان الله فسادى

يالكز هان روم ايلده ظن ايدردم دنيا نك هر يري بو مقوله فاسد
اولديغندن خبرم يوقدر اكر نظام جديد اولمسه دخي عالمك مزاجي
بوزوق اولمغه بوصورتمه نظام جديدك صوجي يوقدر ديو هله احسان
باري ايله چوغنيك اسكانلري ميسر اولدي. قالدنيكه بو مقوله مزايای احوال
طلمدن خبري اولوبده ينه دعواسنده اصرار ايدن جهله زمان حضرت
پيغمبر عليه الصلاة والسلام وقتنده بولنان خذله قريش كي هر تقدري
امر حق بيلورلر ايسه دخي مقدما نوديمش اولدقلرندن سوزلرندن
سوزلرندن دونمكه عار ايدوب عو عو كلاب كي اولا آغز ينه ياقشمز
ثانيا فكرينه صغمز كلاملر ايله ظريلدار طورلر نظام جديد طوبجيلريني
اصلندن ذم ايدوب سبب اولنلره لعن ايدرلر ايكن فرانسز سفرتمده
كراملريني كوردك ونجه مز دخي سايله لرنده اسير اولمقدن خلاصه اولدق
ديو مقدما سويلدكلريني صكره اونودوب اسانه كلان هرزه ني سويلمكه
اوتانيمان قلاشله حق تعالى حضرتلري عقل ورشد وفكر كامل احسانيله
انصافه كتوروب خيري و شري فرق ايتماك ونان ونعمتيله پرورده اولديني
دولتليه نك قدريني بيلهرك حسن اتفاق واتحاد نلوب ايله جمله اعداي
دين اوزرينه غايليت ميسر ايلسني بش وقتنده جناب ميسر المراداتدن
رجا ايدم رز. اشته بن سلطانم دنيا نك فسادينه نظام جديد ماده سي سبب
اولمشدر ديو ادعا ايدنلر ايله طول و دراز طوبسز وتوفكسز بو مقوله
اوزون اوزادي محاوره و مناقشه لرمز ظهوره كمشدر. ليكن الحق يعلى
ولا يعلى عليه مضمونجه الطاف جناب باري وآثار معجزه حضرت
رالتداري ايله نجه نجه مدعيلردن حتى قبول ايتمنلر عاقبة الامرده ائرام
واسكات اولنوب آنلر دخي سائر مدعيلري اسكات ساعى اوله رق زمره
ناجيه يه ملحق اولديلر.

ابتدا نظام جدیدك وضعنه وبعضلك لعن وطمعنه سبب نهدر

آنك بیاننده در

شویله معلوم صاحب اذعان اوله که بیک اکیوز آلتی سنه سنده مسقوولو کفره سیله مصالحه عقینده طرفیندن الجیرلر کیدوب وکلوب ایکی جانبك اسیرلری خلاص اولدینی ائنهاده مقدا مسقووه اسیر اولان نیجه کسنه لردن دشمن دینك هر بر کیفیتی وکلای ساهلنت سنیه طرفلرندن سرآ وئلا تفحص اولنوردی. مسقو قرالینك مقر اقامتکاهی اولان پتروبورق [۱] نام محله هردورلو ملتدن آدم بولمغله مقدا عثمانلو رعایاسندن اولوب خدمتی سببیه مسقوده پایه دار اولان برکافرکه غایت مالدار وحیله اصحابندن نافذ الکلام شرمت دیدکاری بی شرم و حیا برکون قرالیجه نك مجلسنده همدملک ائناسنده قرالیجه یه دیرکه عثمانلو ایله نیچون طول دراز جنك ایدوب زحمت چکرسز اکر مراد کز اسلامبولی المق ایسه قره طرفندن بونجه زحمت و نیجه مال صرفیه مشقت چکرسز زیرا استانبولی المق غایت قولای بر شیدر دینجه قرالیجه نیجه اولدیبیلور دیدی لعین مرسوم جوابنده مسقو قرالیجه سی همت صاحبی اولمغله وقتنده ایکی اوچ سفرده غلبه ایدوب قریم کبی بر پادشاهلق یری ضبط و قره دکزده دخی بر عظیم دونما یابدی ویرکتورمن تاتار طائفه سنی بوق ایدوب و نیجه نیجه قلمه لرینی ویرلرینی آلوب آق دکر رعایاسنی و بونجه تجار طائفه سنی دخی کندویه تابع قلدی و بویله همتلو قرالیجه یه یانکیز بر بوغازدن عبارت اولان استانبولی المق همان ایکی اوچ کونلك میسر اولور شیدن دیمکله قرالیجه نك خوشنه کلوب اکر سن بو خدمته موفق اولورسك له ممالیکنه قرال نصب ایتدیکم مثللو سنی دخی اولنجه یه قدر

استانبول قرالی ایدرم دیوب بویه قولایلق ایله نوجهله ایله ییلور دیو
سؤال ایدنجه کیفک عالمیله قرالک اتباعینی یاننده جوابه باشلیوب عثمانلو
عسکرینک جمله سی بوش دکدر . اناطولیده اولانلر چفتی چپوغیله
واستانبول اهاالینک کی اصنافلق وکمی نظام قویه تحسده دکدر . اگرچه
تیز الدن عسکر تدارک ایدم جک اولسه لر برماهه محتاجدر . اشته بوحال
اوزره اولان برشهر عظیمک ایچه جک صولری طشره ده بندلردن کلور .
قره دکزده وآق دکزده نقدر تجار سفینه لریمز وار ایسه قریمه جلب
ایده رز و بیوک کوچک جمله کیلریزه عسکر دولدوروب قره دکز
بوغازینک طشره طرفدن صو بندلری اولدینی سمته عسکر مزی دوکوب
صو بندلری هر قاپ عدد ایسه وارر طوبلر ایله دیوارلینی بر ساعته
هدم ایدره رز . بندلرده اولان صولر اقوب مسقو عسکر ی بندلری
یقمش وکیتلو عسکر ی کلوب استانبوله یورویه جکدر . تواتری اولدینی
انده استانبوله برغلغه واولا دوشوب صوسزلقدان هان برکونده حاللری
دیگر کون اولوب خصوصاً بزم غیرتمزی چکن روم ماتی دخی برطرفدن
پریشانلق ویرمکه استانبولدن دیرمه چتمه بوله جقلری عسکر دخی تیز
الدن اوستومزه کلیوب کندی مالدار ماتلرینک وپادشاهلرینک ورجاللرینک
ماللرینی یغما والدرینه کچن شیلری قایقلره ومانولره قیوب اناطولییه
وروم ایله فراره بقارلر و استانبوله قلان بقیه اهاالینی دخی متحیزاً
کندی باشلری غایب سده دوشوب آتمک پشورمکلک وایچه جک صو بولنماغله
هان ایکی کونده اوتیه سی برویه الوب مسقو عسکر ی اهسته بسته استانبوله
کیروب ضبط ایدرلر دیو جواب و یونیه قرار ویردکلرینک خبری
دولتعلیه واصل اولغین لاین مرسومک بوحیله شیخانیه سی واقعه مطابق
برکیفیت اولوب صواویور دشمن اویمز علی الخصوص قره دکز بوغازینه
قریم اطیه سی بریلکنلک مسافه اولمغله بوکیفیت صورتاً هر نقدر اعتماد
اولنماز ایسه دخی معاذ الله تعالی بویه بر مکار وحیله کار دشمن قویدن

غافل و لمق بروجه به جائز اولمدينى و خصوصا نيجه نيجه دولت لر غفلتلى و اهل تلى حسيه بر كشته اولوب دولت لر ندن نام و نشان قالمدينى و اكثر دولت لر مضمحل اولدقلى وقت و زمانيله ايشه يرايه جق عسكر و مائز مه سقريله يره باقوب دشمن مكرندن غافل اولملى سبب نكبتلى اوله كادى نيجه تاريخلرده مذكور و على مرحومك من ر عقر نامنده اولان زبده توارى خنده مسطور اولدينى اجلدن و خصوصا مسقو كفره سى يمش سكسان ييلدنبرو دولته نظام و ير مش و سائر قرالار اچنده تفرد ايله نام و شهرت كسبه تشنه اولمش و نيجه مملكيتلى و خصوصا له ممالكى بكي بر قراللق ىرى تحت حكومته ادخال ايمش بويله حيله كار و مكار طائفه دن امين اولمق شرعاً و عقلاً هيچ بروجه به جائز اولمدينى و خصوصا لعين مرسومك قراليجيه تعليم ايتديكى اوزره صوبندلر يره بويله براهات ايتك لازم كلسه معاذ الله تعالى تيز الدن نه مال و نه عسكر و نه تدبير و نه غيرت و نه حميت و نه خزينه مفيد اوله ميوب و نظام و انتظام تحنده اوليان عسكر مزك ترتيب وارسالى بويله عسكرله دشمن قوينك دفعى بروجه به ممكن اوله ميوب قلب ممالك اسلام معاذ الله تعالى ايكي كونده زير و زبر اولوب اه واه ايتك فائده مند اوليه جعنى دولت عليه لك صادق و دور انديش بولسان رجالى و اسرار دشمنه واقف اولان سلطنت سنيه امينلى روح عالم مثابه سنده اولان پادشاه عالمناهي اكاه ايتمليه * علاج واقعه پيش از وقوع بايد كرد * مفهوم نيجه يانغين باجايى صارمدن چاره سنى بولمق جمله اساطين سلطنت اوزرلر يره فرضيله عين عد اولمغله انجق سالف الذكر محذورك دفع و رفعى حاضر و اماده عسكر لزومندن لابد و خصوصا اومقوله لازم اولان عسكر اكر چه استانبوله موجود اولسه دخی معاذ الله تعالى بندلر طرفنده برو واقعه اولسه اولطرفدن استانبوله خبر كلوب و استانبولدن دخی عسكر دوشريلوب محل يرينه واري نيجه به قدر لا اقل اوچ بش كونه محتاج اولمغله حق تعالى حاضر تلى حفظ

واماننده ایلیه ونیدیکدن تریاق کلانجه یه قدر مصرده آدمی بیلان هلاک
ایدر مضمونجه همه حال بندلر طرفلرنده ملاحظه اولنان محذوره یه ینه
اولظر فلرده یقین یرده حاضر بولنه حق عسکر و طوب و جبه خانه و مهمات
لازمه و او مقوله عسکر ایسه سائر عسکر من کبی مناو و چور کچی و قایقچی
و بالقی و حال و سائر اوتوز ایکی کونه اصنافق ایله مشغول اولیوب
طوبی و توفیقی یاننده حاضر و آماده بولنق مهم و دشمن عسکرینه و طوبینه
و سائر حیل حربیه سنه مقابله و مدافعه یه مقتدر اولوب حین اقتضاده
یازم ساعت و بر ساعت طرفنده حاضر اوله حق تعلیملو اولق شرائط
اکاهیدن بر قایق بیک کزیده و کنج عسکر تدارک و اقتضا ایدن حیل
حربیه یی و سائر کیفیترلی تعلیم اتمک ایچون اوجاقلره آدم کوندرلدی .
بالاده اشارت اولندی و وجهله اوتوز ایکی کونه آلیش و ریشله آلمش
اولان شهبازلر من بیله و صقال فاله واروب اکر طوب و توفیق تعلیمی
ایچون باشلری بغلامش اولسه آرتق اصنافلقدن خبرلری اولیوب تعلیم
ایلله مشغول اوله جقلری و اوچ ماهده بردفعه خدمتسز علوفه آلق اوله من
دیو صیقیه کیره جکلرینی فکر ایدوب همان و هله اولاده بزر بومقوله
نسنه یی ایده میوز دیو معنده جواب و هر نقدر طور حکیمانله ایلله ذهنلری
صیوارمق مراد اولندی ایسه سقا باا، علی باشی، باش قره قولو جقی همت
یشه سز لر نه دیر سکز نظام جدید تعلیمی اوله حق ایتمش شمدن صکره
آرتق خدمتسز علوفه اتمک اوله میه جقدر و تعلیم دیدکلری بر صیقی خدمتدر
بو باید یان بر جزمک دخی زیاده صنعتدر اما بزی سفره کوندر لر ایسه
الیزده کی توفیقی آتهرز و دال قلیج اولوب ماسقاف اوردوسنی بر برینه
قتارز الله تعالی اوجاغمزه اغا افندمره زوال ویرماسون علوفه چیققدده
آلوب ذوقمره باقه رز دیو کویا حسه حال ایلله کنایه قاریشیق جواب بارد
ویرملریله دولت علیه دخی بوایشی اکر بوشلیه حق اولسه ایکی سفرده
مجبرب اولان خدمتلی کی نه ساتی پشمانلق یسه مفید اولیوب بونجه

امت محمدك پریشان حال اوله جقلری امر اشكار اولدیغنی یعنی مسقولو
خزیرینك صوبندلری هدمی ماده سنده رابطه بند اولدیغنی حيله شیطانیه سنه
اول امرده تیز الدن وسیله قویه اولق ایچون صوبندلری طرفلرینه
یقین اولق ومعاذالله تعالی حین اقتضاده یارم ساعت وبر ساعتده حاضر
اولق اوزره لوند چفته کینده مجدداً کشاد اولنان اوجاغه بوستانی
تفراتی تحریرینه شروع اولندی. اما ایش بونده درکه یازیله جق عسکر
اصناف ایتیموب کیجه وکوندوز اوجاقلده مقیم اولق وهر کون تعلیمی
ایدوب انت ضربلری اولان طوب وتوفنك وجبه خانلری یانلرنده بولنق
شرائطله نظام جدید عسکری نامیله تنظیم وهر بر اورطه لرینه برر امام
دخی تخصیصه وامور دینه لری دخی تعلیم ایتدیریلوب اقتضا ایدن بالجه
مالزمه لری تجم قلندی وبوندن بشقه قره کز بوغازینه دخی لزومی
درجه سندن زیاده متعدد قلعه لر ومقدار کفایتدن زیاده طویلر ومقدر
وهزور طوبخیلر وضع اولندیغندن دشمن دینك قره کز بوغازیندن
دشمنك ایله کچملری لازم کلسه قلعه نفراتنك وطوبخیلرینك کمال انتظا -
ملرندن ناشی برسفینه نك مروری ممکن اوله میوب عون وعنایت جناب
خیرالناصرین ایله اهلاک واغراق اوله جقلریغنی دشمن دین امنه الله علیهم
اجمعین فهم وادارک ایتدکلرندن ذکر اولنان افکار فاسده لری معطل
اولمشدر وخصوصا اشبو نظام وانتظامه وکون بکون عسا کر جدیدنك
چو غالمسینه باقدیجه وخصوصا اسکندریه ده ومصرده وعکده وقورفوده
ومشتملاتی اولان جزیره لوده وسائر بعض یرلرده بر آوج معلم عسکر مزدن
ظهوره کلان خدمات کزیده وثبات قدوملرک کوروب واشتدکجه دشمن
دینك یورکلری یاغی اریمکه باشلامش ایکن وعون وعنایت جناب باری
ایله بومقوله جدید ومنظم وکزیده عسکر مز کفایت مقداری چوغالد -
قلرنده مسقو ونمچه وسائر دین ودولت دشمنلرینك قلوبلرینه رعب

وهراس مستولی اولوب دولتعلیه یه بارد ونا سزا تکلیف لرا یتلرینه زهره نری
اولیه جق ایکن وبومعلم عسکر ماده سی دینه ودولته روح اعظم مثابه سنده
اولوب الی یوم القیامه دولتعلیه نک بقاسنه وجهه دشمنلره غلبه مزه باعث
اوله جق ایکن برآلای ساده دل حمقا عجبا بوعسکر جدید نیه لازمه در
آل عثمان عسکری دنیای قلیج ایله فتح ایتدکلری وقتده نظام جدید
عسکری یوغیدی همان دشمن ظهورنده قلیجه ال اوروب بر یورو یوشده
دشمن ولایتک التی اوستونه کتوررز بونلره حاجت یوقدر همان بزه
دشمن کوسترسونلر دالقلیج اولوب دشمن اوردوسنه طاله رز خراب
ایده رز وقرالک تاجی تختی باشنه کچروب قزل المایه دک کیده رز دیو
دعوا ایدن شهبازلر ایله هزار کره مباحثه و مناقشه اولنوب او مقوله لره
سؤالمزده بره یولداشم سزلر بیلورسکنز که بن بیک یوز قرق اتی سنه سندنبرو
پدرم ایله یکیکچری اوجاغمده پشت وپا اوروب بونجه سفر لرده بولندم
و کرم و سرد عالی کوروب عالمک سله سی بیه رک فلکک چنبرندن کچدم
ودشمن دینه دخی اسیر اولوب احوال طاله ودشمن دینک جمیع حیله
و خدعه سنه ونظام وانتظامنه ودولتعلیه اولان کلی غلبه سی نه یوزدن
ونه سبیدن نشئت ایتدیکنه کرکی کبی واقف اولوب نیجه ماده لر وار که
تواریخندن فهم ودرک اولنماز شیلره اطلاعه مز میسر اولدی سنمز حالا
سکسان یدی اولوب سکسان ایکی تواریخندن بووقته کلنجه همان قرق سنه یه
قریبدرکه مطلع اولدیغ اسرار عالمک جمله سی تحریر اولنسه بر قاقچ جلد
کتاب اولور اما تواریخندن و بالئفس مشاهده ایتدکلر مزدن ماهو الواقع
اوله رق سیزه بر قاقچ ماده بیان ایدیم. کلامده غرض وسائر کونا عوض
تختده اولمدیغندن ان شاء الله تعالی کوش وهرشکنزه کیروب نجی وقتیه
دعاء خیر ایله یاد ایدرسمز افاده مز بودر که خداوندکار اسبق سلطان
سایم خان قانونی حضر تملرینک زمان سلطنتلرینه کاتب دکن فرانکستان

دولت‌لری‌نک و جمهورلری‌نک برنده سرعتله طوپ آتق و توفنک قوللانمق و بونلر امثالی جنک تعلیم‌لری و غایت قلیل عسکر ایله قتی چوق عسکری زیر وزیر ایتمک صنعتلری اولیوب بیایغیجه بریشان حال عسکر ایله بزم ایله جنک ایدرلر ایدی و هر نه زمان دولت‌لیه عسکر‌لیه مقابله ایتسه‌لر اهل اسلام عسکرینک صلابت دینه‌سی حسیده اکثر زمانده نسیم فوز و نصرت دولت علیه طرفنده وزان و بعضاً دخی طرف دشمنده نمایان اولوردی حکمت خفیة سبحانی ایله سلطان سامان خان قانونی حضرت‌لری نیچه سفرنده بر قاج سینه متمادی بوزملغله بو بوزغونلق نظامدن ساده و صری اولان عسکر مزدن نشأت ایتدیکنی مشاهده ایدنجه نظاملو عسکر اوجاق‌لری احداث و عسکر جدید یازمغه مباشرت‌لرنده دیرلکسر طائفه - سنن بر آلائی بشعورلر بو وضع اولان اوجاق و عسکر و قانونی بکنیبوب دنیا فی الاصل یکچیری ایله فتح اولندی سکان و عجمیان و سائر کواکلو ان ایله فتح اولندی بو فصل اوجاقدر یازیلان عسکرینک قیافتلری بزم کوردیکمز و ایشدیکمز شیلر دکلدر چورباچی و اوپه باشی قیافتلری ندر و سقا و آشچی و قره قوللو قچی قیافتلری و سائر اثوابلری فصل عجل و عجایب شیدر دیو کفت و کولری چوغالدوب یکچیری اوجاغنه یازیلان و یازیله جق عسکرلری بر طرفدن اغفال ایله بزکون یوز آدم یازیلش اولسه ایرتسی کونی ایکوزی قحغه بشلا یخه املوک ملهمون مضمونی اوزره خداوندکار مشارالیه حضرت‌لری تفکر بیوروب عندالله تعالی دعدن سوکیلو و احسن اولمدینی ادراک و هر عصرک باطناً بر قطبی اولدیغنی دخی کرامت‌لریله اذعان بیوروب زمان مرقومه حاجی بککش اولادلرندن پوست نشین اولان کمسنه‌بی پادشاه مشارالیه حضرت‌لری اناطولیدن کتوردوب کفارک غلبه‌سی دفع و اهل اسلام غالب اولمق ایچون احداث بیوردقلری شیخ مشارالیه اعلان و اوجاقلره یازیلان

عسکر قاجیوب دوام وثباتلری ایچون دعا طلب بیوردیلر مشارائیه
اوجاغه کلوب واهل ذکر جمیله دعا وحسن توجه بیوردقلری انده اول
کوندنصکره یازیلانلر فرار ایتیوب بزلر حاجی بکتاش کوچکلری اولدق
دیو دوام وثبات اوزره اولدیلر قالدیلر وبویله باشی باغلو واولوقته کورمه
نظاملو عسکر ایله دشمن اوزرینه وارلدقده کرک پادشاه اسلامک امر
غزاده نصب نفسلری وکرک شیخ مشارالیهک نفسلری برکات آتاریله
دشمن دین اردولرینی و عسکرلرینی وسائر برلرینی آلتی اوستونه کتوروب
منصور ومظفر ومغتم اولدیلر بر رتبه ده که اگر تفصیل اولنسه باعث
تطویل اولور مراد ایدنلر مطولاته نظر بیورسونلر دشمن دین بونظام
قویه بی کوروب مغلوب ومنهزم اولنجه چوق کچیوب هزار نیاز ایله
مصلحه یه قرار ویردیلر لکن دولتعلیه عسکرینک بونظام وانتظام اوزره
اولدیغه جمله قرالرائیت مضطرب اولوب بر برلریله خبرلشوب کار کذار
حکما سیرت آدملر ایله بر محل مخصوصه ده استشاره ایتدردیلر که عثمانلو
پادشاهی کندی عسکرینه قوی نظام ووروب اسکان اولنلریچون اوجاق
یاپدی و عسکرینک باشینی بغلادی شمدنصکره بویله منتظم عسکره قارشو
طور مق محالدر واسلام عسکرلی شجیع و دیر اولنقله دالقلیجلی ایچیمزه
کیروب ایشمزی تمام ایدم یورلر وجنکده فوت اولان شهادتله جنته کیرم یور
اعتقادیه غیورانه جنکه کیریشیورلر اگر شمدنصکره بزلر دخی کندومزه
بر رابطه ویرمزسک بوتون فرنکستانی عثمانلو ضبط ایدوب جمله مزی
خواجه که جکلردر . ایش اودر که عثمانلو عسکرینی ایچیمزه صوقامق
طریقنه بقالم دیو مشورتلرینه قرار ویردیلر عقبه الامر حکیمانه وعاقلانه
تدبر وتفکر ایدر که همان سرعتله طوب آتی و توفقک قوللانمق وبونک
امشالی کونا کون صنایع جدیده حربیه احداث ایتدیلر وعسکرلرینک
دوام وثباتی ایچون هراون آدمه برباش تعینی ایله عسکرلرینک جمله سنی
آلشدن وریشدن منع و بتون کون جنک وجدال تعلیمینی کندولر

شعار ایدندیلر و کندولر بر طریقہ فرجه بولمیه جق درجه کتور دیلر
واقعا صنعت مرقوم احدانندن صکره وقوعبولان سفرلرده کفار ایچنه
مرام اوزره قلیچ دوشه میوب پریشانیت اکثر زمانده عثمانلو طرفنده
ظهوره بشادینی توارخ آشنایه معلومدر . زیرا کفارک عسکری طابور
طابور اولوب بوزلماق ایچون آهسته بسته آیق آیق کلورلر وطوبلری
مارقوید ساعت کی محلا وکله لری مصیقل اولغله بر طوب بر دقیقه
تمام اون ایکی کره طولدیروب آتوب کله لری قورشون کی یاغدریر
اولدیلر وطوب توفنکک آردینی آراسنی کسمیوب کویا قیامت قویارلر
واکر اهل اسلامک یایاسندن و آتولوسندن هجوم ایده جکلر اولسه لر کاه
وقده دشمن دین سنی چیقارمیوب اسلام عسکری تمام مرکزینه
کلنجه بر قاچ یوز پاره چرخه طوبلرینه ویمش سکسان بیک توفنکی
بردن آتش ایدوب صابر صابر دوکر اولدیلر و کندولرک بورونلری
قامقیزین بونجه بیک عسکر اسلامه شربت شهادتی نوش ایتدیروب باقی
قلان اهل اسلامی قاجر معه مألوف اولدیلر وعسکر اسلام دخی دشمن
دینت آتش ازغنی کوروب ونیم ساعتده نیجه بیک نفوس هلاکی مشاهده
ایدنجه دشمنه مقابل ایدمیوب بالضرور کوزلری بیومکه بشلیدی آما
کفار بدکردار کمال اقدام وهمتله وار قوتنی پازویه کتوروب بویله بر
صنعت پیدا ایلدی آما اهل اسلام عسکرنده بونظام بامثل بولندیغندن
حق بودرکه اسلام عسکرینه نیجه قیاحت بولنور زیرا اسلام طرفندن
فرضا بیک عدد توفنک آتیلنجهیه قدر کفار طرفندن سکسان بیک
صالحه وکله وقورشون بردن کلکله بوکله طایفق طاقت بشردن خارج
بر معنا اولدیقی مسله در اشته بو حال اوزره تاساطان مصطفی خان
حضر تلیرنک زمانه کلنجهیه قدر کاه غالب وکاه مغلوب اوله رق وقتلر
کچوب اکثر زمانده غالبیت کفار طرفندن ظهور ایدر اولدی دیو بزمله
دعوای کاذبه ایدن بعض ناخلف یکدیچریلک دعوا سنده اولان دلاوران

عصره طرفزدن بویلهجه جواب ویرملکه اسکات اولندیلر قالدیکه مرحوم
سلطان محمود خان اول حضرتلری کفارک اکثر زمانده غلبه سنه واهل
اسلامک مغلوبیتنه سبب ندر دیو سوال تحتنده غایتنه وسیله اوله جق
طریق آرا مغله اصول الحکم فی نظام الامم اسمنده بر رساله تألیف وعرض
اولنوب موافق طبع هایون ملوکانه لری اولغله طبع برله نشر اولمشدر
وموجنبجه عمل اولمنسه همت شاهانه بیوریله جق ایکن بحکمة الله تعالی
مدة عمرلری ختامه رسیده اولدیغی اجلدن اجراسی مقرر اوله میوب
الامور مرهونه باوقاتها مضمونجه بیك ایکی یوز آتی سنه سی حالانده
بالاقضایا عسکر جدید تخریرینه شروع اولندی دیندی چونکه تعلیمی
کوکلیکنز قبول ایتمیوب تعلیم لازم دکل هان بزه دشانی کوسترک دیرسکنز
بز دخی جوابزده بره شهبازم سلطان مصطفی خان حضرتلرینک زمانده
ظهور ایدن مسقو سفرنده کفار ایله سزک اراکزه دیواری چکدیلر
ایدی کفار کورینوب طورر ایکن نیچون واره میوب ایکی کره یوز بیك
آدم قویر جق قیون آتی و خاص آتمک ییوب تمام کفاره مقابله اثناسنده
بر علوفه وتعیین ومانده غوغاسی چیقاروب بو وسیله ایله دوندوکنز
قاجدکنز حتی بندخی سزکه برابر ایدم بیلوزسکنز وایرتسی سنه دخی
روم ایلی وانا طولیده قوندوغیکز مسلمان ورعایا خانلری یاقوب بیقوب
وعیالیرینه وقرارینه ال اوزادوب بونجه فضاحت وقباحث ایدرک اردویه
واردیکز کذلک جنیکده مهارتکنز اولمیدیغندن بر محله اغز دادیله
مقابله ومقاتله قدرتکنز اولیوب ینه سابق کی علوفه وتعیین ومانده
غوغاسیله وقت کچوروب کتدکنز و دین قرنداش لرمنی صویوب خدادن
وکمنه دن حیا ایتمدکنز اثبات ایدنکه نروده یوز آغار دوب دینه وپادشاهه
خدمت ایتدکنز الی یدی ییل سفر لرده حالکنز بویله اولوب عاقبت
مسقوک فرجه بولماسنه مستقل سبب اولمکنز حسیله استدیکی کییجه
مصالحه سنه سبب اولدیکنز ونهایت قریم کی بر خالق نالک

النده قالمسنة دخي باعث اولديكز بونلردن صكره كي آچيلان مسقوسفرنده
 دخي يدي سكرز يوز ساعتلك يردن مستوك جنك عسكري كلنجه يه قدر
 يز ايش كورر سكرز ديو تيز الدن اوزي طرفه بونجه بيك يكيچري
 عسكري تعيين ارلندي ضابطاني واوزي واليسني ديكله ميوب كندى
 راييكنز ايله قيل برون ديدكاري بر كوچك پلانغهلى محله كندى كندوكزه
 واروب مستوك اولطرافده غايه الغايه آز عسكري وارا يكن دو كوشوب
 ينه مقاومت ايدمديكز و عاقبة الامرده نجه كز دكزه دوكلديكز نهايت
 اوزي يه عودت وآنده اقامت ايدوب مسقو عسكري قار وقيش و غايت
 صفوق كونلرده اوزي قلمه سنى محاصره ايلدى سز لر قلعنك ايچنده
 دلكلره صوقيلوب چيقمديكز اويله بر قوى و نازنين و متين سرحد
 اسلاميه قلعهنك حرباً و ضرباً دشمن اليه كچمسنة و جهله خالقنك سز كله
 برابر اسير اولمسنة و نجه بيك سادات و شرفادن قز لرك و نسوانلرك
 و معصوملرك مسقو اليه كرفتار اولمسنة سبب اولديكز و غيرى يرلرده
 دخي بونك كبي مقاومت ايدمديكز كفره طائفه سنك عسكر تعليمى
 خصوصنده و جنك ايتمكده مهارتى معلوم و اسلام عسكرينك جنك
 خصوصنده و انواع كونا حيله حربيه دن غفاتلرى ظاهر ايكن تعليم
 خصوصى بكنميبوب بوبابده دركار اولان عنسادكز مجرد دينه و دولته
 اهانت دكلدر ديو حاللى بو وجهله شرح و بيان اولنجه كمى آدم
 حقى قبول ايله سلكوت ايدرلر و جوابلرنده حقيقت بو تعليم ماده سنه
 اصول الحكم فى نظام الامم نام رساله ده بيان اولنديغى اوزره سلطان محمود
 خان حضرتلى مباشرت بيوره جقلى ايمش مدة عمرلى مساعده
 اولمديغدن مباشرت اولنه مامش اكر اولوقتده رابطه و يرلش اوليدى
 كفره يه بويله مغلوب اولمازدق ديو اعتراف ايدرلر و كمى دخي جوابنده
 يكيچرى اوجاغنده نم يكرمى بش اچه علوفهم وار اكر نظام جديد
 عسكري جو غلوب ايش كورر لرايسه قورقورم كه يكيچرى يه اعتبار قالميبوب

علوفه می آله تم اگر علوفه مه ضرر کلیه جگنی بلسم الله ویرسون بتون
 خلق عالم نظام جدید عسکری اولسون دیو مافی الضمیر لک سوبلر اولدیلر
 وکی دخی تمام حقانیت اوزره اگر چه نظام جدید عسکرینک ایشه
 یرایه جغنی و بویه نظاملو عسکردن ماعدا سائر نظامسز عسکر بر اچکلاک
 ایش کورده میه جگنی واکر بوندنصکره بونظام جدید عسکرینک رفعی
 لازم کلسه حق تعالی حضر تتری حفظ ایلسون دشمن دین دوکون
 یرام ایدوب دخی زیاده فرجه بوله رق دولت علیه یه کیده رک کونا کون
 مردار تکلیف لرایله غلبه سنه تقویت ویره جگنی و نهایت الامرده دشمن دینه
 بر طرفدن جواب و یریه میوب دولت علیه اموری کون بکون تنزلده اوله جغنی
 بیلورز وعون و عنایت حقله بونظاملو عسکر لزومی مرتبه چوغالوب
 مسقو و نتیجه حدود لرنده اولان قلعه لرده و سائر یرلرده اقامت ایتسه لر
 حین اقتضاده جنک و حدالک یولنی ایزنی بیلدکارندن عجمی عسکر کی
 شایر میوب اقدام و مقاتله ده اهتمام ایده جگنیرنی بیلورز دیرلر و دلیلمسز
 شودر که فرضا بر فورطنه لی کونده بر سفینه ده دکز حالندن هیچ بیلمیان
 آدم لر اولسه آلات دومنن قولانمق بیلمدکار یچون اول سفینه آلبته
 غرق و جهله خالق بردن هلاک اولورلر و علمنی بلنلر هر نقدر فورتنه یه
 تصادف ایتسه لر بلك و قولانمق حسیده بلطف الله تعالی ساحل نجاته
 واریرلر ویر شالی دخی بودر که طوپی و تنسکی و جهله آلاتی و استاد
 جنگی عسکری مکمل بر سفینه ایله طویسز و استاد عسکر سز قره دکزک
 کراسته چکلوه می محاربه ایچون بر برلرینه قابل اولسه لر آنلردن
 قغیسی غالب اولور معلوم اولغله اشته بومثاللردن بیلنور ظاهر شیدر
 دیرلر و کذلک اون اون بش ییل جنک خصوصنی تعلیم ایتش و نیجه
 نیجه حیلّه حربیه اوکر نمش آز آدم لر نیجه بیسک تعلیمسز عسکری
 بوزوب و قیروب واسیر ایدوب استدکاری کبی غالب اوله کلدکاری عجا
 محل شبهه میدر دیو نیجه لری اقرار و اعتراف ایدرلر و بالجمله معلوم اولدیکه

فرانسمز ملاعنی اسکندریه و مصره کربوب قروده اولان نیجه بیسک
تعلیمسز عسکرمنز وار ایکن ایشه یر یحقی و غالب اوله جق جنکتری
ظهوره کلبوب طویجی و پیاده معلم عسکرمنز هر تقدیر قلیل ایشه لر دخی
ثبات قدمله جنک ایدوب کفارای قیردیله و قیردیله و بونلردن بر عدد
کمنه نك فرارینی کورمدیلر غیرتلی جمله نك معلومی اولنجه طعن ولعن
ایدنلردن چوق کمنه انصافه کلوب اصل ایشه یرایه جق عسکر بونلر
ایمش مذمتله بوشنه کنه کیردک دیو قصورلرینه معترف اولدیله حتی
جز ار احمد پاشا حضرتلی بونلرک جنکده ثبات قدملرینه و بر فرد
قاچیبو دلیرانه حرکتله شهید اولنجه یه قدر طور دقلرینه باقوب بن اصلندن
بونلری بیلمز ایکن طعن ایدر ایدم لیکن فیما بعد طعن ایدر ایسم دیلم
قوروسون دیدیکی حضار مجلسی اولنلردن مسموعمنز اولمشدر مادام که
برکمنه ده عقل ورشد وانصاف اولوب خیر و شری فرق ایدنجه بومعلم
عسکرینک نه رتبه ایشه یرادیغنی و یرایه جغنی ونه مرتبه ده لازم اولدیغنی
وفی زماننا بومقوله نظاملوعسکردن ماعداسی همان اردولرده و سرحدلرده
وسائر جنک محملارنده ذخیره تلف ایدوب قوری قلاباق ایتمکدن غیری
فائده سی اولدیغنی فهم و ادراک ایدر زیرا دشمن دینک بر قاچ سوزلری
واردرکه اسیرلک حالده قولانمنز ایله ایشدنک آنلردیرلرکه عثمانلوعسکری
سفرده هر تقدیر چوق کلورلر ایسه بزلر او قدر زیاده حظ ایدرز زیرا
عسکریکیز چوق اولور ایسه ذخیردلی پک تیز دوکنوب ایکی اوچ ای
مقدم قچارلر و اگر عجبی عسکرکز اوزرمزه کلورلر ایسه چوغنی
ضوب صالقمیله سرکی ایدوب باقی قازانلر کندیلری قچارلر دیرلر اشته
بوسوزلری تمام واقعه مطابق اولدیغنی رأی العین مشاهده اولنمشدر و بر
سوزلری دخی بودرکه مثلاً یوز بیک عثمانلوعسکرینک ایچنده یالکنز
یوز نفر معلم عسکر بولنسه عندمزمده عد ایتدیکمنز همان یوز آدمدر
قصوری دفترمزمده یوقدر زیرا بر نفر کوزل معلم آدم بیسانغی بشیوز

آدمه معادلر بیلورز دیرلر واقعا سفرلرده کوردک که مدة عمرنده اینه
تفک آلامش وجمله وقتنی آلیش وریشله ویاخود چفت سورمکله
چورمش آدملر حین اقتضاده شاشیروب توفکنکه ابتدا قورشونی قیوب
صکره باروتی قورشونک اوزینه قودقلمی بعض کره مشاهده اولمشدرکه
تیز الدن باروتی وقورشونی توفکنکدن چقارم مدیغدن آنک جنک محذمه
طورمقدن هیچ فائدهسی اولیوب بوشنه قلابالق ایلیکندن ضرری
اولور و بعضاً عجمیلردن کمی دخی باروتک وزنی بیلیموب توفکنکه
حدندن زیاده باروت قومقله نده کی توفکی پرالنوب کندوسنی وصاغنده
وصولنده و اوکنده بولنانلرک کمی سقاتلیوب و کمی دخی هلاک ایتدکاری
وسواریلری اولان چوق عجمیلر حیواننک اوزرنده ایکن کندویی
تهرمان زمان بیلوب باباسنی کورسه سلام ارتکاب ایتمیلر جنک محملرنده
قایجلرینی چقارار ایکن کندی حیواننک باشنی سقاتلیوب و حیوانی
هدر ایتدکه اوردوده اولنلر کوروب ماشاء الله شهبازم دیو آلاهی
چاغرلرلر والحاصل ارقومق ویاظمق وواق آتمق و آت اوکرتمک وچانغی
چالمق وسائر بونلر امثالی صنعتلرک جملهسی تعلیمسز وجوده کلدیکی مثللو
بو جنک اموری دخی یالکز باشنه مستقل بر عام شریف و فن لطیف
اولوب بونلر غالبیت هیچ بر طریقیله ممکن ومتصور اولمادیغنی اصحاب
فراستده دوشمنور هله قدیم اوجاقلرده جزئی وکلی علاقہسی اولان
کمنلر نظام جدیدی فصل مذمت ایدرلر ایسه بعض فکر لرینه مبنی
عندمده عفو اولنور لکن هیچ علاقہسی اولیوب شاب ایله شکری
وخیر وشری کویا فرق ایدنلر عجبا نه عقله ایوب بویله عام شریفی فعلیه
جسارت ایدرلر عقلی و تقی دلیللری یوغیکن و کفر طائفهسی عجمی
عسکرمنزی دائماً مزاح ایدوب بر سفر اولسه ده شو عجمی حیوانلری
بیکر ایکشر بیک آلاسلای دیوب طورلرلر ایکن دشمنک حالته واقف
اولمسنرین همان عناد واصرارلری استغراب اولنور .

عساكر عتيقه مزك حين وضعلرنده اولان كيفيائي ايله

شمديكي حالده اولان حاللري بياننده در

چونكه عساكر عتيقه ايله عساكر جديده پيننده بونجه بي معنا
مناقشه اولنور بونلرك حاللرندن بر مقدار بحثه شروع اولنور شو وجهله كه
قديم اوجاقلرك عساكرى سفره چيقدقلرنده نه كيفيتهل كيدرلر و كلورلر
اكرچه عامه نك معلوملريد اكر بيلمزلر وار ايسه شو وجهله اعلان
اولنور كه غازى سلطان سايمان خان حضرتلري اوجاقلر عسكترلرني
وضع بيوردقلري ائنده تحرير بيوردقلري عساكر مرور و عبور ايلدكلري
محللرده اغنيا و فقرادن و مسلم و رعايادن بغير حق بر اچهل ك نسنه
آلماق و بر عدد يمورطه لرني يمامك و هييج بر كمسنه نك عرضه تعرض
ايلماك شرائطيله تحت رابطه ايدخال ايتكله واقعا عساكر مرقومه دخي
پادشاهك وساثر ضابطانك امر و رايته اطاعت ايدوب قرتي بر قيل ايله
يديلور عسكرك اولدقلرندن فرد واحده براچهل ك تعدى ايتاملريله سفرده
شجيعانه و دليرانه جنككار ايله قلعهلر و ولايتلر تسخير و كفسارك بورني
يره سورتك و بو جهته پادشاه عاليجاهك نام و شاني و ناموس سلطنتي
و قيت ايله ملك عادتلري ايدى و پادشاهك و بالجله اهل ايمانك دعالرينه
مظهر يتله جمله خلق عالم بونلري ال اوستونده طوتوب جمله ناسدن
زياده اعتبارلري مزداد اولمشيدى بو وجهله معتبر طائفه اولدقلرندن
مجهول النسب فرنك و روم و ارمني و يهوددن دونمه لري و چنكانه لري
وساثر نه ايدوكي بلورسزلري ايجلرينه قومادقلرندن مرد اوغلو مرد
اولمليد بونلردن خيرسز و ادبسنز و يان كسيجي وساثر فنا تهمتله متهم
اولنلري ايجلرينه قومامقله دشمن ديني بو اوجاقلر عسكريله قورقودورلر
ايكن دشمن دين بونلرك نظام قويه سنه حسد ايدوب بر طريقه ايجلرينه
اختلاف دوشورمك ايچون غايت حيله كار جاسوسلر كوندروب بر

صنعتله ايجلرينه ادخال ايتلريله بوجاسوسلر كيدهرك نفرات اسلاميه يولد اشاق داعيه سيله شيطان كي طمرلرينه كيروب درونلرندره مركوز اولان شجاعت قويه وديانت اصليله لرينه خلل كتوره جك شيلري يواش يواش تعليمه باشلديلر شو وجهله كه بهي يولداشم دولتك زه ويرديكي يدي اچه علوفه در بزه شهادتله جنت كوسترلر وكوز كوره جمله مزي كاووره قيرديرلر بزم ابكي جانز يوقيا كاوور بزم نه مزي آلدی بوش بوشنه نچون قيريله لم حوادثلريني هنوز دلايتدن گلش احوال دشمندن وبلكه كندندن غافل ساده دل طور لاق تور كجكزلري بويله افساد ايدوب آنلر دخي كيده كيده بعض سفرلرده حدیدن آشيري يوز بولوب بيوكار ياغلي پالاو يسونلر بزلر قوري قورويه ماسقاف كفره سيله قيرلي نچون اولسون ديو مستغرق اولدقلى نعمتي وكوردكلري نوازشي وعنايتي اونودوب كتديلر كرك اوجاقلردن وكرك خارجدن بونلره سوز تفهيم ايتديرر آدم اولماغله استدكلريني سويلك وييلدكلريني ايتكم وقونوب كوچدكلري يرلرده مسام ورعايا خانمانى ياقوب وييقوب بولدقلى نغما ايتكم وعيال واولادى عرضلرينه ال اوز اتمق وبونلردن بشقه يوز طقسان آلتى اورطه ده اولنلرك جمله سى يك وجود مقامنده بربرلريله آيرى وغيريلري اوليه جق ايكن صانكه كندى اورطه سندن ماعدا اورطه لرده اولنلر دين ترنداشي دكلىش كي ولى اچقدن كللى بغض و عداوت ايله بربرلرينك قانلريني ايجمك درجه سنه يوللرده وائزلرده بربرلرينه قورشون اتمق وقيره لرده باصوب هلاك ايتكم كي حاللى حالا باقى اولوب سفرده وحضرده هيچ برلىسى بزدن امين اوليوب نظام و انتظام قديملىر كليا سلب اولندى كتدى وكفار ايله مقابله وقتنده كاور ايله بزي دو كوشدورمديلر واذين ويرماديلر يوخسه اكر اذين اوليدى قوالك تاجنى تختى باشنه كچورمك ايشدن دكلىش ليكن دوات ايرجلى مرتد اولدقلىلرندن بزلري كاووره قيرديروب واسير ايتديروب ماسقاف كفره .

سندن واروللر ايله آلتون آلدیلر دیو آتمش بش بیک کونا کون اراجیفله
کون کچورر اولدیلر حین محاربه ده همان اوزاقدن طوپ سسنى ایشندکلى
کې و برقاج شابقه لی کوردکلى آندە ایچلر نه مسلمان قیافنده بولان
جاسوسلر همان چاغیرمه بشلیوب امت محمدنه طوریرسز کاوور اوردوی
بصدی اوکوز بوینوزی چویردی سمدی جمله مزی سورر اسیر اولورز
تواترینی چیقاردقلری آندە اصلندن اورطه لری قزانلری دشمنه ویرمیوب
قزانلری اوغیرنه بیک آدم شهید ویرلر ایکن شمعدی بونلر جانلرینک قیمتی
بیله جکلری طوتوب یارم ساعت ظرفنده چادر وچرکه و قزان و سائر
شیرینی طاقیله براغوب همان دوغروجه اردوی هایون اوزیرنه اوغرامغله
خزیننه واشیا وچانک صندوقلری یغما ایدوب کفاری صانکک بتون
قیرمش و قرائک تختی باشنه کچورمش کې عنوانیله سالف الذکر یغما
ایتدکلى چاسکلى باشلیرینه برر ایکیشر اوچر و دردر دونادوب
داح داح دیلسی کې کزر اولدیلر بونلرک ایچنده اصل غازی اوللر
ایله اولیانلر معلوم اویوب بریرینه قارشیدلر کتدیلر بونلر مخالفه ایدن
اولور ایسه وزیر واغا وپاشا ویوک کوچک ضابط دیمیوب هجومه هلاک
ایتمک معناد اتمش اولملریله بونلری اویله وقتده نیم دقیقه طور دورق
ممکن اوله مدی دلیل واضح بودرکه سلطان مصطفی خان حضر تلرینک
زماننده قارتال سنه سی وقعه سنده یوز اللی بیک قدر اهل اسلام عسکری
کفارده مقابله ائناسنده ایکن مرحوم و مغفورله قوجه عبدی پاشا
حضر تلی بر شیر دایر کې میدان رزم ووغا وکارزارده اولوب اهل
اسلامک باشی پک صیقلمش دکل ایکن تلفاتی جاسوس قیافنده بر
سواری جاسوس علی العجله یکیکچری متریسلی وراسنده ندا ایدوب
بره یکیکچریلر نه طوریرسز آرقه مزدن کاوور کلدی دیوب آتی تیوب
کتدی غائب اولنججه همان سوزک صدق و کذبنه باقیوب قوجه یکیکچری
اوردوسی بردن بره بوشانوب فراده مسارعت ایدنجه کفره فرجه بولوب

بونلر پریشان اولمشکن پاشای مشارالیه حضرتبری کفارله مقاتلهیه
 کیریشوب بونلری اگرچه خلاص ایلدی لکن مشارالیهک مقاتلهسی
 ائناسنده کرک کندولرینه بر چکی دوزن ویرمک ویاخود مشارالیه
 امداد ایلک خاطرلرینه دخی کلیوب همان صولقلرینی طونه کنارنده
 خزینه جادرلرنده آلدیلر اکیسهلرندن دشمن دین کورنمیوب کیرویه
 دونمک لازم ایکن قبا قوزه کرمیوب اوردوی هایونک خزینه واشیا
 وحیواناتی یغمالیوب آحق تعیر اولسان قیققری بوله میانلر کندولرینی
 صویه آتدیلر بو فراریلرک ثلثی مقداری وبلکه دخی زیادهسی طونده
 غرقبه شهادت اولدیلر کتدیلر وکی یوزمک بامکله طونه کنارنده
 سکود آغاچلرینه چیقوب وکی دخی قامشاق وسازلق آرالرنده صقلنوب
 قلدیلر دشمن دین کلارکده بونلری کوروب بونلریله توفنک وسونکی
 ایله هلاک ایتدیلر و دشمن دین محل مرقومه تمام اوچکوندنصکره کلدیلر
 بوشهبازلرک کتوره میوب طونه کنارنده بر اقدقلری طوب وجه خانه
 ومنهمات سائرمنک جمله سنی کفاره بر ایتدیلر کتدیلر بونلر دینصکره کی
 مسقو سفری عقبنده دخی قوجه یوسف پاشانک دفعه ثانی صدارتنده
 جمله اوجاقلو ضابطان ویکیحجری اغاسی صدر مشارالیه کلوب جوا بلرنده
 بزلر بو دفعه یوز یکریمی بیکندن متجاوز اوجاقلر عسکری وار ایکن
 مسقوک سکز بیگ عسکری طونهی برو طرفه کچدی واوزریمزه کلوب
 جمله مزنی تار مار واثبات مدعای صلابت ایلدی کاوورک بویه نظاملو
 عسکرینه بزم نظامسز عسکرله مقاومت قدرتمیز یوق همان مصالحه
 ایده جککنز وار ایسه ایدک مادامکه بزم عسکریمز حیلۀ تحریریۀ جدیدینی
 بیلنجه بویه قیامته قدر نصرت اوله من دیو چنف القام جواب ویردیلر
 مشارالیه حیرت کلوب بونی بن پادشاه عالمپناهه نیجه عرض ایده بیلورم
 دیجه بزلر عرض محضر یازهرز دیوب نفس الامرده عرض محضرایتدیلر که
 قلملمه اولمشدر وزیره تسلیم ایلدیلر مشارالیه دخی پادشاهه کوندر

بونلردن فیما بعد خیر و نصرت ممکن اوله میه جفی تاخیش ایدنجه چار و ناچار
 مسقو ایله مصالحهیه قرار ویردیلر استانبوله کلدکارنده چونکه مقدمه
 یکچیریلر تعلیمسز اولوب کفره عسکری معلم اولدیغندن انکله مقاومت
 ایده میوز دیدکارینه بناءً و خصوصاً اوتوز سنه مقداری کفره نك غلبه سی
 و صو بندلری ماده سنه ابتناءً دولت علیه دخی کندو حاله انتظامله
 مغلوبیتدن خلاص و بلکه غالبیتنه سبب اوله حق و کید و مکرندن امین
 اوله حق و سبیله بولمغه مجبور اولنجه تعلیم ماده سی یکچیری اوجاغنه
 ابتدا تکلیف اولندی قبول ایتیموب ردله قطعی جواب ویردیلر اگرچه
 بوخصوص فراموشله ترك اولنق لازم کلسه کیدرک اسرار سابقه دن
 زیاده فنا نتیجه ویره جکی و کفره طائفه سی یوز بولوب کلیاً فرجه یاب
 اوله جفی ظاهر و بندلر ماده سی صحتی دخی میدانه حقیقتمش کیفیت اولمغه
 بوستانی نفراتندن تفکیکی ترتیب ولوند چفتاکننده مجدداً یاپیلان قشلاغه
 قوندی سلمان سلیمان خان حضر تلرینک یکچیری اوجاغی کشادنده دونکی
 کون یازدینجی عسکر بو کون قاچدینجی مثللو بودفعه دخی بر آلائی یکچیریلک
 دعواسنده اولوب فقط اوجاقلرنده بر قوری غلوفه دن غیری یکچیریایکده
 علاقہ سی اولمیان قلاش قوردلر بر بر یله فسیلدی یه واروب یاخود نظام جدید
 اوجاغی آجلدی جدید عسکر صنعت حریبه تعلیم ایدوب اگر بر سفرده
 خدمت پسندیده ظهوره کتوردرلر ایسه یکچیریلک معطل اولوب اسامه لر من
 هیچ اوله حق دیو و سوسه یه دوشدیلر نظام جدید اوجاغنه یازیلان
 آدمیرکا ووره مشابه تعلیم ایتیمکه مسلمانقلرینه ضرری واردر دیو مقدا
 دین و دولته علاقہ سی اولمیان و مسئله طهارتی بلیمان باطلار بوبایده
 مسلمانلق قیدینه دوشوب نجه لرینی یازلمقدن منع و یازلمش نجه لرینک
 دخی فرارلرینه اقدام ایتدیلر. حق سبحانه و تعالی حضر تلرینک حکمت
 و بانیه سنه باقمکه بو عسکر مرغوبه ایکی اوچ بیکدن عبارت ایکن فرانسه
 سفیری اچیلوب جدید طوبجی و تفکیکیلر مصر و عکبه تعیین اولندیلر

اوج بیک آدم استانبولدن حرکتله سفینه لرینه راکب و محملرینه ذاهب اولدقلرنده کرك استانبول و کرك سائر محملرده برادبسنلک و یاخود بر کمنه نك بغیرحق بر اچقلک نسنه سنی المایوب عرض و ناموسلر یله قیز کبی کتدیلر و کتدیلر اکر بونلردن بر قباحث ظهور ایتدی ایسه و کورولدی و ایشیدلدی ایسه جمله عالمه صالدر سویلسونلر کمال احسان ربانیه ایله عک قلعه سنه واردقلری کبی فرانسنز کفره سی آلمش اوج کون جزار احمد پاشای و عک اهاالیسنی کمالیه تضیق و کله و خبره نی یاغدر مغله قلعه یی بتون بتون آلمغه بر دیکیش قالمشکن و خصوصاً برج علی نام محلدن قلعه دروننه دشمن دین کیرمشلر ایکن بوجدید عسکر الطاف سبحانیه ایله قون حربیه لرین بر کونا اجرا ایدرک کفاری بر مرتبه لرده قیروب هلاک ایلدیلر که فرنکستانک بر محلدنه فرانسنز بویه رس وای و بدنام قیریدیلر و قلعه مرقوم و جمله اهاالیسی بونلرک اقدامی واسطه سیله خلاص اولدقلری دنیا ده بیلمز هیچ کمنه قاننامشدر اشته بونلرک ایشه یارادینی ویرایه جنی بوندن معلوم اولزمی تمام یریدر کذلک هر نره ده کفار ایله ملاقی اولدیلر ایسه آزلقلرینه کوره کفاردن یوز دوندر میوب قیریدیلر و قیریدیلر و برنفر فرار عارینی ارتکاب ایتماکله حضرت حقلک و جناب پیغمبرک مراد علیه لری اوزره غزا و جهاد امرینی و دین مبین شرائطی رینه کتوردیلر اکر سوزمده خلاف وار ایسه یردن کوکه قدر اذندر سویلسونلر و یاخود الله ایچون حق قبول بیورسونلر چونکه تعلیمسنز اولان عسکر مزمرصرده واسکندریه ده و سائر حوالیسنده فرانسنز کفره سنک آتولسنه و یا یاسنه مقابله ایدم دکرندن میدانده قلوب مهلم عسکر مزمره التجا ایله ایچلرینه کیرملر یله کندولرینی مهلمکدن خلاص ایتدک لرینی اکر انصافلری وار ایسه اقرار ایلسونلر و بونلردن بشقه کچن سنه بیک ایکی یوز اون یدی سنه سی روم ایلیده طاغلو کافرلرینک اوزرلرینه مأبور اولدقلرنده اشقیا طائفه سی حین ظهورندن وقت مرقومه دکن بونجه

ووزرا و سائر مأمور لرك جمله سنی بروقتند اشقیایه فرجه بوله میوب بوكافر لر
 هیچ برکسنددن یوز دوندور مدیلر و هر نه محله ایسه جمله یه غالب اولدیلر
 و بونظام جدید عسکرینك كوكنی قازیوب بردانه سنی قالمینجه قدر قیروب
 نام و نشانلرندن اثر قالماق نیت فاسده سیله مغرورانه وار قوتنی بازویه
 کتوروب بونلر ایله اللشدیلر عسکر جدیدك ایسه طوپلری و خیمه لری
 و سائر سواریلری یانلرنده اولیوب همان یالکزجه پیاده ایکن و کال
 مرتبه اورتالق قیش و قار و یغمور و چامور ایکن و اشقیایه برقریده ده محفوظاً
 طور لرلر ایکن واردیلر باصدیلر و محاربه یه کیریشدیلر اشقیایه ایسه قریه نك
 ایچنده محفوظ و عسکر جدید دیزلرینه قدر چامور و صو ایچنده ایکن
 اشقیانك نصفی درجه سنی اولمش آرمود کبی دوکوب خراب و جان
 جهنمه کوندروب باقیلرینی جبراً و قهراً قویاروب قاچردیلر و آخر
 بر قریه ده صوقدیلر و وقت قلیده اشقیادن هلاک ایتدیلر درت یوز
 قدر لاشه مردار لرینك یا نمش لرینی بولدیلر اشقیادن آلتان دیلاردن منقولدرکه
 اشقیایه بربرلرینه چاغریشوب آبی بابام اوغلو بونظام جدید آتشی ایشتدی کمز
 کبی دکلش طارتلدق اشته بزدن آتی اوقه زیاده کلدیلر دیو بربرلرینه
 چاغریشوب مقدار لرینی بیلدیلر عاقبة الامرده هیچ بر طرفدن یوز
 چویر میان کافر لر کیجه ایله طاغلره طیرمانوب فرار ایلدیلر که بو دخی
 عامه نك معلومی اولمشدر قلدیکه اشقیادن بونظام جدید عسکری ایچلرینه
 برنفر جاسوس صوقعه هر نقدر اقدام ایتدیلر ایسه چاره سنی بوله مدیلر
 زیرا بو عسکر مرغوبه نك نظاملری بودرکه هر اون عدد نفرینه بر نفر
 اون باشی اولوب هر اون باشی کندو نفر لرینی و هم صاغنده و صولنده
 بولنانی هر زمان کوروب طور مقبله جمله سنی بیلور و بربرلرینك یانلرنده
 بر خطوه ایرماز و ایچلرندن بر آدم بولنمه اوساعت بیلور لرکه قنغی اسمده
 اولان نقصاندر و ایچلرینه خارجدن بر آدم گیره جك اولسه هر ضابط
 کندو نفرینی بیلور خارجدن کیرن آدم نروده طور سون همان میدان

سپور کسی کی اور طہہ قلب یقینی الہ ویرر بو طریقیہ کرک مسام
 و کرک کفرہ دن ایچلرینہ بر آدم کیروب جقمق و بونلرک حالنہ واقف
 اولمق وزرہ یہ کیدہ جکلر در ونہ یابہ جقلر در بلنمک متصور اولمدیغندن
 دولتعلیہ کورہ اشتہ بوندن اعلا ورعنا نصل عسکر و نظام اولہ بیلور
 اہل انصافہ و ارباب عقل و کیاستہ معلومدر زیرا عسکرک ایچندہ بولنان
 جاسوس بونلرک نظامی اوزرہ بولنہ بیلور و بوعسا کر جدیدہ نک سائر
 عسا کر عتیقہ دن زیادہ اولہ رق فضائل و محسناتہ نہایت یوقدر اگرچہ
 جملہ سی تنصیلاً یا زیلسہ بر قاچ جلد کتاب اولور لکن عوام ناسک
 عقلی یتشہ جکی قدر تفہیم اولور کہ جملہ محسناتندن بری عسا کر قدیمہ
 اثوابی یک ہیئت اوزرہ دکلر قیافہ لری مختلف اولمغلہ بونک مضرتی
 اولدر کہ جنک اثناسندہ اگر فرار ایدن اولسہ بوفرار ایدن کسینہ
 عسکری طائفہ سندمیدر و یا خود دکلدر یوخسہ اصنافدیمیدر و یا خود
 برینک یانندہ خدمتکارمیدر هیچ معلوم اولہ مدیغندن ہان فرار ایدنلر
 بر محلہ وارر کندولرینی بیلدیرمامک ممکن اولہ یور لکن عسکر جدیدک
 جملہ سی قیافہ مخصوصہ اوزرہ اولدیغندن کندو زمرہ لرندن بر آدیم
 ایرلسہ لر ہان یوزک طاشی کی میداندہ معلوم ارلہ دوشر و بلوکنندن
 بر آدم نقصان اولدینی آندہ اول دقیقہ دہ معلوم اولوب آرارلر و بولورلر
 آنک ایچون عسا کر جدیدہ دن بر بیوک اردودہ بر آدم فرار ایتم
 ممکن و متصور اولہ میوب ناچار بلوکنندہ مقیم و خدمت لازمہ سندہ قیام
 ایدر محسناتندن بری دخی بودر کہ عسکر قدیم دشمن دین قارشوسندہ
 نماز صبی کی صف صف دور میوب سیر محاندہ دوران قلابالق کی قارمہ
 قاریشیق طور لر جان استیان توفنکئی بر کرہ و کی ایکی کرہ و کی دخی
 زیادہ ہر تقدیر موفق اولہ بیلور ایسہ طولدیروب آثار و کی دخی نہ یابدیغنی
 ونہ یابہ جغنی بیلیمیوب ہان یانجی پهلوان کی ایکی طرفہ دوزر طورر
 و دشمن طرفندن بر حال مشاہدہ سیلہ بر مقدار کیرویہ چکلمک ایچون

ضابطلر عسکره سوز سويلسه لر کمي ايشيدوب وئی ایشیتمز هرکس
 بلدیکی کیجه ایدر اکر عسکری بر مقدار کیرویه الهجق اولسه لر بهانه
 ایدوب برقچ قوناق قدر کیرویه چکیلورلر اما بو عسکر جدید نماز صنی
 کبی صف اولوب اوکنده بولنان صفدن بشقه اردلرنده اولان
 صفلر دخی کذلک صف صف طورلر وابتداکی صفده قایچ بلوک ادم
 وارایسه آردنده اولان صفلر دخی اکا قیاسیله نه نقصان ونه زائد اولور
 همان قورولمش ساعت کبی اقتضاسنه کوره دوتر طورلر شو وجهله که
 بونجه بیک ادم صاغلی وصولی همان ایکی نفر نشانجی ضابطلرینک
 کوستره جکی اشارت معلومه عسکر دایما بقار طورلر شویله که بونلرک
 ایچنده برنفری باشی غیری طرفه دوندورمه قدر اوله مزو ضابطلرینک
 امری فهم ایچون شانه ایتیموب برکسنه نک آغزندن حرف چیقمیهرق
 قولاق ویرر طورلر اشارنجی ضابط مثلاً حاضر اولک دیو بر اشارت
 کوستر بونجه بیک ادم جمله سی همان یکدن حاضر اولوب ایچلرندن
 برینک دورمه ویا خود صحبت ایتکه وغیری محله باقعه هیچ بروجهله
 قدرتی اولمز همه حال جمله سی بر برینه موافقه حاضر طورلر بعده یته
 هر نه کونا اشارت کوستریلور ایسه اکا کوره آتش فشانقلر اجرا ایدرلر
 وبعضاً بر اشارت کوستریلور که نظام وانتظام اوزره اوینیوب همان توفیکلری
 سریعاً وعاجلاً طولدیروب آتغله کورولدی وظیریلدی یه ازالق وپرمیه رک
 قورشونی یغمور کبی یاغدرلرلر واکر بوحال اوزره ایکن یوزیلورلر
 ایسه درعقب ضابطلری بر نشان کوستروب بونلری صنعتله کیرویه آلوب
 اردلرنده اولان دینچ عسکری بونلرک رینه قورلور بونلرک کذات او وجهله
 آتش صیچارلر اشته بوحال اوزره عسکری یورلتمیوب ونفرت کتور میوب
 جنک وجدال بو هیئت وصنعت ایله بروجه سهولت جرا ایدرلر وبعضاً
 حین اقتضاده بونجه بیک ادم بر بیوک دکرمی خلقه شکنه کیروب دور
 ایتکه بشالارلر شوصورتله که او دائره دوندجه دسمنه قارشو بولنان همان

قورلمش توفیکلرینی بـ شالدوب قورشونه اراق ویرمز لرینه اول محله کلنجهیه قدر توفیکلرینی حاضرلیوب دشمنک قارشوسنه کلدیکی آندە آنارکه بودور حنیبله آتش حرب و قتال برآن خالی قلماز و بعضاً دخی لزومی اولدجه بونجه بیسک آمم بر کوچک زره صیقیشوب کندولرینی دشمنه آزه جق کوسترمک ایچون طوب اولور طور لرلر اندن مرادلری نه ایسه اجرا ایدرلر و بعضاً دخی آچیلوب مثلاً اون بیسک آدمی الی التمش بیسک قدر کوستریرلر و بعضی وقتده دخی اگر باشلری صیقیلور ایسه جمله عسکردورت کوشه بر قاعه رسمنده اولوب جمله بیوک ضابطلرینی اورطه لرینه آلوب دائراً مادار اطرافه آتش صاحبوب و دورت کوشه نك هر کوشه سه طویلر وضع ایتملریله اگر فرضا دورت طرفدن دشمن کلسه دخی فرجه ویرمز لر همان برینار آتش مثالی البدء هجوم ایدن دشمنی قیرارلر دوکرلر و بوهیئت اوزره ایکن دشمن طرفدن سوار ی کلوب بونلرک ایچلرینه کیرمک مراد ایلسه تیز بر نشان کوستریلوب عسکرک کنارنده بولسان صیرمه ده اولنلر همان آن واحده ده برر دیزلری اوزره چوکوب اللرنده اولان حربهل ی توفیکلرینی کوسک لری نه طیار طور لرلر که بو اوتوران صفک وراستنده بولنان صفلر آیاقده اولملریله آتش بازقلرن اجرا ایتدکلرندن بونلرک ایچنه دشمندن سوار ی دخی کیرمک محالی اوله من بو صورتده اوزر لرینه کلان دشمن فرضا طاشدن اولوب آهن پوش اولسه لر دخی البدء صابر صابر دوکیلورلر و اگر کلان دشمن بونلر کی نظامی و معلم ایسه لر آنلر دخی بونظام اوزره کللریله اوزمان غالب اولمق ایکی طرفک بیوک ضابطلرینک کونا کون فن جدیدینه وحیه حربیه ی بیلوب اجرا ایتمسه جناب خیرالاصبرین هر قن ی طرفی موفق ایلر ایسه بهر حال او طرف غالب اولور زیرا سردار جمله انیسا سپهسالار اصفا رسول خدا صلی الله تعالی علیه وسلم اقدمن حضرتلری محاربه خصوصنده الحرب خدعه بیورمشلردر یعنی جنک حیلهدن

عبارتدر . بوحدیث شریفک ورو دینه سبب بودرکه برکون حضرت رسول علیه السلام زمان سعادت لرنده غزا اولوب دشمن طرفدن بر بهادر ونامدار میدانہ حقیقہ حق اولمنله کندویه مقابیل جنسکه حضرت علی رضی اللہ عنہ طاب ایلدی . امر حضرت رسول ایله حضرت علی رضی اللہ عنہ هان یالکز جه قلیجی قوشانوب میدان محاربه یه پیاده چیغدی کفار طرفدن معهود کافر سوار ی ارله رق میدانہ چیغدی حضرت علی رضی اللہ تعالی عنہ اقتدمزه اول کافر مقابل کلدکده حضرت علی خطاب ایدوب بر قلیج ایله پیاده جه کدم سن نچون ایکی قلیج وایکی اوق یای ایله سوار ی اولوب کلدک دیدی . اول کافر جوابنده سندخی بنم کبی ایکی قات سلاح ایله سوار ی کلدک دیدی حضرت علی تکرار سؤالنده هله بونلر بویله اولسون لیکن محاربه ده عادت اولدینی اوزره بزم طرفدن میدانہ یالکز جه بن چیقده یاسن نچون یاننه بر آدم زیاده آلوب ایکی کز برابر کلدیکز دیو بیور نیجه اول کافر اینانوب یاننه یشقه آدم دخی کلمش ظنیله آردینه باقدینی آنده هان حضرت علی کوز آچوب یومنیجه اول لعینک کله منجوسنی اوچوردی و بولعینک هلاکی طرف اسلامه باعث مسرت و سرور اولوب حضرت علی بعدالعوده جناب حضرت پیغمبره ملاقاتنده نه حیلہ حسنه ایله لعینی قتل ایلدیکین خبر ویر نیجه بو حدیث شریفی بیوره شلردر . اشته بونک کبی غزوات سائرده دخی نیجه نیجه حیلہ کونا کون اولمشکن واهل اسلامک غالیبتی وشر فی ایچون کفارده کوندربان جاسوس اسلامیک هر دورلو قیافه یه کیرملرینه مساعده بیورلشکن وکنارک مغلوبیتی ایچون هر نه اولورسه اولسون اذن ورخصت حضرت پیغمبری ظهور ایتمشکن بر آلا ی جهله زمان بو عسکر جدیدک کمی اثوابی بکنمیوب و کمی دخی بو تعلیم ماده سی کفره یه مخصوصدره مسلمانہ یاقشمر دیو کفت وکوا ایلوب دولتیه مالکی دشمندن نه طریقله حفظ اولنور دیو زمانده اولان دشمن دین ندن خوف ایدر

و غالبیت و مغلوبیت نه یوزدن اولئی و نه طریقیه اوله جقدر برندن
 خبر و اکاهی اولیوب همان بر قایح آنچه علوفه مز عجبا کیدرمی فیکریه
 جیندن دورلو دورلو هذیان پیداسیله بر آلائی ساده دل آدم جکاری
 اشبو امرغزا و جهاددن منع ایتملی حق بودرکه ایکی جهان سعادتندن
 محروم اولغه بادی اولان خذلان دکلیدر . حاصل کلام اهل بصیرته
 مکشوفدرکه بونظام قویه عتیق او جاقدر عسکرلرنده اولق بر وجهه
 ممکن اوله میور زیرا نظاملری فی الاصل بشقه کونا قورلمش اولغه جدید
 نظام تخنه ادخاله هر کس متغیر اوله یور بو قدیم عسکرک مثلا بر اردودن
 دونوب کیرویه کتملری لازم کلسه اردلرندن قرق بیک ضابطلری
 طوروب بونلری چورمک مراد ایلسه لر هیچ بر طریقیه چاره سی بولماز
 استدکاری کیجه ایدرلر اولدیلر همان ایچلرندن بش اون آدم کیرویه
 یوز چویردیکی آنده کیمک حدی واردرکه انلردن برادنايه طور کتمه
 دیمکه قادر اوله همان جمله سی بر برینک اردنه دوشوب صولوقلرن اکثر
 زمانده اوردوی هایون خزینه سنک و چلنک چادرلرینک ایچنده آلورلر
 اولدیلر عسا کر جدیده نک محسنتندن بری دخی بودرکه فرضا دشمن
 دینک زیاده سیله غلبه سی اولسه عسا کر جدید مغلوب اولسه لر دخی
 همان بر کره مغلوب اولدق دیو پریشان و پراکنده اولزلر باش بوغلری
 و امر صاحبلری اولان ضابطلر ایتسی کونه یا خود بشقه و قه قدر کندولرینه
 چکی دوزن و یروب ینه دشمن دین اوزرینه کیدرلر و عسکرلرندن بر فردی
 یوز غونلق بهانه سیله صکره کی دفعه کیتما مک قدر اوله مزلر مکرکه
 حسب الاقتضا ضابطلری کتمک مراد ایتیلر اما عسکر عتیق بر محله
 جزئی یوز غونلق کورسه لر کندولرینی صویه آتمله دنیادن چیقوب
 کیدرلر بوسیه دشمن دینک فرجه بولسنه سبب اولورلر که و قتمزده
 ظهور ایدن ایکی دفعه مسقو سفری و بر دفعه نیمچه سفری و بر دفعه
 فرانسولی سفرنده دفاتیله کورلمش و عامه نک معلومی اولمش شیدرکه
 اثباته حاجت یوقدر .

عسا کر جدیدہ نک محسنانندن بری دخی بودر کہ بویله جدیدہ عسکر دن عبارت اولان بر اوردویہ و کرک محافظہ سندہ اولدقلری قلعه نک اطرافنی مکر دشمندن محافظہ ایچون قره غوللر تعین اولنور اکرچه فی الاصل عادت مزدر لکن طرز قدیم ایله طور جدیدک دنیا قدر فرقی واردر . طرز قدیم اوزره اولان قره غول ایچنه اجنبی عسکر و دشمن قاریشور و طویولمز لکن طور جدید یعنی معلم عسکر قره غولنه قارشمق واردر و قلعه ایچنه اجنبی کیرمک هیچ بر وجهله ممکن اوله مدیفندن قره غوللرک کیفیتی تعریفی بودر کہ اردونک اطرافنه هر نقدر قره غوللر تعین اولنور ایسه آنلره هر کیچه بر نشان کلام افاده ایدرلر کہ اول کلامی ابتدا سر کرده عسا کر بولوب بالجله ضابطاه کیزلیجه سویلر و ضابطان دخی عسکره کیزلیجه سویلر و بو کلامی سریانه قره غوللره دخی خبر ویرلر و قناکه خارجدن بر جاسوسه قره غوللر راست کلسلر همان پاروله دیرلر یعنی پاروله دیمک بو کیجه نک نشان کلامی دیمکدر . مثلاً بو کیجه نک پاروله سی ادرنده در و یارین کیجه نک پاروله سی بغداد و بصره در و اوچنبی کیجه نک پاروله سی قزو اناختاریدر و دردنجی کیجه نک پاروله سی عبدی پاشادر اشته بعض کیجه ده قلعه اسمی و دیگر کیجه لرده آدم اسمی و یا خود بر اشیانک اسمنی تخصیص ایدرلر حاصل کلام خارجدن ایچری کیرمک جاسوس اول کیجه نک پاروله سنی خبر ویرمدیکی کبی در عقب طودوب آوردو باشوغنه کتوریرلر و اکر قره غوللره راست کلان آدم اردومنز آدمندن اولوب او کیجه نک پاروله سنی خبر ویردیکی کبی بیلورلر کہ کندی عسکر مزنددر دوقونمز کچر کیدرلر اشته جاسوس ماده سی آنجق بویله معلوم اوله بیلور و جاسوس ماده سی ایسه اولاهلادن زیاده دقت ایدمک شی اولمقله کمالیله اقدامه همت ایدرلر تا کہ اول سفردن عودت اولنجهیه قدر بر کیجه نک پاروله سی بر کیجهیه بکزه میوب هر کیجه ایچون بر کونا پاروله احداث ایله جاسوس یلا سندن بویله خلاص اولورلر و محسنانندن

بری دخی بودرکه بوعسکر اوردوسی کرک کیجده و کرک کوندوزده
 بر محله ایکن اوردو باش بوغی ضابطانه و سائر مه برشی تنیه ایدم جک
 اولسه دشمن واتف اولسون دیو بالنفس ضابطلری چاغیرمز ولساناً
 سولیز اشارت ایله تفهیم ایدر تنیه ایدم جکی شی هر نه ایسه صره
 عربلرینک طاوولی کبی طاول چالدر و ب تنیه ایدر جمله ضابطان اوزاق
 محله ایسه لر دخی قولاق اورر لر بعدد تنیه اولنان هر نه ایسه فهم ایدر ب
 اکا کوره جمله سی بردن حرکت ایدر لر و غیره کمنه لر فهم ایدم مز لر که
 حتی دشمن دین دخی خبردار ارله اما قدیم عسکرده بوشی محال اولوب
 برینه بر امر اوله جق اولسه جمله عالمه رایکان اولور و دشمن دخی
 واقف اولوب اموریمیزی ابطال ایدر و محسناتنک جمله سندن افضل
 و احسن و اعلا اولان بودر که عون و عنایت جناب باری و حضرت رسول
 کبری انک قوه معجزه باهره سی برکات و آثار یله اشبو عسکر جدید
 دولتیله نیک جمله حدود لرینه کفایت ایدم جک مقداری ترتیب و تنظیم
 درجه سنه ابلاغ اولندیغی صورتده هر نقدر حدود و سنور اسلامیه
 و ارایسه جمله سنه معلم طویجی و معلم عسکر جدید قونیلوب حین اقتضاده
 دشمن دین ایله محاربه یی قاعده حرب و قتال اوزره ایدر لر و اکاهیت
 اوزره محافظه یه اقدام ایدر لر و دشمن دین دخی اوقات سائره کبی
 علی الغفله هجومه یول بوله مز و بولسه دخی حقندن کلور لر زیراً مرحوم
 سلطان محمود خان حضرت تریلرینک وقتنده نمچه کفره سی صلحه باقیوب
 علی الغفله نیش قلعه سنه هجوم و بردن بره ضبط ایتمکه دفعی باینده خیلی
 زحمت چکلدیکنی حالا بیلنر وارد و کفره طائفه سی دایماً آتش بازقله
 مهارت کسب ایدوب اوزاقدن ایش کورمکه مألوف اولملریله قلیچ
 و بچاق رسائر آلات و نجاحدن یعنی یقیندن اوره جق آلاتدن قورقازلر
 همان تعلیمی عسکردن و طوب و خیره و توفیکدن و لغمدن و جمله باروت
 اویونلرندن خوف ایدر لر که اوزاقدن انسانی هلاک ایدر بئانه علیه دشمن

دینی خوفه دوشور دپ مقابله بالمثل شروطنه رعایت پادشاه عالمپناه
 حضرت لرینه و سائر اساطین سلطنت سندیه و بالمله دین مبین ار لرینه
 فریضدن اولدینی شرعاً و عقلاً و تجربه ثابت اولمشدر مادامکه دشمن
 دین عالم اللعنه طائفه سی اصلندن غایه الغایه جبان و خائف و هراسان
 بر طائفه ایکن و اهل اسلامک زحمته جمیع زمانده طاقست کتوره میوب
 بشکده کی بچلرینی دخی مسلمان کلیور دیو قورقوتمق عادتلری اولمشکن
 و بر مسلمانی کوردکلرنده نیجه لری بردن سابقه لرینی چیقاروب کمال
 خوف لرندن ناشی طایفه اوزر لر ایکن کمال اقدام و اهتنامه آتش باز قلن
 قوتدن فعله کتوروب برقچ بیک آدیم یردن سرعت طویلن تفک کی
 قولالانوب یالکیز بر طویلی بر دقیقه ده ازن ایکی ازن بش کره آتمق حسابله
 بر ساعتده بیک کره آتمق اهل اسلامی اوزاقدن تار و مار و ایچ لرینه
 قلیج دوشور من اولدیلر و بر لرینه حسب حال لرنده هله عثمانلو عسکرینک
 حدینی بیلدیردک شمدن صکره ولایتلریمزه آتیق باصه مزینر و مسلمانک
 مالکی دخی بزمدر دیو منادی امضا و بو وجهله اهل اسلامی هیچ
 منزله سنه قومالریله و خصوصاً بیکوز سکسان ایکی سنه سندنبر و بونجه
 اهل اسلامی و عیال لرینی و شرفادن نیجه بیک با کره و صیدیانی زیر تصرفه
 آلوب اهل اسلامه حدندن زیاده مردار تکلیفلر و فنا معامله لر ایدوب
 طرور کن بر آلائی بیشعور طائفه مز بونلری هیچ خاطر لرینه دخی
 کتور میوب و قرق سنه یه قریب درکه کفره نک غلبیتنی و اهل اسلامک
 مغلوبیتنی محضاً کفره نک آتش لرینه تحمل ایده مدکلرندن جنک اولنه میوب
 بو تقریب ایله فرار لرینه مبنی اولدیغنه دخی عقلی یتشمیان درد مند لر قاعه قپوسندن
 چیقوب بر قوناق یره کتما مش و آجی طاتلو بیلمز سفر کورما مش جنک
 و صلاح ندر فساد عالم و صلاح بنی آدمک بوزوق اولدیغنی و اوله جغنی
 بلز بلکه بونلردن بعضی کندی مسئله طهارتنی بلز آمنت بالله او قوم مقده
 و بلکه همان باشدن باشه یا کاشی اولان صورتی آدم خلقنی بقر عوام

ناسدن آدملر دنيانك فسادنه نظام جديد سبب اولدى اكر نظام جديد
 قلفارسه اسكى نظامله همان دنيا بش كونده آسوده اولور ظن ايدن
 اجهل من في الارض ديدكبرى طاقمدن برينى كچن سنه بر جزيره نك
 زجرية عاملدكنه مأمور ايتديلر مقدملرده نظام جديده سبب اولنلره
 سب ولعن ايدوب طور دركن زجرية ماده سندن انه بش آلتى بيك غروش
 قاپه روز كچوب يكي سنه سى دخى كندويه احاله اولمغله راست كلديكي
 يار انلرينه بره هي قرداش بو نظام جديد ماده سى بر ضرر سرش ايمش
 بن بونى اصلندن دخل ايدردم لكن باس يوقدر زيرا زجرية مالى شراب
 ايجلردن التز مسقو ولايتنه كيدن شر ايدن التمغله زجرية اچمى مسقو
 كيسه سندن چيقه يور بركات و يرسون هله واقف اولدم استغفر الله بوندن
 صكره توبه اولسون نظام جديدك فصلنى اغزيمه المايم ديو راست كلديكي
 يار انه سويلر اولدى اشته نظام جديد ماده سى مرقومه بر قاچ بيك
 غروش چق قزاندير مغله اصلندن طعن ايدر كن صكره اوتانموب ثنا
 ايدز اولدى همان جمله ناس بو حال اوزر لر در خلاصه كلام اكر بر آلاى
 خير و شرى فرق ايتمز لك طعن ولعنه باقيلوب بو عسا كر مرقومه جديده
 نظامندن فراغت اولنق لازم كلسه معاذ الله تعالى دشمن دين ديه لك
 فرجه ياب اولوب بر قرالك اوچ كره يوز بيك معلم عسكرى وارا يكن
 عثمانلو شونده يوز بيك آدمه نظام و يرمدى ديو همان بو تيمزه بنوب
 او زمان نظام جديدى بكنميان قلاش لردن براچم لك فائده اوليه جفى
 و معاذ الله تعالى بر صييت اولسه اومقوله لر جوابلرنده خوش ايمدى
 مقدر بويله ايمش اوله جقه چاره اولمز ديمكدن غيرى سوزلرى دخى
 اولموب هر چ و مرجه سبب اوله جقلرى بديدر حاللرى نيجه كره تجربه
 اولنشدر . او زمان و او يلا ايله بكا ايتك دخى مفيد اولمز بو مقوله
 عقليتك دومنى اولموب بينى صوغوق طاقمدن اولدجقه سوز اكلا ر ظن
 اولنان قليلى قياقتلى كوييا دنيسانك عقل خواهه سى اولوب كمسنه نك

عقلانی بکنمزلوله بعضاً ملاقی اولنوب صحبت ائسانده کندوسنه سؤال طریقله دشمن دینه نصل جواب ویریه ییلور طریق نصدر ملا اکر سن وزیر اولسه ک نوجهله حرکتله غالب اولوردک دیو سؤال اولدوقده چونکه عقلنک دومنی اولدیغندن دوشونه رک جوابنده ابتدا یکیکچری اوجاغی یکیدن تطهیره محتاجدر زیرا فی الاصل بونلر پاک عسکر اولدیغندن بونلردن نیجه خدمتله اولشدر اما شمدی عجم بوزوندوسی وترکان وکورد خرسزلی و دونه و بوزمه لر طولش وایش باشنه کچن بونلرک جمله سنی کورالبوب یکی باشند یازمغه محتاجدر و یازیلان عسکره دخی قلیچ چالمق تعلیم اولمایدیر یوخسه یوغوردی کسمز بیحاق ایله عسکر اولمه ز و حالا موجود اولان عسکر مزله هیچ اولمز دیو شجاعت عرض ایده دوشدی و یوز اللی سنده وجوده کله میه جک و بلکه هیچ ممکن اولیه جق نسنه یی قاله کتوردی زیرا یکی باشند بونلرک جمله سنی طرد و اخرلری ییرینه قوماق نه دیمکدر آنی فهمه قدرتی یوق ایکن ینه عقل ورشدی کسینه ویرمز بز دخی جوامزده سبحان الله یکیکچری اوجاغندن نیجه بیک آدمک جمله سنی بردن طرد و تبعید نه ایچون اولسون چونکه بونلر پادشاه عالیشان حضرتلرینک تعلیم امرینی قبول ایتوب بالضرور بوستانی یازوب وقت حاله موافق نظام قویه تحتیه ادخال اولندی اشته تمام سنک دیدیککدن زیاده سی دخی واردر که بونلر طوب دخی تعلیم ایده یورلر و آتش صاچه یورلر دینلیدی جوابنده واقعا سوزک حقدیر و جمله سی کرچکدر اکر یکیکچری طائنه سی متمدن بو تعلیم امرینی قبول ایتش اولسه لر ایدی اولوالامرہ اطاعت وهم کلی نصرته سبب اولورلر ایدی دیو اعتراف ایتش ایسه دخی محضاً سؤال مزه جواب بوله مدیغندن همان بومقوله تصدیق ایله اسکاکی قبول ایتشدر .

تعلیمدن اصل مقصود نه اولدیفنی بیانیدر

خداوندکار سابق حضرت تلمیذک زماننده ایکی دفعه اسیر لکمزده مسقولونک کارکندار ادملرله اثنای صحبتده متدما مستو طائفه سی غایت انحق ومغلوب بزطائفه ایکن برمدتدر آل عثمانه بونجه غلبه کزک سری ندر دیوجوق کره سؤال ایدرایدم جوابلرنده چونکه بومزایادن غافل سکنر اصافی سوبلیله لم دیو شویله جواب ویررلر که مسقواوده فی الاصل تعلیم مادمسی یوغیکن دشمنلره مغلوب اولوردی لکن دلی پترو دیدکلری آدم جمله عالمی سیاحت اثناسنده مزایای عالمه اطلاع کسب ایتدکدن صوکرده مسقوه قرال اولوب مسقوخلقنی ایستر استماز نظام تحتقهودی نظامنی میزان ایتک ایچون شیوت (۱) قرالیله جنک آچوب انتقام آلدی و آزاغه سفر ایدوب هم آزاغی آلدی وهم قریمه کیروب یکی قلعه نی آلدی و تاتاری صندرمغه بشلدی بعده سزکله مصالحه مزدن صکره قرانز ایمراطورلق عنوانی طلب اولندقدن سز لر مخالفت ایدم یوب بو عنوانی مرحوم سلطان محمود بزه یازدی بعده سلطان مصطفی سفرندم ادرنیه یقین واردق ایستدیکمز کییجه مصالحه ایلدک داشته شمدی بو سفرده دخی آز عسکر مزله چوق عسکر کزده غالب اولدق خوتین و بندر و اسماعیل و ابراهیل و اوزی قلعه لریکزی آلوب اولاح و بغدادی باشند باشه ضبطدن بشقه سکر بیک عسکر مزله طونه نی کچوب یوزاللی بیک قدر عسکر دن عمارت اولان عثمانلو اوردوسنی تارمار ایلدک اوکومزه طورر عسکر یکز اولیوب بودفعه دخی اولکندن بتر غلبه ایله مصالحه اولنه جفنی بیله سز دیو بو حقیقه جواب ویرمشلردی واقعاچوق کچمیوب بویه مصالحه ظهور ایلدی .

عسکر اسلامک اور دوسته کیروب چیقان جاسوسلرک بولمنسی

وہلنسی غایت مشکل برشیدر . جاسوسلردن بر دولت
تقدر متضرر اولور و جاسوسلردن محافظہ اولیان نظام مزرعہ سکرک
دولتی خرابہ باعث اولان کیفیت ذکرایدر . بومادہ جہاد دن اقدم
اولوب غایت دقت اولنہ حق شی اولغلہ بعض وقوعات مزک
ذکرندہ در .

خداوندکار اسبق سلطان مصطفی خان حضرت تلیزینک عصرندہ
آجیلان مسقو سفرندہ ایکی یوز بیس قدر مجهول الاحوال
نظامسز عسکر جمع اولوب یکچیری اوردولرندہ برار طرہدہ بر قاج بیس
آدم جمع اولوب بوجہیتہ بر اور طرہ ایچندہ کسہ بی کسہ بیامز و باباسی
اوغلان آراسہ بولہ ماز و ایچلرندہ بولنسان آدم نمقوله آدمدر و نرہ دن
کمشدر و بویلہ بر اور طرہ دن کوندہ بر قاج یوز آدم کتسہ نرہیہ کتمشدر
هیچ بر کسہ بلیک و بلسہ دخی طور اوتوردیمک کسہ نک خبری اولاز
بویلہ بر نظامسز اوردودہ کفرہ طرفندن کلان جاسوسلر بہر کون بہر
کیجہ مسقوہ کیدوب و کلوب اوردونک بالجلہ حالی یعنی وزیر حضورندہ
وسائر ضابطان میانہ لرنندہ نہ کونا مشورت اولمشدر و نہ یاپہ جتلیر بہر کون
دشمنہ خبر کیدر اولدی بر ایکی یوز قدر جاسوسک فقط ایکی نفری
طوتیلوب ماعداسی بولنق بروحہلہ ممکن اولنہ مدی و کسہ دخی آramدی
آنک ایچون ہر نہ زمان کفرہ اوستہ حرکت معلوم اولدی ایسہ بر کون
اول صباحہ یقین اسلام اوردوسنی باصوب قوجہ بر آل عثمان اوردوسنہ
هیچ کوز آچدر میوب ہر کس او بقودہ ایکن پریشان ایتملکہ سفر
مرقومک اولندن آخرینہ واریجہ آغز واریلہ بر انتقام آلنہ مامسنہ
عسکر مزک جاسوسدن غافل اولماسندن و ہر شیلری قارمہ قاریشیق

اولديغندن نشت ايتشدرد كفرة طائفه سی غایت مکار و حيله کار اولوب
اکثریا ایشنی و کوچنی زور ایله ایتیموب بزم یوز بیک آدمله ظهوره
کتورمه بیه جکمز ماده بی کمال حيله و قولایلق ایله وجوده کتوردیکسه
وقوف تحصیل ایلدک بویه بردشمن قویدن کماله احتراز اولنه رق ایشمنی
کوزلجه کورمک و لعین مرسومک دام تزویرینه کرفتار اولماق لازمه دن
ایکن اول زمانلر زیاده غفلت اولنوب طاغلرله دوکنه جک شیر ظهور
ایلدی اما چه فائده بعد خراب البصره ایش ایشدن کچوب آم و وایتمک
مفید اوله مدی لعین مرسومک جمله حيله لرندن برغریب و عجایب حيله سی که
ذکری اگرچه مورث حزن و المدر لیکن کندو کندومزی نه طریقه
خراب ایلدیکه مزی بیانیله کندومزی کندومزم بیلدیرمک ایچون ذکر اولنور
مرقوم ائناسنده یکیکچری زمزم سندن اوچ نفر آدم اتفاق ایدوب مسقودن
بردیله آلمغه چیممشر قضاء اخشامدنصکره مسقو حدودنده اولتقچی
مقوله سندن کاورک برنی طوتوب دیل آلدق دیو اوردویه کتورمه جک
اولدولرنده مسفور تورکجه بیلور برحيله کار خنزیر اولغله جوابنده آغالر
بی خلاص ایدرسکمز بیه بابام برزنکیکن آدمدر سزلره چوق اکرام
ایدر دیو بونلری اینساندیروب بونلر دخی مسنوری مسقو حدودینه
ایصال ایدوب و ساختن بابام دیدیکی پزمونکی بولدوروب تسایم
ایلدکلرنده اودخی برحيله کار و مکار برکافر اولدیغندن بیه اوغلومی هلاک
ایتمامش سکز دیو یولداشلرک آیقلمیته دوشوب بونلره بشیوز عدد
بحار آلتونی اعطاسندنصکره سزلره چوق اکرام ایده مدم لیکن سزلره
برشی کوسترمیم بودخی سزلره براکرام اولسون دیو بونلری تبدیل
قیافه ایله کندی اوردولرنده بریبوک چادر کنسارینه آلوب کتوردی
بو یولداشلر کورلرکه بو چادرک اوکند قلابالق وار چادرک ایچنده
بریبوک ترازو ایله بیاض آخه و آلتون طارطیلوب بو آخه و آلتونلری
واروللره طولدره مقدمه درلر چادرک ایچنده چورباجی قالاقلی و پاشانی

قوقلی و براطه لی و تاتار قلی با قلی دورلو دورلو قیافه ایله آدمیر وار
 آقچه لر ایله طلو اولان واریلاری بومسلمانلره تقسیم ایدوب طور لر
 حیله کار مرسوم بولری اوزاقدن کوستردکنصکر بویولداشلی ینه خانه سنه
 کتوردی جوابنده ایتیه یولداش لر سزله بوماده بی دخی کوسترمک بر
 اکرام اولسونکه بونجه آقچنک و آلتونک کمی دولتکزه و کمی وزیرکزه
 ویکچری آغاکنز و کمی دخی تاتار خانکنز و سائر یرله کیده جکدر
 بزلر سزک ولایتکری آقچه مزله صاتون الدق حتی شمدی و یریه جک
 آقچه استانبول بهاسیدر استانبولی دخی صاتون آلدق همان بزلر یقینه
 استانبوله کیده جک بونی سزله سویلمکدن مرادم بودرکه صاقینوب
 بوندنصکره اردو کزده طور میه سز و استانبوله بیله اوطور میه سز همان
 ولایتکزه کیده سز صکره اسیر اولیه سز لکن بوسری صاقینوب اودو کزده
 برکمنه یه سویلیه سز دیو حیلله شیطانیه و خدعه و سواسیه ایله کلامنه
 ختامه بولری عثمانلو سنورینه براقدی کتدی بویولداش لر دخی اردو مزه
 کلدکرنده چونکه مرقوملر کندی ولایتلرنده چیفت سورمه که مألوف
 وحیلله دشمندن و بلکه کمدندن غافل ساده دل احقرلردن اولدقلرینه
 مبنی همان بو حیلله یه اعتماد ایله بواقچه ماده سنی تمامه صانوب راست کاندیکی
 یاران و یولداش لرینه و سائر بیلوب کورشدکلرینه بولوشدقلرنده بره همت
 دانی بزلر بورایه نیچون کلدک عثمانلو بزم ولایتلری ماصلاق کفره سینه
 صاتمشلر و اقچه سنی آیلورلر حتی استانبول پهاسی صاییلورکن کوز مزله
 کوردک دیو اللهه و رسولنه یمین ایدره ک همان راست کلدکلرینه بونده نه
 طورده لم ایشلر هپ شام ایشی اولمش دیو کندولری کبی نیجه نیجه بیک
 ساده دل حقانی و همه دوشوروب طائفه مرقوم ایسه فی الاصل بینی
 صوقه تعبیر اولنورلر راقعا رشد و کیاستدن بی بهره اولملریله بزم حسین
 دانی و قباچقی اوغلو ایرجب بشه و قوجه باش همت امی استانبول پهاسی
 صاییلورکن کوزلریله کورده شر و طقوز طلاقه یمین ایدرک سسویلدر

کرچکدر دیو اوردویه بر غاغله ایله عالمه ولوله صالدیلر خلقک ایسه
 کفره نك آتشدن کوزلری ییامش همان بر بهانه ایله کیویه دونمکه
 وسیله آرادقتری وقت اولمغه طغارجنلرک آرقه سنه وتوفنکارک اوموزلرینه
 اوروب چادیرلری بکلیه جک اصل اوجقلولردن بشر اونر ضابط قلوب
 قصور دیرمه چاتمه معهود عسکر چیل یاوردی کی طاغلدیلر کتدیلر
 مسقوخزیری ایسه بوفرستی غنیمت بیلوب ویاز قیش دیموب اوردویه
 وبعده قشلاق یرینه یوریدی کدی بونک خلاصه سی بودرکه اشته بو
 ماجرای مسقولولر کندی جمعیتلرنده کوله کوله بربرلرینه نقل وحکایه
 ایدوب تورکه کلی غلبه ایچون ساخته دن مسلمان قیافتنده آدملر
 پیدا وبرآز اچقه طارطوب آنلره اعطامزی اوچ نفر تورکره کوستردک
 کندی اوردولرینی کندی ملتیرینه پریشان ایتدیردک وکلی غلبه مزه
 اوچ تورک سبب اولدی دیدیلر بوصورته اصل جاسوس بلاسندن بشقه
 ایکی اوچ نفر کندی آدملردن کندی عسکرمنزی ایکی چفت صحبت
 ایله پریشان ایدن دشمن دینک مکرندن امین اولق ممکن اولمز الان
 عسکرمنز نظامه ربط وایچینه کیرن چیقان اولماق اوزره رابطه یه
 ادخال لازمدر . زیرا غایت کوکوب جنکچی عسکر دیو قوللاندیغمز
 چیفتجیلرک حالی بویله واورطه لرمزه وعسکرلرمزک ایچنه کیران چیقان
 جاسوسلر بلنمز واکلامز بوصورته دشمندن توجهله انتقام آله بیلور
 ونه طریقله دوتمز حقت اولنور ونصل غالب اولنور بومسقو طاقه سنه
 کال حیله سی فی الاصل معلوم دکل ایکن سلطان مصطفی خان حنر تلرینک
 سفرنده بزم یادکار عسکرمنزک سوزلری واردرکه مساقف کفره سی بر
 بالقجی کوپک ایمش جمله سی توکروکله بوغازز وبرر طاش اتساق جمله سی
 هلاک ایدوب قزل المایه دک کدرز دیو قوری لافدن وبهوده عنوانندن
 کچایمان قالدیرم یراشینی یکچیری دللورلری عاقبه الامرده جنک حیله سی
 بیلماملری سببیه اوچر بشر بیک نفری مسقوه اسیر اولوب دشمن

دینک حالی و حیلہ سنی کور دیلر و اوکر ندیلر اما چه فائده بونجه امت محمدن
شرفا و صلحا و سائر لک عیال و قزلی حالا قرق سنهیه قریبدر که مسقوک
تحت تصرفده قلوب آنلردن حاصل اولان اولاد لک کمی عسکرو ضابطان
و کمی دخی ملاعین اللرنده خائب و خاسر و نالان و کریان قالیدلر دروننده
ایمانی و ذاتنده غیرت اسلامی اولوب محمد علیه الصلاة والسلام افندمک
شریعته و امتنه و ساداتن اولان اولادینه محبتی اولنله ضروری غیرت
کلوب او مقوله دین دشمندن انتقام آلمق نه طریقله اولور ایسه اولسون
البته وار قوتی بازویه کتورمکه و یا خود قوت مالیه و بدنیه سی یوغیسه
دخی دشمن دینک کیفیتنی اعلان و طریقنی اولسون کوسترمکه اثبات
مدعای اسلامیت و ایمان ایدر یوخسه آیین او یونله و جمیع وقتنی آلیش
و ریشله کجیروب اخشام اولنجه قومشو خانه سنده و علی الصباح قهوه خانه ده
بر آلائی دنیادن بیخبرلر جمع اولوب نظام جدید عسکرنی بهوده فصل
و مذمتله شویله اولمش بویله کتمش دیو نافله هذیان ایتمکدن ایسه
کندولره الزم اولان ابتدا مسئله طهارت لرنی کوزلجه اوکره نوب بعده
دینی محافظه ایچون کلمه کفردن لسانی صائوب و سائر منہیاتدن صاقه
و نکاحنده صحت و ارمیدر یوقیدر آتی تصحیحیه باقسه کندی حقنده
دنیوی و اخروی محقق خیر اوله جغنده شبهه یوقدر اگر ادعا ایدرلر
ایسه که بزلر مسئله طهارت می بیلورز و دینیزی دخی محافظه ایدررز و
نکاحزده دخی شبهه مز یوقدر دیرلر ایسه بو صورتده اگر ادعایری
عندالله صحیح ایسه دخی امور دنیوی لرنی بلمکده خطای عظیم لری
مقرر و محقق اولغله باری بلمدکارنی و عقل لری دخی یتشمدیکی مادهیه
دیل اوزاتموب اگر نظام جدید مادهی انلر کیلره مشکل ایسه اهلندن
و اربابندن و بوکینه کبی عالمک رسمی درونته نقش اولمش و سکسان
یدی یاشنه کیرمش و هزار بهزار فلاك سله سی یمش و کرم و سرد عالمی
کورمش و دشمن دینک هر بر حاله مطلع اولمش و دولتیایه ضرر

وفائده نرهدن اولديغنى ظاهره اخراج ايتمش ارباب وقوفدن تحصيل
ايدوب ايكي جهان خسراننه اوغراميله زيرا انسانك بلاسى كندى
لسانندن اولديغندن قل الخير والافاسكت بيورلمشدر . كلام حق قبول
ايدن ياران باصفا واخوان باوفايه حق تعالى حضرتلرى دارين سلامى
احسان ايدوب جمال باكالنى ارزاني بيوره امين يامعين

ايراد جديد خزينه سنك وضعى نيچوندر و بو مال نرهدن
جمع و نه محله صرف اولنور

نيجه ساده دللر بلمدكلرندن بعضاً سويلرلر كه اسكى خزينه نك صويى
چيقمى يا بو ايراد جديد خزينه سى نيچون بشقه جه ياپلدى ديو هزار
ساده دللر سؤال ايدرلر انجق مقدما ذكر اولنديغى اوزره بويله ساده
دللره مزايى امورى تهيم ايتك الف باصوباره سنى هيچ اوقوميان
جاهلله علم فقه اوقومتق ومسائل مشكله دينيه بلديرك نمقوله كوچ
شى اولوب قيامته قدر سعى اولنسه چاره سى بولنه مديغى مثللو اكثر
جهله حقيقتى اوزره شى سويلنمىوب جوابمزده هر كسك عقلى ايره چكى
ماده دكلدر ديهرك جواب شافه دن اغماض اولنور لكن اولدقجه بعضى
اهلنلو كسه لر بو اغماضله اسكات اولنمىوب البته بن بونك كنه و حقيقتى
استرم بونى بيلور سين سويله ديو ابرام والحاح ايتمليه كلام حق اكر
كوش هوشنه كيره جك آدم ايسه ماعو الواقع اوله رق شو و جهله جواب
ويريلور كه مقدما ذكر و بيان وتفصيل و بيان اولديغى اوزره تيمش
سكسان يوز ييل مقدم كفره طائفه سى حيله و خدعه حريه يي بيله ميو ب
بياغيجه نظام سىز پريشان عسكرله سفر ايتمليه بعضى وقتده شكسته لك
اسلام طرفده ظهور ايدر كن سلطان سليمان خان قانونى حضرتلرى
بومغلوبيت محض باشى بغلو اولمىان نظام سىز عسكر مزدن نشئت ايلديكسه

واقف اولدقلرينه بناءً عسکر اسلامي نظام تحتہ قویوب بوندن مراد شریفلری کفار هرنه زمان حرکت ایدرسه بونظاملر اوتده بریده کز میوب هر زمان حاضر واماده بولنسونلر نیت خیریه سنه بناءً بعسکری صنف صنف ایدوب هر صنفه بشقه بشقه اوجقلر و بلوکلر و اورطه لر یانقله اسکان ایتدردی. لکن عسکری جمع و اسکان توکلی حبتله اوله میوب بونلر اوجقلرده بولندقلری حالده وسفره کتدکارنده مأ کولات و مشروبات و سائر امور و مصارفانلری کورنمک و بونلره خرجلق اوللق اوزره علوفه تعیین اولمق ایچون کلیتلو مال جمعنه محتاج بر معنا اولدیغنی تفکر بیوردیلر امنای دولتی و عقلائی عنصری ایله استشاره بیوره رق ابتداده شو و جهله قرار ویرمشلدردکه اسلاف کراملرینک فتحنه موفق اولوب مالک اولدقلری بمالیکده بولنان یرلرک برازی زعامت و تیمار اوله رق ارباب حرب و قتالک سواراری اولنلرینه تخصیصله وارداتی اولان سائر محللر دخی مقاطعه نامیله طالبلرینه مالیکانه اوله رق معجله ایله فروخت و مال میری نامیله سنوی برر مقدار شی طرف میری به تخصیص قلندی بهرسنه بومقوله مقاطعه لردن حاصل اولان معجله سندن بو اوجقلرک سفردہ و حضردہ بالجمله مصارفاتی رؤیت اولمسنی قانون وضع بیوردیلر ایشته بویلجه اداره اولنوب طورر ایکن بعض دورلرده یکریمی سنه یکریمی بش او توز سنه متبادی سفرلر اولیوب آسوده و قتلرده اوجقلرده بولنان حرب و ضرب اربابینک کی اختیارلنوب و چوغی دخی الی رحمة الله اولقله متصرف اولدقلری علوفه کاغدلری کینک خدمتکاری النده و کینک دخی اقرباسی و یولداشی و اشی دوستی الازنده بولنوب محلوله کتیمان نیجه بیک اسامه لر بوجهتله ارباب حرب و ضربدن اولمسان نورسیدکان زمان و اصناف شاگردلرنده اولمز اوغل مقامنده قالوب وقوع بولان سفرلرده دشمن دینه مقابله ایدمک اهل ضرب و قتاله کلی ندرت کلکله بالضرور یکی باشند عسکر جمعیله و اسامه جدیدلری ترتیبی ملابسہ سیله ایراد قدیمیه

سکته کلوب خزینہ عامرہ نک مالی قلمتہ بر وسیلہ اولدیغندن بشقه مقدمه
 قانون وضعنده اولان رایج وقت کیده کیده حدینی اشیروب مثلاً تجله
 وضع قانونده لثم غنمک بروقیه می دورت اچیه ایکن مرور ازمنه حبسیله
 اون اون بش اچیه و دخی صکره لرده یکر می اوتوز اچیه و سائر
 شیلر دخی اکا کوره حدینی اشیروب بوجهتله فی الاصل اوچقلرده
 ترتیب اولنان مالز مه لک بهالینه تزاید کلدکجه مقدما ترتیب اولنان مال
 میری مصارف وقته یتشمیوب اداره امور ایچون دولتیله نک وارداتی
 تداخله بنمکه بشلای یعنی بوسنه نک مصارفی رؤیت اولسون دبو کله جک
 سنه نک ایرادینی بوسنه صاتوب بویله بویله اداره اولنور اولدی و بو سببله
 خزینہ عامرہ نک مالی نقصانیت کسب ایتدی حتی خداوندکار اسبق
 سلطان مصطفی خان حضرتلرینک زماننده اچیلان مسقو سفرنده مقدما
 نیجه نیجه مشقت ایله جمع وادخار اولنان بونجه خزینهلر وار ایکن
 و بو وقتلره کوره اوزمان هر بر شیئی غایه الغایه اوجوز و مبذول ایکن
 سفر مرقومده ذکر اولنان خزینهلر صرف و تلف اولنوب سفر مرقوم
 مصالحه سندن صکره خزینہ عامره کندینی دوشورمه مدی و مصرف ایراده
 غلبه چالیدی و دشمن دین دخی اچیه سزلیکیمزه واقف اولنجه سوزینه
 تقویتله کلی غلبه سنه سبب اولدی لکن دولتک تملیی مصرفنه هوایی
 ایراد اویه میوب و مصارفک اکثریسی هوایی دیدیکمز ظهورات
 ایراددن کوراکلر وقت حضرده چکیلان مضایقه دن بشقه سفرلر و قوعنده
 دخی دولتک ایکی الی بوکرنده قالوب نه یاپدیغی و نه یاپه جغنی بیله مدیکی
 و قتلر اولدی چونکه حاضر اچیه اولمدیقه جمیع زمانده هیچ برایش
 کوریه میوب لله فی الله امر غزا و جهاده کسنه میل ایتمز هر کس علوفه
 و تعین و مانده المنه باقدیغندن استه تملیی و قوی ایرادک لزومی اثبات
 اولندی و دولتک اسکی ایرادی شمیدیکی مصارفک نصفنه بیله کفایت
 ایتمز اولدی بو کیفیت حالا عامه نک شویله معلومیدر که مثلاً یکر می اوتوز

سنه مقدم بر آدمك يوميه بر غروش ایرادی اولوب مصارفی اكا كوره
 رؤیت اولوب طوررکن شمدیلده هر برشی اوچ ودرت بش قات
 زیاده سید بهایه چقدیغندن اوآدم ایراد قدیمه سی اولان يوميه بر غروشیله
 مصرفی نیجه اداره ایده بیلور بونك کبی دولتعلیه نك اسکی ایرادیه شمیریکی
 مصرفی بو مثالک عیندر . اشته بویله مضایقه میری وقتنده حضرده
 وسفرده کرک مسلم ورعایا رکرك اغنیا و فقرا امداد سفریه نامیله کندی
 ارادتلیله جزئی وکلی خزینئه عامریه بر غروش ویرمز وعلی الخصوص
 هیچ بر کیمسه الله رضا سنه و پیغمبری عشقنه و پادشاه اوغورینه مفت
 و مجاناً سفره کیتمز لر اویله اولنجه دشمن دینک عسکرینه کوره قوی
 عسکر و مالز مه سنه کوره مالز مه کامله تدارک اولنمی قوری صحبتله
 اولور بتر ماده اولیوب همه حال اچیه توقف ایدر وخصوصا اگر
 خزینهلر مز تمللی ایراد لر دن اولیوب ظهور اتدن اولنجه حق هوای ایراده
 باقیجه روز کار اقتضاسیجه بعضاً طور غوناق اولدینی وقتنده ایشک اولوب
 بیته چکی اولیوب آلت یانی یوق چیقدیغنی کونمزده دخی چوق کره تجربه
 اولنمش شیر . اشته خلاصه کلام دولتعلیه نك اسکی ایرادی فی الاصل
 اسکی مصارفه ترتیب اولنمش و حین وضع قنوندن بوآنه دکین همان ایکیوز
 قرق بشر سنه مرورندن ناشی ایراده کوره مصارف حدیخی تجاوز
 ایتدیکندن اداره غایه الغایه مشکل ماده اولمله وقت حضرده دخی
 مضایقه چکیلوب طوررکن فرضا بر سفر اولسه ایشک نه درجه بی کسب
 ایده چکی مجرب اولدیغندن محضاً دولتعلیه نك بقای و پادشاه اسلامک
 ناموس سلطنتی و قایه سی و بونجه ممالک اسلامک و نیجه نیجه بیک کروه
 اهل ایمانک حمایت و صیانتلری نیت خیریه سنه مبنی ایشک ایچنده بولوب
 دنیوی و اخروی خیر و شر کندولردن سؤال اولنجه حق امنای دولتعلیه دن
 اولنلر بواصر مشکک چارده سی آرامغه باشلیوب بوزمانه نك آغیر مصارفه
 کوره تمللی و قوی ایراد تدارکنه باقدیلر لکن ذکر اولدینی وزره

تدارك اوله جق ایراد دولت ظهورات هواییدن اولماق وجبراً وقهراً
 کمنه نك كندی مالکانه لرندن و انلره مربوط اولان مناسب موادرن
 جمع اولنق اوزره ایراد جدید لفظیله ترتیب اولنان مال ایچون بشقه جه
 خزینه یاپیلوب تنظیم اولندی شوبله که فی الاصل ایجاد اولنان مقاطعه لر
 حین وضعنده طالبلرینه براتله ویرلدیکی وقتلرده مثلاً بر مقاطعه نك سنوی
 بیک غروش مال میریسی شرطیله فوت اولنجه به قدر معجله ایله بابرات
 طالبنه ویریلوب جزئی معجله ایله صاتیلان مقاطعه نك اچمه سی ایکی اوچ
 سنده چیمغله بعده هر قاچ سنه معمر اولور ایسه آنک فائضی آلوب
 جزئی معجله ایله آلدیغی مقاطعه دن قرق بیک الی بیک و مدته عمرینه
 کوره بلکه یوز بیک غروش منفعت حاصل ایتدکن بشقه اول، آدم
 فوت اولدقده مقاطعه سی فی الاصل شوقدر معجله ایله ویرلمش دیو قدیمی
 اولان معجله جزئی سیله آخر بر طالبی دخی قابوب بدل التزام سابقه سنه
 کلیتو شی ضم ایتمکه سلفندن زیاده مال تحصیل ایدوب میری به ویردیکی
 ینه سابقی کی بیک غروش اولمغله فائده کلیه جسمیه یی اصحاب مقاطعات
 ایدوب میری خزینه سی منفعتدن خالی قالور ایدی اشته بومقوله نیجه نیجه
 مقاطعه لر واردرکه یکرمی اوتوز سنه مقدم فائضی مثلاً اون بیک غروش
 ایکن شمدی اوتوز بیک قرق بیک و بلکه الی آتمش بیک غروشه
 بالغ اولمغله دولت علیه به پک قتی جزوی میریسندن بشقه هیچ بر فائده سی
 اولیوب همان دولت علیه ینه قدیمی میری نلیله سیله آلمغله اکتفا اولنور
 بوصورتنه قدیمی معجله سیله غایت اوجوز مقاطعه آلوب نیجه نیجه مال
 جمع ایدن آدملردن وقت سفردنه یالکرجه بر جبهه لودن غیری بر
 خیه لری اولیوب بونجه اغیر و جسم مصارفه سفر امور ی دولت علیه نك
 بونونه قالدینی شرعاً و عقلاً هیچ بر وجهله تجویز اولنمز دولت علیه نك
 فی الاصل مال معجله ایله طالبلرینه ویردیکی مقاطعه حقیقت حاده شرعاً
 و عقلاً هیچ بر کمنه نك ملک موروثی اولمدینی جمله نك معلومی اولوب

حالا براتلرده دخى مصر حدر انجق بيت المال مسلمينك حق صرفدر اكر
شرعيسنه باقلسنه بر مقاطعه يي ميردن آلان كمسنه ويرديكي اتجه يي
چيقارد يي كبي ينه اول مقاطعه بيت المال مسلمينك حق اولديغندن ينه
بيت المال دور اولنوب جمله دن اقدم اولان امور غزا و جهاده وسائر
امور متفرقه سنه صرف اولنق ايجون آخر طالبلرينه صائق امر تقدر
شرعاً اقتضا ايدرسه دخى ايش ايجنده اولنلر خلقك حواديچون مقاطعه
ردى خصوصندن اغماض اولمشدر ونهايتندن ايشك يولنى ايزيى بولوب
هيچ بر احده غدر صريح اولمق سزىن شويلاه قرار ويرلديكه بيت المال
مسلمينك حق اولان مقاطعه لر محلول اولدقجه ساقلىرى مثللو معجالاتيه
آخىرله صاكيوب دولت عليه طرفندن ضبط و ايراد جديد خزينه سى طرفندن
التزام اولنوب ميريلرندن ماعدا حاصل اولان فائضلى ايله نظام جديدك
بو معام عسكرى علوفه لرينه و لباسلرينه و تعينات و معاشلرينه و خصوصا
اور سفر ييه دائر اولان طوب و باروت و چادر و چركه و بالجه مهماتنه
و طوبخانه و عربه جيله تخصيص اولندى واسكى خزينه دفتر دارى اسكى
مواجب مالك جمعنه مشغول اولديغندن جديد ايرادك تنظيمى و تحصيلى
وسائر بوكه دائر اولان شيرك رؤيتى ايجون مخصوصجه نظام جديد
دفتر دارى نصب و ايراد و مصرف آنك معرفتيله رؤيت اولنق اوزره
قرار و نظام و قانون ايتديريلوب اشته بو وجهيله عسكرك مصارفاتى
و سفر مصالحلرينه دائر امور لرى نظام جديد اولان مقاطعه لر دن اداره
اولنغله بو صورتده غايت امتحان اولنان ايش بودركه هم اسكى ايراد
و مصرفه خال كمدى و همده عساكر جديده اداره اولنور اولدى اشته
بو ماده يه تمام مدبرانه چالشيوب بيت المال مسلمين كندى حقنى بر كمسيه
غدر ايتمه رك اله كاتورمكه عسكر جديد نظامى كبي بو ايرادك دخى كمسيه
خمر و زيانى اولمديغندن بر كوزل و اعلا شى اولقله الى يوم القيامة
دولت عليه نك و بونجه اهل اسلامك بقاسنى موجب و نجه نجه فوائد جليله

ظهوره کلدیکنی وکله جکفی مستوجب اولدیغنی کار آشنا اولان ذوات
اولی الابصاره روشن وعیاندردیو جواب شافی ویرلدکجه امور ایله آشنا
اولوب بو زمانه ده ایکی نفر خدمتکار اداره سی نهمیل اولدیغنی بیلنلر
وشاب ایله شکری وخیر ایله شری بیلوب ذاتنده مایه عرفانی اولنلر
حق قبول ایله اسکات اولنشلردر .

تمت

سنه ۱۲۲۲

حررت هذالرسالت

سنه ۱۲۲۶

محمد رفیع

ایران سفارتنامہ سی

استانبول

ہلال مطبعہ سی - باب عالی قارشیشندہ

۱۳۴۳

تاریخ عثمانی ایجنسی مجموعہ سنہ علاوہ سیدر

بيك ايگوز بکرمی ایکی سنه سنده جانب دولت علیه دن نامه رسالک ایله عجم
دوانته کیدوب کلان

محمد رفیع افندینک سفارت نامه سیدر

سبب النیام اعجام بادولت علیه ابدی القیام و کیفیت دسیسه ایشان
در حصول مامول و محاربه دشمن خویشان

برمدتنبرو ممالک ایرانده شاهلق عنوانی اکتساب ایدن فتحعلی
شاه تجارالایوم روسیه لو یندنه و طائفه افغانیان حکمنده اولان مملکت
جزویه لرندن ماعداسنی عموماً تحت یداستیصالنه ادخال ایتش ایسه دخی
دولت علیه ابدی الدوام صانها الله تعالی عن تعرض اللئام الی یوم القیام جانب
قوی الجوانبدن شاهانی تصدیق و طرفیندن ارسال رسل در سائل ایله صورت
یکجهتی و رسم محبت اظهار و تنسیق بیور و لدینی صورتنده عنوان سلطنتی
دولت سائره بیتنده و همجواری اولان سند و هند و افغان و اوزبک
دیارلرنده قرین اشتداد و برتقریب مکتسب قوت و اقتدار و خصوصاً
اذربایجان و لایتلرندن ثانی مقدارنه مستولی و بالمجاوبه مدافعهیه عدم
قدرتبری ظاهر و جلی اولان روسیه لونک دخی فی الجمله کسر قوته مدار
اوله جنی باهر و اشکار و ایران خلقی زیاده غرور و نخوت و بوصفک ضد
کاملی اولان دنائت و خستله متصف برقوم بیعار اولدوغنه مبنی شاهانه
استحقاق دعواسنی صراحت تذکیر و عادت اوزره مخصوص نامه و هدیه
تسیر ایدرک استدعاده استیکبار ایله بومرامنی طبیعتیه اتمام ایچون اعمال
لطائف الحیل اعمالنه مباشرت برله حالا اذربایجان حاکمی و ولی عهدی
اولان اوغلو عباس میرزا و وزیر اعظمی اولان میرزا شفیع طرفندن
ادعای جهت جامعه اسلامیه و دعوی خلوص و محبت اعجامیه و اولور

اولماز مواد جزویه ضمیمه طرف دولت علیه و اراضی و الیسی سابق دولتی یوسف ضیا پاشا حضراتی طرفه پیانی ایلچیلر ارسالنه مبادرت اوزرله ایکن روسیه لو اوزرینه وقوع بولان سفر هایون تمام حصول اموال مذکورلری موجب سهولت و باخصوص مرسوملر ایله واقع اولجی محاربه و مسالمه ده دولت علیه مشارکت ادعایله جائز منفعت اولق زعمنه دوشوب مشارالیه یوسف پاشا حضراتلریله ارپه چانی باشنده برالشوب بالاتفاق دشمن دخی سب و استرقاق ایتک ایچون شهزاده مشارالیه عقد پیوند و عهد میثاق ایتشیکن وفاء عهد ایتوب بر دخی داردق و اریرز دیرک جانب مشارالیه و در علیه کل یوم ایلچیلر ارسالیه اعقاد مثلاًو کر میت بازار محبت و قننی جانبدار کسر واقع اولور ایسه کندورله موجب مسرت اولق اعتقادیه مصون عن الغائنه غوغالری ایراقدن سیر و تماشایه همت ایتدکلی .

صورت حیل عجم و روسیه لو یکدیگر در امور متارکه و سنر

طائفه اعجام روسیه لو جانبدار دخی بر نوع حیل و دسیسه اختراعه مبادرت ایل سفرهایون تحقق ایتدوکی ائشاده کندورلی کویا امر مصالحیه مباشرت و آرائق آرائق طرفیندن کاغذلر و ایلچیلر ارسالنه مبادرت و مرسوملری بالوجه تأمین ایله ایالت چلدرده واقع اخلکک و بعده قارص قلعهلری اوزرینه تسلطه دلالت ایدوب عون و عنایت جناب خیر اناصرین و یمن و توجهات ظل الله فی الارضین برکاتیله بویکی محله و چند مشارالیه یوسف پاشا جانبدار عدوی مقور زیاده مدمر و مقهور اولمشلر ایسده ایرانده کلیاً منافع اولمدیغندن انجام کارده غلبه روسیه لو طرفه اتفاق فکری و یاخود امید موافقت ایتدکلی دولت علیه طرفیندن و فرانجه لو جانبدار مصالحه و قوعنده کندورلی تشریک و مصالحه لرینه توسط اولتماق و همی و بوارالقده حالا سی و اقدام اوزره

اولدقلری معلوم عسکرلرینه و سائر ادوات حربیه لرینه برنظام و رابطه ویرمک خلیا سیله روسیه لوی دخی الدن بر اقیوب دائماً و مستمر آنحریرات مأوله و حرکات مخیله ایله انلری اغفال اتمک زعمنده روسیه لو دخی اعجای دشمن قوی عد ایتیم یوب هر نه وقت مراد ائسه لر غلبه و یا خود دلخواه لری اوزره مصالحه اتمک عندلرنده امر اسهل اولدو غندن اعجام کندولری اغفال اتمک زعمیله اوزرلرینه وار میوب حاضرده آنلر طرفه عسکر و سفر ترتیبی اقتضا اتمز ایکن وار قوتلرینی دشمن قوی لری اولان دولت علیه اردوسنه صرف و تحویل اتمک دسیسه سیله اعجامک حیلۀ خفیه سندن صرف انظار افکار و رواج کار و تقویۀ مصالحت لری چون ادانه صورت ماثات ایتکده اولدقلری .

کیفیت معامله اعجام بدوات فرانجه وء مقدمۀ حیلۀ ایشان

بائنزلباش لثام

فرانجه قرالی اولان بناپورطه جنابی روسیه لو ایله بدایت خصوصت مندۀ اوتوز قرق سنه دنیرو قغنی دولتدن نه مقدار ونه مقوله مملکت اختلاس ایتیش ایسه بلاقصور صاحب اوللرینه رد و تسلیم ایتدکجه روسیه ایله صالح ایتیم دیمش دیو افواه ناسده شیوع بولان خبری فره و فرانسه لونک غلبه سنه و دولت علیه ایله فرانسه لو بیننده روسیه لو ایچون مباحثۀ صوریه سی سبقت ایدن موافقت و مشارکت کفتکوسنه اعجام فریفته اولوب دولت علیه ایتدکلری مثللو جنک و صلحه کندولرینی دخی آرایه صوقوب تحصیل منفعت موافقت و یعنی یالکز کفتار و اطوار فریب ایله فرانسه لوی طرفلرینه جلب و اعانتلریله مصالحت لری رؤیت اتمک زعم فاسده ورآی کاسدیلۀ فرانجه لو جانبیلۀ الفته و برتقریب یول بولوب زیاده میل و محبت و فوق الغایه عرض و خلوص و خصوصیت و قرال مشارالیه

دخی خاطرہ کلز و نتیجہ سندنہ چارہ سی بولنز خفی و جلی نجہ نجہ امال
و افعالک استحصالنہ مقدمہ مسلمۃ النیجہ اولدوغنہ مبنی بولنز ایلہ الفقی
جاننہ منت بیلہ رک اظهار محبتہ اعجامہ مسابقت و بنیاد معاشرتی پر کر میت
ایدوب بوبی چارہ لر دخی شمدی یہ قدر دول نصارا ایلہ مناسبتری و اطوار
کردار لرندن معلومیتلری اولمدیغنه بناء ایشته فرانسه لویی تمام طرفنہ جلب
و فریقته اندک شمدی ہر ایشمز دلخواہمز اوزرہ کوردیرلوب و دولتمزده
صنایع افرنجیہ دخی منتشر اولوق منفعتلری کالیلہ حصولہ کوردیو پیدری
رسل و رسائل ارسال و معلم عسکر و مهندس نامیلہ تبریزده و قونسلوس
عنوانیہ طہرانده مقیم و بعدہ بغداد جانبدن و عقیدنہ بناپورطہ قیلندن
وارد اولان فرانسه لولرہ توقیر و تکریم بہمال ایدوب طہرانده بوفقیہ
ایلہ دائرہ ساکن اولان قونسلوس سابق لابلا نش و ترجمانی اولان
یاسف جوانی نام فرانجہ لولر ایلہ خفی مصاحبتمز اٹانسنده اعجامک حیلہ بارده
و دسیسہ ظاہرہ لرخی تزییف و استہزا و افندی بونر تمام حضرت نابولیونک
دلخواہنہ موافق و ارتکاب تکلف و اختیار تعبہ غیر لایق و غایت ایلہ کذاب
بر قوم مستحق اللومدر دیو مذمتلرنده اطرا و قریباً ریخ افرنجہ مبتلا
اولہ جقلری جزماً و یقیناً معلوملری اولوب انحق حضرت نابولیونک بوبابده
اختراع ایدہ جکی تدبیر و مسموع و مجزوملری اولمدیغنی نتیجاً و تصریحاً
بوفقیہ اشراپ و ایما ایدوب انلرینہ بونلرک اوضاع ناروا و تعیناتلرینہ
دائر و سائر واقع اولان معاملہ بارده و شتوم و سرزنش لرینہ تحمل
و سمت مدارادہ مبالغہ اقدام و اعتنا ایتکده اولدوغنی .

تدبیر فقیر مستہام برای تبرید بد میانیہ دونتین فرانجہ و اعجام
بادلہ قویۃ صدق ارتسام

حالا اذربایجان الکھنک ممالک ممد حہ سندنہ موجود آتی بدی بیک
دوسیہ لونک دفع و ازالہ سندنہ اعجامک عدم قدرتی بدی و مشہور ایکن

صورت اعانتہ بز طرفدن دخی فرانچہلولر آفاق صوقوب بز برلریلہ
 بالاتفاق انواع خدعہ و احتیال و بلکہ حرب و قتال ایلہ اولطرفلری کلیاً آوردہ
 قبضہ تصرف و پایمال آملری ماحوظ و اعجامک دولت علیہ باجملہ دول
 نصارادن زاده غیظ و بغضی معلوم ارباب و قوف ایسہ دخی لدی الحاجہ
 دولت علیہ کورہ اعجام ایلہ مقابله و مقاتلہ اہون و روسیہلو و فرانچہلولر
 مثللو ایکی قوی دشمنک و رادن یعنی ایران سمٹندن دخی دولت علیہ
 حدودینہ تقریرلری معاذاللہ تعالیٰ نجہ نجہ محذوری مستوجب اولہ جنی
 بر امر معین اولدیغندن چاکر کینہلری فرانسیسہلو ایلہ بونلرک آرالری
 تبرید و کوز کورہ ملکلری الیریہ ایللرہ تسلیم محذورندن تبعید قصدیلہ زبان
 بیانی باز و دسائس دشمن دینی اطرافیلہ افادہ یہ آغاز ایدوب شاہک
 وزیر اعظمی اولان میرزا شعیب و امین الدولہ نامیلہ مدبر ملک اولوب خانہ سندہ
 مسافر اولدوغم الحاج محمد حسین خان اصفہانی و سائر متحیزان دولت
 و ارباب مشورتلری نزدندہ کرات و مراتلہ مناسبت کتورہ رک روسیہلو
 بین الدول کذب و دروغ و عہد و میثاقہ عدم ثبات ایلہ مشہود ایسہ دخی
 بنہ ہر حرکتی فی الجملہ قانون عدلہ مطابق و مستقل دولت دیمک لایق
 اولوب انجق فرانچہ دولتمندہ قوۃ طالع و انواع دسائس ایلہ ظہور ایدن
 بناپور طہنک ہیچ بروقتدہ قولنہ و فعلنہ اعتماد جائز اولیوب کھتر و مہتر
 ہرنہ کہ ایشلر و خیر و شر ہرنہ کہ سویلر ایسہ حصراً و قصرأ کندی انتفاعی
 ورشتہ انتظام دول اخراک کسر و انقطاعی ارادہ سندن عبارت و شمدی یہ
 دکن کندویہ محکوم اولان دولتلرک اکثرینی الحالۃ ہذہ اعجامہ اشراہ
 ایتمکدہ اولدوغی داروی شفا نما ایلہ محموم و مسموم ایلدیکی معلوم
 ارباب دقت ایدوکنی تعریف و بوفقیہ مقدما بالناموریہ آنود اسکندریہ سندہ
 ایکن اول محلہ قریب و جوار اولان و ندیک جہورتی دولت عجمدن
 اقوی و منتظم و نجہ ییلاق مشہود و جسور بردولت محتشم ایکن صورت
 معاوندہ بکلرینی و مظللمدن حمایت صدیلہ خلقنی فریفتہ و تجارت

و معاونت بهانه سیله دیار لرینه امر مرشد مباشرت و مدت قلیله ده بر آغیزاوتی
یا ققمیزین و اصل طوب و تفنک آتمقیزین بقتة ایچلرینه کیروب ضبط
و تسخیر و کبر او اغیاسنی صویوب عموماً فقیر و استدوکنی اسیر ایتدوکی
و کذلک بوفقیه بالماوردیه بلغرادده ایکن نمچه دولتیه محاربه ایدرک زور دستیه
مانطوه قلعه دخی استیلا ایتدکدن صکره شهرت عدل و دادینی اول دیار لر
نشر و کونا کون جلب قلب حیلہ سی ایجاد ایدرک نمچه لویه فی الجمله اغبرار
درو نلری اولان بحار طائفه سنی و غلو اسعار و مظالم بسیاره مبتلا اولان
بیج و حوالیسی خلقنی طرفنه اماله ایله بزه بر حاکم لازم اولمق نمچه قرالی
اوله جغتیه فرانجه قرالی اولسون دیو دولت قدیم لرندن اعراض و طرفنه
تبعیت ایتدیر ذوب کذلک بروجه اسهل نمچه دولتی دخی ضبط و تسخیر
ایتدوکی ایچنده بولنش و کوزمله کورمش کبی معلوم فقیرانه ام ایدوکنی
و دولت علیه ابدی الدوامه سوء قصد ایله صورت محبت و خصوصیتده نجبه
نجبه تدابیر خفیه اختراع ایتمش ایسه دخی الحمد و المنه بر وجهله
کوزینه کسیدیره میوب کجا کان وادی خلوص و محبتده پویان اولدوغی حالده
فقط دوات اخر مثابه سنده و برآ و بحرآ دار الخلافته مسافه بعیده ده اولان
اقلیم مصره جانب دولت علیه دن مأموراً کلام دیو ساخته فرمان و مباشر
ابراز یله بر تقرب دخول و ضبط ایدوب درسعادته اولان ایچیلری بونده
بر سهو وارد در پناپورطه بحر محیطه چقوب اندن هندده اولان انکلتزمه لو
اوزرینه کیده جک ایدی بر کره دولتمه یازوب تحقیق ماده ایدهیم دیو
مهمات مخصوصه استحصال و کیدن سفینه مخالف هوایه تصادف ایلدی
و سویله بویه اولدی دهرک برقاق ماه اهل و بوار القده مصرک اسباب
استحکامنی استکم الدن صکره بی پروا و بلا شرم و حیاه بزه بویه الویردی
بویه ایتدک سز دخی بلدیکزی ایدک دیو هیچ بر دولتندن
و قوعبولماش جواب ناروا اعطای ایدیجک دولت علیه دائمی القرار
قوة قاهره سندن بر نبند سنی اظهار ایله السموم علاج المسموم مفهومی

اوزره تدبیر طوب و شمشیر ایله ام الدنیائی ریخ افرنجدن خلاص و تطهیر
ایلدیکی جمله عندنده ظاهر و هویدا اولدوغنی اطرافیه افاده و انبا عقبنده
مخاطبین مومی الیهم عندلرنده تذکیر و انما هر تقدیر مغل ادب و خطا ایسه
دخی بوفقییری صورتا دوست و خیر خواه اتخاذ ایتدکریچون معرض
صدائقده تکرار تقریر مبادرت ایله الحاله هذه کثرت ظلمکزدن ناشی
عموماً سکان بلدان نالان و مراتب و مواجیدن محرومیتلری سببیه کافه
عسکریکز دولتمکزدن روگردان و بوندن بویه فرانجه لویه تیمور
قپودن عسکر امراری اسان اولدوغندن غیری بر بهانه و دعوی محبت ایله
دیاریکزده ادملری تکثیر ایتکده اولدوغنی و ادملری خفی و جلی
ساده دلان اعجاب ایله الفت و معاشرت و حتی قونسولوس سابقلری اولان
لابلاش دوغری استانبوله کتیبوب مجرد سیرو رؤیت بهانه سیله اصفهانه
کتمکه عقد نیت اتمکله بونلر قریباً یا حیل و دسیسه و یا خود حرب
صورتیه برفساد ایجاد ایده کلدکری نمایان و باخصوص قونسولوس و ترجمانی
مرسومان بند نالنده تحریر اولندیغی وجهله بو فقیره بو معنای شویله
بویه افاده و تقریر ایدوب بونلردن تحفظ کار ارباب اذعان ایکن
روسیه لو مصالحه سی و اهدسیله فرانسه لویه بو مرتبه میل و رغبتکزه
استغراب ایدرم «علاج واقعیش اوز و توقع باید کرده هله اول امرده آخر
کاری ملاحظه و دیاریکزی شر و مضرتلرندن محافظه ایتمه کز حقکزده
خیرلی در دیو واقع حالی توصیف ایلدیکمده نقل و فراستده کندوبی
جمله دن اقدم و رای و تدبیرده انلاطون اعلم ع ایدوب کمال حق و دنائت
و زیاده مفاسد و خیانت ایله متصف اولان وزیر اعظم لری میرزا شفیع
بو فقیره اعتراض ایله یاسز فرانجه لویه نیچون بو مرتبه حرمت و رغبت
ایدرسکزدیجک بو حقیر دخی اقلیم معتدله عثمانیه سرب اقلیمکز مثللو
صغیر الانحا و دول نصارادن مبرا اولوب هر جانبز دشمن و اعداء
و کار و اعمالز جمیع زمانده مقتضای شرع قویم اوزره کفار ایله مجاهده

و غوغا اولوب بونلردن بریله جنك اوزره ایکن بزمله محدود دشمن
ایله همدین اولمری حسیله بزه اهانت و خصممنز جانینه اعانت ایتدیری
محدور و محاذیر سائرمدن وارسته اولمق تدبیریه دیکرلرینه بالاقضا مدارا
و آنلرك اضوار و کردارینه از قدیم وقوفمز اولمغله دائما بصیرت اوزره
معامله ایدرز یوخسه انلردن دوستلق و منفعت امیدیه سز کی بلاموجب
بونجه مسافه بعیده دن اختیار تعب ایله کندی مملکت مزه دشمن دعوت
و جلب ایتیمورز دیدیکمه جمله سی یکزبان افندی راست سویلرسك
و گفتارك بزه دوستلق در و روم دولتیه بزه اتفاق و اتحاد واجبدر زیرا
دین قرنداشی و همجوارز دیو بو قوللرینی تصدیق و باقالمونجه اولور
دیو ختم مجلس و کتار و اولوقتمه فرانجه دن کلک اوزره اولان غردان
نام جنرالک وصولندن صوکره تنظیم ایتدیره جکلری مصالحه ماده سنك
نتیجینه انتظار و کافه کلماتی هر بار شاهلرینه عرض و اخبار ایده کلدکلری.

صورت مذاکره احوال مصالحه ایرانیان و کیفیت توسط

پرمضرت فرانجه لویان باشهزاده عباس میرزاویان

تخیران دران ولا

بو فقیر طهراندن عودت ایله تبریزه داخل اولدوغم کونک فردای
تبریزدن طهرانه عزیمت ایدن فرانجه ایلچیبی عزدن نام جنرال ایله ولی
عهد اولان شهزاده عباس میرزا چند روز هر بر خصوصی مذاکره
و مرسومک صورینه فی الجمله تحصیل وقوف ایتمش بولندیغدن شهزاده
مشار ایله بو فقیر ایله لدی الملاقات افاقی مصاحبت دولت علیه عرض
خلوص و محبت صحبتلرندن صکره افندی فرانسه لو ممالکی رومدن عسا کر
وافره امرارینی تکلیف ایتسه عجا راضی اولورلرمی دیو لدی السؤل
بونلرك بیننده کنارشریز اولان معامله معلوم حقیرانهم اولیوب اول

امردہ بیک در لوکات موضعہ وجواب با صواب ایر دینہ جرئت ایدہ مدیکمدن
 شامہ بندہ کز دولت علیہ دہ ادنی بر نوکر و بویہ امور معظمہ دن
 بخبر اولدیغمہ مبنی بوسؤال شریفکزه جواب قضی ویرہم انحق روسیہ لو
 محاربه سیچون کندی ملکیتدن کتورہ جکی کلیتلو عسکرینی نمچہ و روسیہ
 دیار لرندن اسار وقتہ محتاج اولملہ سریعاً ایرشدیرمک ایچون ملکیت
 عثمانیہ دن کذارینی لدی الاستدعا جانب دولت علیہ دن بروجہلہ رضا
 ویرلمبوب فقط بر ایکوز نفر اوقجیال و مهندس مقولہ سی عملہ لری بوسنہ
 طرفدن کچیرمک ایچون برزعیم تعیین اولندوغی افواہ ناسدن مسموعہ اولمش
 ایدی بو خبرک صدق و کذب و بعدہ نصورت کسب ایتدوکی معلوم دکلددر
 دیدیکمدہ افندی بوتکلیفلرینی تجویز بروجہلہ جائزدکلددر و روم دولتی دخی
 بوکہ راضی اولماق کرکدر دیجک بوفقیہ مقدما بالتأمل فہم واحساس
 وقولوس سابقک سیاق و سباق کلامندن ادراک و افتراس ایلدیکم اصرار
 عسکر تکلیفلرینی جنرال مرسوم شہزادہ ایراد ایتیش اولدوغی جزم
 و یقین ایلہ شامہ عموماً طائفہ افرنجیہ نک و خصوصاً فرانچہ لونک حیلہ
 و دیسیہ لرینہ نہایت وغایت یوقدر بویہ کلیتلو عسکر ادخالی شویہ دورسون
 ممکن اولدوغی صورتدہ برنفرینی مالکہ تقریب و ادخال جائز دکلددر بونلر
 و ندیک و نمچہ مثللو قوی الاقدار نیچہ نیچہ دولتلری تویلہ و بویہ حیلہ
 و دیسیہ ایلہ مغلوب ایتیشلردر دیو بند رابعدہ یازدیغم تفصیلاتی یکان یکان
 تقریر و بیان و دولت علیہ آنلرک بوتکلیفلرینہ قطعاً راضی اولمہ جغنی افادہ
 و عیان ایلدم مشارالہ تکرار جوابہ آغاز ایلہ برقاچ سہنہ مقدم ہند
 جانبندہ اولان انکلتزمہ لودن دولتمزہ کلان بیوک ایلچی مقابلی طرفزدن
 اولطرافہ کوندربان نبی خان نام بیسوک ایلچہ ز کلدکدہ سز طہرانندہ
 ایدیکز آنککہ مصاحبت ایتدیکز می دیدکدہ خان منہور بوفقیہ ایلہ بر
 خانہ دہ مسافر اولمق حسیلہ ہندک اختلال احوالی و کندویہ برقاچ بیک
 عسکر ترفیق اولنسسہ بتون ممالک ہندی شاہلر نیچون سہولتہ تسخیر

ایده جگنی استر استه مز بالدفعات نزد حقیرانه مده تقرر و تذکیر ایتمشیکن بلی
شاهم خان مزبور ایله بالدفعات ملاقی اولدم آنجق امور ملکیه دایر
حسب ایتدک دیو مراندن تجاھل ایلدیکمده هندک مجموع خانی دولتزمه
بیعتہ حاضر وهان طرفزدن برارد وارسالنه ناظرلر ایدوکنی خان مزبور
تقرر ایدر زیرا انکلترو لو ایله امر دینده مبابیت و سائر حکام و طائفه
افغان ظلمنه عدم قدر تلوندن ناشی ادنی همتله تسخیر اولنور عجا اولطرفه
سفر ایتدیکمز صورتده بر کونا ضرر و خطر و قوعی ملحوظ کزمیدر
دیدکده مقدما طهرانده بعض بی اذعانک گفتارندن استعشار ایتدیکم وجهله
فرانجه لونک بو طرفدن عسکر امرارندن مرادمز فقط انکلترو لدن اخذ
و انتقام ایچوندن یوخسه توسیع دائره مملکت واکتساب منعت ایچون
دکدر ممالک هند سزمه ملاصق و مناسب اولغله جمله سنی سزمه ترک و اعطا ایدرز
دیو اعجای اطماع وارضاً صددنده ایسه لر دخی دیار هندک تسخیرنده
آخرک معاونته محتاج اولدقلرینی بوفقیه ایما معرضنده شهادت مشارالیه
سؤال مذکور ابراد ایلدیکی مجزوم عییدانهم اولیجق شاهم وسعت دائره
دولت بهر حال موجب اشتغال و محنت و استحقار خصماباعت ندامت و در دست
اولان ملکک محافظه سنده مبالات ایله طمع دنیو به دن اوترو آخر بلاد
و عباد اوزرینه سفر آچق و نتیجه سی مجهول اولان سفری حضر درجیح
ایتمک سبب و خامت ایدوکی معلوم ارباب تجربه و بصیرتدر بو مقوله ایلیچی
اطماعی و یا خود آخرک معلل بالاغراض سوق و اوضاعی تقریبیه حالا
ملکک زده اعدای دین دور رایکن سمت آخره سفر ایتک نیجه تجویز اولونه بیلور
روسیه لونک دفعی تدبیر بیورلمش ایسه آنی بیلهم دیو مصالحه لری کیفیتندن
استخراج ایلدیکمده ای افندی دشمن ماکدن چیقمدینی و ولایتکزدن
شو مقدارینی مھریکز ایله بدلرنده ابقا ایدک دینلیدیکی صورتده مصالحه
نیجه ممکن اوله بیلور مملکت غصباً ید دشمنده ایکن عاقبت کار ملاحظه سیله
انسانه کران کماز اما مھرله تسلیم بلاد زه پک مشکل کلیور بو اوله جق ایش

دکدر دیدکده اعداء ایله مغلوباً مصالحه هر دولته و جمیع زمانده اوله
 کش در حتی زمان سعادت حضرت شفیع الامتده بیله اخلافه تسلیت
 و هزار حکمت ضمننده مصالحه مکّه مکرمه و قعیه سی و قوعبولشدر اهون
 شیرینی اختیار اراده سیله بعض ملکتری دشمنده ابقا و بعون الله تعالی
 مدت قلیله ده مهمات سفریه و امور عسکریه کاینغی نظام و یریلوب ینه
 یدلرندن استخلاص اولنقده بأس یوقدر دیدیکمده افندی هیچ بر کره
 صلح اولدقدنصکره فسخ مصالحه ارتکاب اولنور می دیو دعواء مردانکی
 و متانت ایتدکده فقیر دخی ماد مکّه دشمن دین ملکیتکزه بومرتبه جک
 یول بولشدر طرف شاهانه کزدن فسخ صالح عارینی اختیاره حاجت
 قومیوب آراق آراق تکالیف شاقه ایله کندولری اساس صالحی هدم
 و سزی حربیه مداوم ایدرلر دیدیکمده مشارالیه تکرار آغاز گفتار
 ایله روم دولتی حالا روسیه لو ایله مصالحیه نظام و یره میوب فرانجه بر
 وجهه قبول اولنیه حق بهانه ایراد وشو کونه سند طلب و بویه جواب
 ایدرک اوزرینه آمیوب اولطرفک ایشی دخی دوچار عقدّه تشویش
 اولمش مفهوم لرینی مبالغه اعجامیه ایله تذکیر ایتدکده شاهم دولت علیه
 ابدی القرار جمیع دول نصارا ایله همجوار و یرمقتضای شرع شریف
 هر بار کفره ایله جنک و حرب اوزره اولدوغی امر آشکاردر روسیه لو
 ایله مصالحه صورتی ده ایلدینغی تقدیرجه انکلتزه ایله محاربه سائرلرندن
 اهون واسهل و دولت علیه محاربه دن بیفتور و کلدیرهان مصالحیه سزلر
 بر رابطه و یروب شو دشمنی آرادن دفع بیورون دیدم خوشمدی یا خدا
 باق اهل ایماندر بقه لوم نیجه اولور دیو صددی سمت آخره تحویل و بر
 مدت دخی ذکر آتی بایزید واکراد و قععلرینی مذاکره و مباحثه ایله
 مجلسی تکمیل ایلدیکی .

خلاصه استشعار بنده ناتوان از تکالیف بارده فرائجه لویان

در مقابلۀ توسط مصالحۀ روسیه لو و ایرانیان

اعجام فرائجه عسکرینی مملکت لرندن امراره قائل اولمق و فرائجه لونک
ظاهر اقصای مرامی مجرد انکله لرودن اخذ انتقام اولمق له بونلر اول
آمالی استحصال و اقام هندن آوراده ید استیلا ایدم جکلری ممالک
بی احصای امرار عسکر و معیت بالسفر مقابلہ سنده و اثبات مدعای محبت
ضمنندہ تماماً اعجامہ تسلیم و اعطا ایلک و روسیه دخی ممالک عجمی استیلا
ویدلرنده حفظ وابقا ایچون بونجه سنه دنیرو هزار زحمت و محنتی و لایعد
مصارف و کافق مرتکب و آلآن اعجامه بالوجوه غالب اولدقلر ایچون ممالک
مزبوردهن بلاعوض کلیاً کف ید ایتلمری تکلیفی قانون دوله مخالف
و رسم اتفاقه مغایر اولدوغندن ممالک مقصوبه لرندن تفلیس و شماحت
و شروان و تیمورقپو دربندی و سائر بومقوله متین و واسع و کثیر المنافع
مملکتلر کماکان یدلرنده قالمق اوزره طرف اعجامدن ممهور سند ویرمک
و شوشه و بینک و کومری و سائر بومثالو روانه مناسب و لایتلر دخی
عجمه رد و اعاده اولمق شرطلری و شروط سائرۀ متصوره ایله مصالحه
طالب اولورلر ایسه روسیه لویه بلسکه الحاح و ابرام و سبی بلا کلام ایله بر
تقریب سوز آکلادوب بالتوسط بر نظام ویره بیله جکلرینی و بوضوئله رده
راضی اولمقلری صورتده روسیه لوعنادلرینه مصر بر قوم مضر اولدقلر ایچون
ماده مصالحه بی قطع ایدمه جکلرینی و فقط دوستاغه حرمة هندن استیلا
ایدم جکلری ممالک و اراضی بی بونلره تسلیم و اعطا و عسکر ترفیق ایدرلر
ایسه اول بایده واقع اوله جق مصارف لرینی محصول هندن مع زیاده ادا
ایدم جکلری مال و مفهومی جنرال مرسوم شهزاده یه انبا ایله طهرانده
دخی بومعنائی انها ایدم جکی شهزاده نک بالاده مسطور تقریر و افاده سندن
و تبریزده ساکن مستشارد و لنتک تذکیر و تقریر لرندن استشعار اولندوغی.

بیان سعی کوشش شهزاده رشید: ای وضع احداث نظام جدید

مساعدۀ قره بختله بلامزا حائل تاج و تخت اولان شاه مشارالیه کافۀ اعمال و اطواری تزویج و تزین و ادخار جواهر و خزائن و جمیع افعال و کرداری تقاخر و تکبر و وزیر دستانۀ ظلم و تحجیردن عبارت و نظام مملکیه و معاملۀ مملکیه دن غفل و اواصر و نواهی الهیه دن بالنسبۀ ذاهل خمیس و دنی برافضۀ بدخاقت اولوب آنجق سلفی خادم شاهک اداره سی و بالوجوه استحقاقی سبیل و لی عهد ایتدیکی حالا تبریز حاکمی اولان اوغلی عباس میرزا هر قدر حدث السن ایسه دخی کویا بر شیخ مشکی هوای نفسانیه دن و اختراع ابنیه و زیبایش البسه دن محتجب و پدرینه نسبتله فی الجملة عدل و داده راغب و ارباب کماله محب اولدوغندن غیری ذکر و فکری تقویۀ اساس سلطنت و توسیع دائرۀ مملکت و تدارکات اسباب غلبه و حکومته معطوف و کافۀ اوقاتی صید و شکار و تہیۀ ادوات کار زارہ مصروف اولوب افواه ناسده کویا علت جوعه ابتلا لری علتندن و حقیقتہ خفیاً عقد ایتدکلی رشتۀ متارکه و محبتہ بناء برسنه مقدم تقلیدسه اولان روسیه لودن فرار صورتیله تبریزه وارد اولان اکیوز نفر روسیه لو و لایتلری و مقدما فرانچا لودن جلب ایتدکلی حینده نفر معلم و مهندس مباشرتلیله معلم عسکر تدارکنه و ممالک دولت علیه دن تجار و ساطیلیه یوک یوک مایعه ایتدکلی نحاس و تیموردن طوپلر و کله لر اصاغه و اعمالنه و طوپ و جبجخانه عربده لری تنظیمه و باروت طبخنه مبادرت ایله برسنه دنبرو اذربایجان مملکتلرینه توزیع و کونا کون تهدید و تأکید ایدرک عیناً و بدلاً تدارک و تحصیل و البسه و هیئتلری تبدیل ایله سلطاطه تسمیه ایتدیکی تخمیناً اوچیک نفر مقداری عسکره کرکی کی محاربه افرنجیه صنعتلری تعلیم ایتدیردوب کل یوم اجرای صنایع ایتدیرمکده و برطرفدن دخی بر نوع عسکرک تکثیر و توفیرینه مزید سعی و اہتمام ایتدکده اولدوغی دیار عجمده شاهان

سالفه زمانلرندن مخلوع پدرینک طهرانده تأخیر و جانب و شهرزاده نسییر
ایلدیکی یکر می اوتوز قطعه طوپ و هوانلرندن ماعدا شهرزاده مشاراله
شیمدی یه قدر قرقاللی قطعه چرخه و ابوس طوپلری و هوانلر اصاغه
و عربلر انشا و خلی باروت طبیح و تیموردن کلهلر تنظیم ایدوب الان
استکشارینه سعی بیشمار اوزره ایدوکی.

وقوع هجنت و محذور در اصرار باقر و تیمور بدیاری انجام بد کردار
ممالک ایرانده انواع معادنن هیچ نوع معدن بولند یغندن ضربخانه
متعدد لرندن اعمال و ایددی ناسده استعمال اولنان فلوس نام باقر مغرک
و یایدق لری طوپ و مهمات نحاسیه و آهنیه و اسربیه لرینک باقر و آهنی
و قورشوتی دولت علیه معادن مهولندن اشتر و قطع و ترویج ایتدک لری
آقچه نک سیم و زرینی تجارت صورتیه کذلک دولت علیه و دول سائر
نقود مسکوکلرندن تدارک و پیدا اید کلدک لری ظاهر و کندی آقچه لرینی
غلو رواجی تقریبیه دیار آخره اخراج ایتدک لری مشالو دولت علیه
نقودی دخی بر صورتیه اولطرافلره ارسال و نحاس و تیمور و قورشون دخی
بیع و ایصال اولند یغنی تقدیرجه صرف ایدم جک بر آقچه قطع و ادوات
حربیه و لوازمات سائر لرندن برشی حیر اعمال ایتدیر میه جک لری و اول
بابده دولت علیه شدت احتیاج لری باهر ایکن مقتضای جبلت لری اوزره
شرم و حیاسان دیکر می استحقاق و کندی نقود و آلات حربیه لری ایله
مباهات و افتخار ایتدک لری و الحالده طوبخانه عامره و کرخانه سائرده
اصاغه اولنان انواع طوپ و هوانلر و ترسانه معموره ده یاپیلان قلیونلر
و مهمات حربیه سائر ایچون دولت علیه کیتا و نحاس و تیمور و قورشونک
لر می دیکار و هوانلر و قلیونلر سبیل عبادت دخی مضایقه کر قنار و دیار عجمه
بونلر بیع اولند یغنی تقدیرجه شروط عهدنامه مضایرتی و آخر کو تو
بر مضرتی اولند یغنی جمله عندده آشکار ایکن ارضروم و طریزون مثاله

مساعد و مساهله لری سبيله معدنلریز محصولدن دولتمزه لزوملی اشیایی
 دول سائرهدن خصوصت لری هویدا اولان دشمن ضعیفه ارسال برله
 استکمال اسباب مقابله لریه معاونت قیلندن اولدوغه بناءً کمرکاره
 تقریباً و تخمیناً سنوی ترتب ایده جک یکرمی اوتوزیک غروش مقداری
 کسردن صرف انظار ایله ارضروم و بایزید و قارص و وان و الیرینه
 خطاباً اقتضاسنه کوره مؤکد اوامر علیه کوندریلرک دیار محجمه باقر
 و تیمور و قوشوم امراری کلیاً منع و رفع بیورلدینی صورتده دولت علیه
 بالوجه منافع خفیه و فوائد جلیله حاصل اوله جنی .

اجمال اوصاف ظلم و ستم شاه عجم و سبب تنفر رعیت و عسکر و خدم

شاه بی مرحمت کمال عدل و انصاف و شرع شریفه زیاده رعایت ایله
 بایدار قوت اوله کلان امانت کبرای سلطنتی کثرت خزائن و دقائسه
 موقوف اولق اعتقادینه دوشوب ملکرند و جزیه و اعشار شرعیه و معادن
 و کمرک مثللو واردات قانونیه اولدیغندن و طینت فطرتی حرص و طمع
 و ظلم و ستم اجزای مزموه سبيله مرکب و مرتسم و اول دیارلرده احکام
 شرعیه مفقود و کالعدم اولدیغندن شمدییه قدر انواع مظالم و تعدیات
 و نا مسبوق تکلیفات ایله جمع و ادخار برله علی روایه قرب طهرانده واقع
 ولدی الاقتضا قرار و تحفظ نوعندن اولدوغی جنکالستان مازندران
 اسمنده کائن مسقط رأسی اولان استراباد قصبه سنده و طهرانده تنوین
 و تحزین ایتدیکی یکرمی ایچی کرور نقوده و حریمی دائره سنده و نسوان
 کثیره یدلرند موجود جواهر نا معدوده دن غیریدر دیو ایستر ایسته مز
 بوفقیه ازانه ایلدکلری مجوهرات کرانبهای بی احصایه عدم بقاعت ایله
 بیدر بی جمع مال و ابقای فواحش بال ایچون حجاج و ضحاک ارتکاب

و انهمك ايتديكي و خاطرلرينه كيديكي تعديات و مظالم و تكاليف
 و جرايم ايله عموماً اهالي ايراني زار و نالان و مواجب و مراتبلى قطع
 و رفع و ماللرينه طمعاً ادنى بها ايله اهلاك و رفع سبيله كافه عسكـ
 و خدمه سنى كندودن متفر و رو كردان ايتدوكى و اذرايخانه مسلط اولان
 روسيه لولر خادم شاهك و شاه لاحق مشار اليهك زخم خورده و ظلم
 ديده لرى اولان جعفر قولى خاتك و تقليس جانبلى سـكانك دالت
 و دعوتلى ايله بلا جنك و جدال كلش اولدقلى و شمدى به قدر واقع
 اولان محاربات متعدد لر ينك بر ايكي دفعه سنده عباس ميرزانك سـ
 و تدبيريله عسكـرلى غالب كلوب ماعداسنده بالطبع عرضاً مغلوب
 اولدقلى و جوانب اعجامده واقع دول اسلاميه دن برى ازيحجى حركت
 ايتسه بي شك جمله سى اول طرفه ميل ايده جكارندن قطع نظر عند الحـ
 روسيه لولر موافقت و دولتـرينه اهانت ايتـلى و اعمه سندن اوتورو
 مرسومـلر ايله جنكه جرات ايده مدكـرى و ايران خاقى دياتـدن خالى
 و مسلماناق همان ديبلـرنده جارى اولمق حسيله قلباً و قلباً روسـلـونـك
 غيرتكشلى اولدقده و شاه و مشار اليه هر بار عسكـر هر نه قدر افقر
 اولور ايسه اميد مال و امال سپايش حال زياده جنكه مجبور و لدى الضروره
 جسور اولور ديو خلاف عقايد ناس لاف و كذاف ايتدوكى و مشار
 اليها حكم و خدامى قاعده پيشين اعجام اوزره شمدى قتل و اعدام ايتـلو
 ايكن اولادى متعدد و ا كثرى برسمـك حكومتـيله متفرد و مـتمرد اولوب
 انجام كرده دعواى سلطنت و يا خود ضرورت غيبويه ايله اميد نجات
 اولديغندن كمنه بوكاره جسارت ايده مدىكي و شاهك و فائـدن صـكره
 وارث سلطنت اولان اولاد كثيره بربرينه خصومت ايدرك ممالك ايران
 و ايران وزمام سلطنت مسلمـه ايدى اجنبيان اولـغـندن اشتباه اولدينى
 رجال دولت و يا بندگان مـراـر سلطنتدن ايوجه كوروشديكم و عند العودم

خانزینیه قوندیغ بعض کسانک مأل مقال صادق لرندن ودلائل سائر
سائق لرندن تحقیق کرده بندکی ایندوکی .

بیان کیفیت عبدالرحمن پاشای فضاخت اتماکه اندر سوی
بغداد از زمره میر بلاد اکراد

شاه کمره سمت سمت ممالک جسیمه سنده حاکم اولان اولادندن
ماعد سائر بلادده اولان بالجه حکامک واحباب نفوذ و ذکادن اولان
کافه اخوانین و خدامنک دغدغه خروج و طغیانلرک در امان اولقی
ملاحظه سیاه یا اولاد و یاخود عیالی رهن طریقیله طهرانده توقیف
و تأخیر و بموقوله احباب اذهان دخی دیارلری محصولندن صالیان
و پیشکش نامیله سنوی اداسنه متعهد اولدقنری نقودی بهر سنه عید
نوروزده بالنفس کتوزوب شاهه تسلیم واسترلر ایسه رهنلری تبدیل
ایتدکن صکره انلر یا بقا و یاخود اخر منصب توجیهی و خلعت اکساییه
اعاده و تسخیر ایده کلدیکی اجلین بغداد بهشت آباده تابع کردستان
حکامندن معدود اولان بابان نام دیگر قره جوران متصرفی سابق
عبدالرحمن پاشا بغداد والیسی سابقدن اغراض ایله طرف شاهه التجا
ایتدوکی ائنده انک دخی بر نفر اوغلونی رهن طریقیله طهرانده توقیف
ودولت علیه دن بالاستدعا رخصت سنیه استحصالیله کندوسنی ولایتیه
اعاده و ولایتی محصولندن بمقابله ده بهر سنه بینلرنده معهود المقدار
نقد صالیانی نوروزده کتوزوب اعطا و خلعت اکتسا اتمک شرطیه
اخوانین سائر اعدادینه ادخال اتمکله پاشای مزبور اولزماندن برو
شرط مذکوره کالیله رعایت اتمکده اولدی و بالجه بغداد و حوالیسی
بوحرکتی سببیه مزموم و منفور و طهرانده اولان اوغلو عدم رعایت
و مذاهمده ماینت حسیله مکدر و محقور اولدوغنده پاشای مزبور

بوکره اوندن نادم اولمش ایسه دخی رهنی تملیصه چاره‌سی اولدیغندن
 و خلعت اکرادیه‌سی اولا بالاستیصال اماله و رجوع نفسنه کران
 کلدیکندن بالضرور صبر و تحمل ایدوکی طهرانده اولان اوغلونک
 وادملرینک و ذکرائی مصالحت قارصده یوسف پاشا حضرتلری عننده
 مقیم دیوان کاتبی قاسیم افندی‌نک کفتار و اطوارندن جزماً و یقیناً معلوم
 بندکی اولدوغی و مزبورک اوغلی ید جانبنه اعاده و ارجاع اولنق
 خصوصی میرزا شفیعه کتوردیکم مکتوب سامیده سطحیجه مسطور
 و بوخصوصده اولدقجه طرف عاجزانه مدن دخی سعی اولنسی حامل
 اولدوغم تعلیمنامه ده مذکور اولدوغندن بوقیر ابتدای امرده شهزاده
 عباس میرزایه و وزیرینه بوماده نازکانه تذکیر ایلدیکمده بزم بله‌جکمز
 ایش دکادر طهرانه وصولنده مذاکره ایله جوابی اولطرفدن وریلور
 دیدکلرینه مبنی طهرانده برایی دفعه مزبور میرزا شفیعه عبدالرحمن
 پاشانک سزکله بوکونه معامله‌سی دولتمزک کنه‌یله معلومی اولمیوب فقط
 حین حرکتیمده مقام علیای ریاستدن دولت ایرانیه‌نک التماسنه بناءً
 بغداد والیسنه یازیلوب عبدالرحمن پاشا محله اقعاد و تأمین اولندی. اکر
 اوغلو حالاً انده ایسه فیابعد مکشی موجب حالت قالمدینی ایله عودت
 ایتدرلسون دیو بوقیره تنبیه و تذکیر بیورلمش ایدی. تحقیقه کوره
 پاشای مزبوری عادتاً اخوانین ایرانیه ذیلنه دولت علیه‌نک ملک موروثی
 صالیان وضعیله بیاغی ممالک اعجابیه سلیکنه ادخال بیورمش سز بوايسه
 دعوای خلوص و محبتکزی منافی و بنده کز تا کید محبته مأموریم
 حسیده بوخصوصی و قوعی اوزره دولت علیه افاده ایتمز ایسم دخی
 طرف آخردن مسموع بیوریلوب بالاخره فساد ظهورینه بادی عادی
 اوله‌جفی ظاهر در زیرا فلان تاریخده بغداد والیلکی هواسیله شاه عباس
 ثانی صفویه مراجعت ایدن بکر صو باشی‌یه سرعسکر حافظ احمد پاشا
 طرفندن بغداد منشوری ویریلدیکی انده نان و نعمتیله پرورشیاخته اولدوغم

دولت علیہ فی براغوب اجنی باش ایندر مک فدای جان و دل مشکل
 ایش دیو شاه مشار الیہ جانبدن اگر اہ اتمہ سندن ناشی بغداد بوجانبدن
 استیلا وعقینده سلطان مراد رابع حضر تلیرنک ہمت پر میستلریلہ
 استرداد اولنجه دکن قدر جانلر ہدر وعموماً دیار ایران زیر وزبر
 اولدوغی کتب توارینخده مسطور واسرالشورور اصغرہا مثلی السنہ ناسده
 مذکور ومتداثر در و مزبور عبدالرحمن پاشانک دیوان کاتبی ملا قاسیم
 مدت وافرہ دنبرو وحالا یوسف پاشا حضر تلیرنک اوردوسندہ قائم اولمغلہ
 بالدفعات نزد حقیرانہ مکلوب فدای جان عذیم الامکان اولدیغدن وولی
 نعمتمز اولان دولت علیہ طرفہ فرارہ وجاہ وجوارمزہ بر ملتجیا
 بولہ مدیغ مزدن بالضرور اعجامہ عبودیت ومألف اولدیغمز وبرطرفہ
 ویرہ کلدیکمز ویرکو اعطاسی وکرو ابقاسی ونوروزلردہ خلاف مذهب
 وآیین خلعت اکتسای مثللو مصائبہ جسارت ایتدک بوبالاردن استخلاص
 نیازیلہ افندمزہ مراجعت وخیلی زماندن برو دائرہ سندن اقامت ایدہ یورم
 برقاڈہ بی مفید اولدی وسنک مأموریتک حصول مأمولزہ سبب وعلت
 اولہ جنی معلوم اولمغلہ مقاصد سائرہ مزدن قطع نظر فقط قرہ جوران
 سنجاغی بغدادہ مربوطیتدن اخراج وسائر الویۃ مستقلہ مثللو طرف
 دولت علیہ دن فرمان ایلہ پاشامہ توجیہ ایتدیروب بومقابلہ دہ وہابی
 اوزرینہ سفر وعزیمت ودولت علیہ وساکہ مالاً دخی خیلی خدمت
 ایدن وبوتہمت سبیلہ دولت علیہ اعتماد ایتمز ایسہ پاشام عندندہ لاشی
 مقولہ سندن اولان اولادینی فدا ولایت اعجامی تالان ویفما ایلہ اعتماد
 کای اعطا ایدہ جکنہ کفیل ورہن ویریر دیو بوفقیہ رجاء واقع حالی
 انبا ایتدیکی وپاشای مزبور بعینہ بکر صوباشی مثللو طرفینی الدن
 براقیوب سزہ بوکونہ عبودیت ایتدکدہ ایسہ دولت علیہ دخی بووجہلہ
 خدمت ورقیت عرض ایتدککہ آخر الامر بر فساد ایجادینہ سبب اولہ جنی
 بامردر دیو توضیح مرام وتوشیح کلام ایدہ رک کیفیتی تقریر وافہام

ایلدیکمده افندی دیوان کاتبی بیانه سویله مش شمدیکی حالدہ دولت
علیه مدہ بر عبدالرحمن پاشانک اوغلو کرک ولایتده اوتورمش کرک
طهرانده دورمش عدم تکلیفہ بناء برکونه بآس یوقدر دولتمزه مقطوعاً
صالیان اعطاسی خلاف اولوب همجوار اولق مناسبیله فقط سنوی بر
مقدار بشکش ویرر و اوغلوئی اعاده ایدہ جکزدر و بالجمله حدودده اولان
حکام شاهان سالفہ و قتلرنده اولدوغی مثالو برر مقدار بشکش ارسالیله
دائماً الفت و مظاهرت ایتملودر دیدکده حاضر فضاحتلرنی ستر و اخفا
صددنده ایکن بوز جغاره مق و فی الجملة قدر اعتبارمی محافظه ایتک ایچون
معارضه و مخاصمه ایتیوب واقعا تقریر یکن نفس الامرہ مطابقدر سخا بوا
تحادوا امری منطوقیجه طرفینک حدود حکامی دولتین علیتین جانبلرینه
ہدیہ ارسال ایتسلر و افادہ و جہلہ پاشای مومی الہک اوغللری اعادہ
بیورلسہ موجب تراید محبت اولور دیو طرف بندکیدن دخی صورت
تصدیق تکریر تکلیف و ایراد جواب لطیف اولندیغی و بونلر پاشای
مہربورک چا کرلرندن مقدم لاجل التبدیل طهرانہ تسبیل ایلدیکی عثمان
بک نام اوغلوئی طهرانده توقیف و تأخیر و محمد بک نام بیوک اوغلوئی
ولایتہ اعادہ و تسیر ایتشلردر ویرسنہ دن زیادہ روسیہ لو ایله اصلا
جنگ ایتہ مشلر ایکن بودفعہ چا کرلریلہ کوندردکلری مکتوب جبل
اسلوب مغرورانہ لرندن عبدالرحمن پاشانک اوغلوئی اعادہ و روسیہ لوی
بالحاربه سویلہ و بویلہ قہر و فتادہ ایتک دیو دروغ صریح تحریر اظہار
صلاحیت فخر و غرور ایتدکلری .

کیفیت معاملہ والی بغداد پاشای فساد پیشہ

غالباً طرف دولت علیہ دن بغداد والیسی سابق علی پاشا حاضر تلرینہ
عجم ایله امتزاج و حسن الفت و عبدالرحمن پاشای تأمین و اوغلوئی عجمدن

طباطبائی یو یازمق ویاخود بوچا کرلرینک مأموریتدن خبردار اولمق ویا
 آخر ماده ضمیمه اولمق احتمالندن بریسیچون متوفای مشار الیه
 بغدادده کتبخدالقی و قائم مقاملری رتبه لرینی احراز ایتیش متنفذان بغداددن
 درویش آغا نام کورجی الاصل ساده دل بر شخصی یوز نفر دن متجاوز
 خدم و خشم و علی روایه اکی یوز الی کیسه لکدن زیاده هدایا دخی
 شاه جائزه ایاجی تعیین وارسال و عقیمنده کندوسی اخرته انتقال ایتمکه
 مقدمات کتبخداسی ایکن بالمخاربه عجمه اسیر و خالا تحصیل ایالت بغداد
 ایله مر مکیر اولان دوللو سلیمان پاشا حضرتلری کماکان ابقای مأموریه
 و اول طرف دخی حصول مأمولنه سعی و غیرت ایتسیچون اثنای راهده
 مکتوب ایرشیدر دیکه چون ایاجی مرقوم بوفیقیردن یدی س کز کون
 مقدمه طهران داخل و بالاده میرزا شفیع خان سنه نازل اولغله ایکی اوچ
 دفعه مرقوم ایله اجتماع و ماده مأموریتی تحری و استخراج ایلدیکمه
 عبدالرحمن پاشا ماده سی و همجوارلق مناسبتلرینی تذکیر ایتیش ایسه
 دخی اساس مأموریتی طرف دولت علیه دن بغداد و الیه کی تحصیل
 ایچون استشفاع و استعانه دن عبارت ایدوکی حتی برکیجه میرزا شفیع
 مواجهه مزبورده والی سابقک و فاتی سبیلله بغداده اختلال و قوعی
 نمایان ایش ایکن دولتین علیتین بیلنده درکار اولان محبت مقتضاسیجه
 بو طرفلرده سلیمان پاشا استصحاب برله لدی الاقضا ارسال عسکر و جهت
 اخر ایله اهانت اوله جنی بیانیله امرینه اطاعت ایتلمه یچون کوندریلان
 رقم شهیدی دیوان بغداده علناً قرائت ایتدرمک و حدوده اولان خانلر
 دخی لدی المطالعه عسکر ارسالی و اخر وجهله امداد و اعانت ایتلمه یچون
 رقم کوندرمک سبیلله کسه حرکته جرأت و بالجمله اهالی خواه ناخواه
 تبعیت ایتدک لرینی و مزبور عبدالرحمن پاشا عسکر جمعیله کوی سنجاق
 اوزرینه عزیمت ایتیش ایکن بو طرفدن تنبیه و تحریر اولندوغنه منی بلا
 محاربه دعوت ایلدیکنی و طرف دولت علیه دن حصول مسؤل یچون شفاعت

نامه کوندردکلرخی بوفقیه افاده وانبا وایاجی مزبور دخی با تعلیم تصدیق
 وتشکر و ثنا ایلدیکی وبوخصوص چا کرلریله مبعوث مکتوبمز طرفنده
 دولت علیه دخی اجمالاً تحریر واملای ایلدیکی وایاجی مزبورک
 عودتندن صکره فقیر طهرانده ایکن مشار الیه سلیمان پاشا حضرتلری
 طرفندن باتحریرات برقاج اتباعلو براندرون اغاسی دخی کلوب چندودود
 طرفندن عودت ایتدیردکلری مزبورانک اساس مأموریتلری جزماً
 ویقیناً معلوم عیدانهم اولیوب انحق بغدادده استقرارلرینه معاوانتلی
 مقابله سنده بهر سنه طرف شاهه هدیه نامیله بررشی کوندرمکه تعهدی
 العلم عندالله شروط سائره دخی ربط ایتلری بالاده بسط اولان
 مقدماتدن وفی الجمله انتفاعلری اولان عبدالرحمن پاشا خاطرینه عدم
 رعایتله خصمی اولان وزیر مشار الیه حضرتلرینه اهانت وهمت
 ایتلرندن وپاشای مزبورک اوغلی محمود بکک صورت ظن واشغالنده ایراد
 ایلدیکی کلمادن استشعار واستدلال اولندیفی .

بعض ملاحظه بنده صاف نهاد درحق حضرت

والی بغداد

ممالك ایران قدیمندن معدود وبعناية الله الملك الودود حالا سلاک
 ملک پادشاهیده مقصود اعجامه قریب ومحدود اولان بصره وبغداد
 منللو خارج راده بغداد بلادی استخلاص واسترداد وبالجمله شاهان
 وسکان عجمه وباخصوص شاه مشار الیه اقتضای سرادواذکار وافکارلری
 بومرامی تدبیر وایراد ایدوکی نزد عاجزانهمه مجزوم وجمله غنبدنده
 معلومدر. بناءً علی ذلك بومطلوبه متهالك اولان شاه طرفندن دائماً
 استکفاف واکراه وولی نعم عالم اولان پادشاه جهاه پناهه صداقت
 قصدیله اعجامه بغض الله فرائضه رعایت ولایه ممالك حدوده واجبه.

ذمت ایکن وبغداد والیلری عظمای دولت علیه بهر سنه ارسالی معتاد اولان برر بغچه هدیه ناچیزک ایصالنده جواز کوره اهل و رخواست ایکن بالاده بیان اولندیغی وجهله بغداد جانبندن بردفعهده کوندریلان هدیه اعطا و شروط سائر ايله طرف اعجامه میل وانجا صحیح اولدوغی صورته عقل قاصر عاجزانه مه کوره وقتيله دولت علیه بهر بالوجوم موجب محاذیر عظمای اوله جفته بناء بوخصوص اطرافيله تحریر وتدقیق بیورلق امور واجبهدن اولدوغی .

صورت حرکات ناروای اعجام بی حیا درحق حضرت یوسف پاشا واسترداد اموال مغصوبه فقرای بایزید سوی اعجام عنید با طلب سرعسکر دلیر وبحسن تدبیر فقیر پرتقصیر

اعجام خسران انجام دولت علیه شمیدیکی حالده روسیه لویه دائر و سائر مراجعتلری قالمق ودولت علیه کندی امر معظمه سیله مشغول اولوب فضایل جزویه ایچون آخرین تأدیی قیدینه دوشماک فکر فاسده سیله مقتضای جلیتلری اوزره جانب سلطنت سنیه علناً اهانت وخیان ایتکه مباشرت برله ایام شتاده قارص وبایزید ووان وهنگام کرماده حوی وروان جانبیلری قشلاق وییلاق و طرفینه ادعای اتحاد ایدکلان سیییکی وزلام تسمیه اولنور ایکی عدد عشیرت اکراد بکلری اول عبدل حسین نام بکلری طرفلرینه جلب ايله برطرفدن مزبوران وبرطرفدن دخی حوی حاکمی اولان قره کوز محمدخان سرقت وشقاوت تهمتلی ایچون میران مزبورانه خصومتی و طرف و طرف اعجامه عدم میل ومحبتی باهر وبدید اولان بایزید متصرفی ابراهیم پاشان اخذ انتقام وکرهآ طرفلرینه جابه دوام ایچون لواء مزبور قضالرینه تسایط وانلر

دخی حوالی مرقومه عاداتندہ مبالغہ و تفریط ولایعد اموال منہویہ فقرانی
تماماً ہوی و روان طرفلرینہ ایصال ایتدکالرینہ و کذلک قارص محافظی
مقتول محمد پاشانک روانہ فرار ایدن قرنداشی قرہ بکی استصحاب و خلاف
مأمول بومثللو نیجہ نیجہ افعالی ارتکاب ایلدکالرینہ دولتو یوسف پاشا
حضر تلی استغراب برلہ بالطف والاحسان جبر نقصان ایتدرمک ایچون
قرب وجوارده بولنان مزبور سردار حسین خانی دائرہ سی و اوردوسی
خلقیلہ معاً قاغزمان سحرانندہ اردوسنہ دعوت و سایہ سلطنت سنیہ دہ
کیتلو ہدیہ اعطا و جهت اخر ایلہ مکرم و ملتفت و وافر اظہار قدرت
و شہرت ایتدکن صکرہ خلاف شروط مسالہ تصاحب ایتدیکم مزبور دن
قرہ بک و عبدل حسینی و اشیاء منہویہ بی طلب ایدوب اولدخی اطوار
سحرہ اور کفتار باروا ایرادیلہ مخالفت ایتدیکندن کمال مرتبہ انفعال
برلہ خصوصات مزبورہ ضمنندہ شہزادہ عباس میرزایہ با تخریرات
نوری نام بر معتبر آدمی تسیر و بوفقیہ دخی مفصل و مشروح بر قطعہ
امرنامہ تحریر بیوردیغہ مبنی چاکر لری بر قاچ مجلس شہزادہ مشار
الیہ و وزیر میرزا بزرگ ایلہ مقتضای وقت و زمان اوزرہ مواد مرقومہ فی
درمیان ایدرک بالا خرہ بش التی سنیہ دنبرو بازیددن فرار ایتمش
رعایلری کیرو اعادہ اولنق شرطیلہ فقط بالجلہ اموال مغصوبہ نک
استردادینہ و قرہ بک حقندہ دخی بالجارہ مشار الیہک تطیب فوادیہ
وعشائر مزبورہ کویا اصل کندی رعیتلری اولدوغی و دکل ایسہ دخی
مہین جانین اولدقلری اجلدن فیما بعد اراضی رومہ ایاق بصدرمق
واکر تجاوز و تعدیلری واقع اولور ایسہ قرب حدوددن قالدیروب
خراسان طرفلرینہ کتورمک موادیہ ارضا ایلہ یاساچی باشی مزبور
نوری بک ترفیقاً روان خانی جاننہ و ایش آغاسی ناچی اولان محمد بک
بوفقیہ ایلہ تالخیصاً حوی طرفہ تعیین و ارسال ایتدردکن صکرہ
بوچاکر لری کلوب بازیدہ ظہور ایدن فقط قرق الی خانہ مقداری

بی‌سروپا رعایای عجم طرفه اسرا و حوی طرفدن کلان اموال منسوبه
 فقرای بایزید اصحابنه توزیع و اعطا ایترلدیکی و بعده روان جانبدن
 اولان اموال مغصوبه دخی بر روایتده و علی روایه مع نقصان یساقی
 باشی و نوری بک ایله بایزیده کلوب اصحابنه ویرلدیکی و مرقوم قره بک
 یاننده اولان موجود کلیتو اموال و نقودی روان خانی کلیاً ضبط
 و مقتضای غرورلری اوژزه یوسف پاشا حضرتلرینک طلب و تحریری
 کتم برله روسیه‌لویه فرار تدبیرنده اولق تمهتیه مقید جانب شهزاده‌یه
 ارسال ایلدیکی خبری اضر و مده رسیده سمع بندکی اولدوغی .

مغائر صلح و سلم بعض حرکات نامرضیه عجم

حالا روسیه‌لویه تابع و کمال ملعتی دنیایه شایع جعفر قولی خانی
 عجمدن حین فرارنده دامادی و بایزید سنجاغی متصرفی بولتان متوفی
 محمود پاشا نواء مزبور ملحقانندن کرد اوغلو قلعه‌سی دیمکه عربف
 صعب‌المرور بر قلعه‌یه اقصاد ایدوب بعده بااراده سینه و الحوالی حکامنک
 و عجم خانلرینک مباشرتلیله طرد و ابعاد اولندوغی اثباتده تکرار
 دخولنده حراست دسیسه‌سی و مزبور قره بک سوق و اعانه‌سی سببیه
 قلعه مزبوره دخول ایدن اعجام الی الان چیقمیوب توانعدن اولان
 چند عدد قرائی بریشان و برطرفدن استحکانه اتهام ایدوب هر تقدیر
 استرداد مراد اولندیه اصفا و اعطا ایتمکدن و حدود موجوده
 اکثری بلاد خلقنی حین فتح خاقانیده تطیب و اعجای بو طرفه ترغیب
 اراده سببه کافه تکالیفدن معاف بیوردقلری ایچون فقط رضالریله و الیرینه
 سنوی جزئی هدیه و لدی الاقتضا عسکر اعطاسی و جهت اخر ایله خدمت
 ایده کلان رعیت دولت علیه‌دن وان سنجاغنه واقع اهل سنت و پاک
 عقیدت حکاری اکرادی بلادندن جاذ ناحیه‌سی چا کرلری طهرانده

شہزادہ عباس میرزا عسکر ارسالی ایلہ اوردیروب ایکبوز نفردن
متجاوز نسا ورجال وکبار اطفالارینی سبی واسترقاق وتبرزدہ علناً
بالمزایدہ طائفۃ اعجام ونصارایہ بیع وفروخت وسائر حکاری قریہ لربنہ
سنوی بیک بشیوز رأس اغنام وبیگ بشیوز ریال ویرمک خصوصی
تکلیف واغنامی جبراً تحصیل ومبلغ مزبوری برقاج ماہ تأجیل ابدوب
طائفۃ مزبوردن وان بایزید طرفلرندن استمداد واستعانه ایتمکده
اولدقلربی ومارالذکر سیدیکی وزلام عشرتلی ہر نقدر دولت علیہ نک
قدیمی رعیتلرندن ایسہ دخی بو طرفدہ استقرار ایتموب ولات حدود
طرفینی تزویر ونفاق ایلہ بربرینہ دوشوب بوارادہ اموال فقرائی غارت
وبوتہمتلرین بولندقلربی طوپراق صاحبہ عزو ونسبت ایدہ کلدکلری
دولت علیہ وجہاً من الوجوہ فائدہ لری اولمدینی اجلدن همان برابر
کتوردکلری حسینی وعشیرتین مزبورتین خلقتی حدودک بعید ولایتلرندہ
اسکان ایتملری ویاخود انلر دخی عجمدن برابر کتوردیلوب بوزاق
جانبلربنہ جلب وایوا بیورلمسی وکور اوغلو قلعہ سندن وحکاری
قرہ سندن کفید واسرای میعہ عیناً وبلا تضمین رد ایتمدرلمسی
نیازیلہ بایزیدہ معروضات وبر قاج نفر داد خواخان تہیہ ایتملو ایکن
بو جا کرلری سر دولت افسر اولیای نعمایی تصدیقندن محافظہ واردہ سیلہ
الحالہ ہذہ اموال منہوبہ کد تدبیر فقیرانملہ فی الجملہ استرداد اولندی
ارضروم والیسی دولتلو عثمان پاشا حضرتلرینک وردندہ ہمتلریلہ مستدعای
مذکورہ کز ایلہ دخی بلدکہ بو طرفدہ برقابہ افراغ اولتوب درسعادتہ
مشتکی ارسالی تکلفنہ حاجت قالماز وبوحوالینک کافۃ احوالی والیر
طرفندن یازملق قاعدۃ کلیہ دن اولغلہ راسا معروضات ارسالندہ والی
مشارالہ انفعال ایتمک احتمالی درکاردر دیو شمذیلک منع وتوقیف
ایتمدرلدیکی .

صوره معامله اعجام بابن بنده مستهام و بیان حرکت عاقلا نه این خاکسار دران دیار

مشار الیه یوسف پاشا حضرتلری عندالعزیمه حامل اولدوغم
تحریرات سامیهلری لدی النظر بوندن مقدم در سعادتن بونلرک بر رعین
صورتی طرفزه کلوب عبارات و مضمونی اعجامک دعوائ کاذبه انایتلرینه
کوره غایت دون اولدوغی طرفزدن تحریر و حتی اقتضاسنه کوره
تسوید القابی تسیر اولنمشیدی. بونلرینه اولکی صورتده یازملغله حریفلر
متغیر و منفعل اولور دیو براز حاللرینی بیان و توضیح و شهزاده یه اولان
مکتوب سامینک عنوانندن بر قچ فقرهئی حک ایله تبدیل و تصحیح
بیور مشلر ایدی. واقعاً شهزاده نلک دیوانده وزیری میرزا بزرک مکتوب
سامی مذکوره دیباجه و عنوانی طی و ترک ایله یالکز متنی عارتی
جهراً تلاوت و بعده بوفقیه شهزاده نلک شانی جهانده شایع اولغله
عنوان نامه قراینله حاصلی تحصیل قیلندن اولمق مفهومی تذکیرایتدیکی
مشار الیهک قولنی تأیید ایتدیکنندن غیری شاه انجام تباه اول امرده
تصدیق سلطنتی ضمننده بوجا کرلریله قبل جانب پادشاه جهانندن نامه
هایون و هدایا ورودی مأمولنده و بویله اولماز ایسه بازی وزیرینه
اولان مکتوب سامیده ولایتی و همجوار اولان ولایتلر خلقی اراسنده
کندویه موجب تعظیم و افتخار اوله حق تعیرات و یعنی کندویی ستایش
و ثنا و کمال قدرتی اعتراف و انبائی مشتمل عبارات یازلمق امیدنده ایکن
کندی اوصافندن قطعاً بحث اولنمیوب همان پاشاه کافه ام و تاج بخشای
عالمه شاهان عالم سایه بسیط یزدان درج وجود جهان شوکتلو قدرتلو
مهابتلو عظمتلو ولی نعمت جمیع ملت افندمن حضرتلرینک توصیف
شریف قدره شاهانه و تعریف لطیف شوکت شهنشاهانه لرندن بالمناصبه

بسط و بیان بیوریلان بر قاج فقره کونا باران نیساندن رهان مارنه
 مصیف قطره مثللو شاه حسودی زهر آلود ایتمکله بودفعه میرزا شفیع
 طرفندن کتوردیکم کاغده شاهلرینک مدح و ثنائسده افراط لاف و کذاب
 اولبابده و مواد سائرده صراحة ارتکاب کذب و خلاف ایتدکارندن
 بشقه بوفقیری دخی لایق اوزره حسن معامله ایتدرمیوب بوفقیر دخی
 شاهله ملاقات ایتدیگیز دیو سوال ایدن و بلکه بالجمله یانمه ککوب کیدن
 سند و فرانجه ایاجیلرینه و سائر کسانه برر کونا مناسبت تدارکیله بن
 دولت عایه قوی قدرت طرف باهر الشرفلرندن مخصوص ایاجی دکم
 فقط پادشاه عالمک صدر اعظمک قائم مقامی طرف اشرفندن میرزا
 شفیع بر مکتوب کتوردم و حتی اولمکتوب بر جبار ایله که جک ایکن
 در سعادتده اولان بحج ایاجیلری طرفزدن بالدفعات ایاجیلر ککوب
 بوجانیدن بر معتبر آدم کوندرنامسی روا دکلدر مخصوص بر آدم ایله
 کوندریلسون دیو رجا ایتملریله انلری تطیب ایچون ایاجی عنوانی
 اولمیهرق احقر خدمه دولت علیه دن بوفقیری ارسال بیوردیلر. شاهله
 ملاقاتی موجب حالت یوقدر و قدر و رتبه و کیفیته نظراً مأمولدن
 زیاده اکرام ایده یورلر دیو واقع حالی انبا و مسافر اولدوغم خانه کمال
 و قرار و تمکین ایله اقامت وجوارمده ساکن فرانجه ایاجیلری و یانمه
 کلان اعجام ایله متشوفانه الفت و اکثریا کتب مطالعه سیله امرار انا
 و بالوجوه اظهار صورت عنا و استغنا ایدوب بوفقیر وادملم شاهلرینی
 و سائر سیرانکاهلرینی سیر و تماشایه رغبت ایتهدیکمز و کورمزدن عودت
 اولنوب ارائه دبدبه و شهرت ایده میه جکلری معلوملری اولدوقده شاهک
 امر و اراده سی و میرزا شفیعک و باخصوص صاحب خانه مزک ابرام
 و افاده سیله بر کره ات قوشوسی بهانه سیله ترتیب ایتدیکی بنش جمعیه
 دیگر ایاجیلر ایله معاً عزیمت و انلره تقدم و شهزاده لرنده تقرب صورتیله
 و داراتی تماشا و رؤیت و بر کره دخی جوهرلرینی کورمک و طهراند

اولان شهزاده لری اکبری وحوالی وشهر طهرانک حاکمی اولان حسن
علی میرزا ایله کورشمک ایچون سراینه وبردفعه دخی عندلرنده باغ
جنان وجهانده معدوم الاقران اولق زعمیله شاهک سنین وافرمدنبرو
بنا واعمار ایتدیکی بکارستان طهران وقصر قاجار تسمیه اولنور وصحیح
الهوا وفسیح البنا قصرلرینه عزیمت اولدوغی وچاکرلیمک یرمه حوادث
تواریخ سابقه ومقتضای اوقاف لاحقه دن بی خبر وانلردن اکرام وادمیت
مأمول ایدر فن منظره واداره جواب مذاکره دن غافل وتنک دل
براخر قوللری اولسیدی معامله ومذاکره لرنده لایق اوزره مقابله
ایده میوب بالضرور برودت وکدورتله عودت ایده جکی فلاله الحمد والمنه
بو قوللری هر حالده عاقلانه وحکیمانه حرکت واطهار غنای طبیعت ایله
هر کلاملرینه مقتضای مقام اوزره جواب باصواب ویروب عندلرنده
منکوب وهیچ بر ماده ده ایسه مغلوب اولمیوب شان وشوکتیه وسلطنت
علیه اجر وجایله سیله باکمال شوق ومحبت وداع رسمی ایفا اولنهرق
مزید عز ورفاه وکمال محبت واعتبار ایله معارف وعودت اولدوغی
محاط علم عالم ارای رحیمانه لری بیوردقده امر وفرمان لطف واحسان
دولتو عنایتلو عطوفتلو رأفتلو ولی النعم کثیرالحد والیکرم عالی هم افندم
سلطانم حضر تلمرینکدر .



تاریخ جامع شریف نور عثمانی

در سعادت

هلال مطبعه سی اسکی ضبطیه قاروشونده

۱۳۳۷-۱۳۳۵

تاریخ عثمانی انجمنی مجموعه سنک علاوه سیدو

تاریخ جامع شریف نور عثمانی

جناب حق عز شانہ حضرت تلمینہ حمد بی غایہ و رسول اکرم و آل
 اصحاب محترم حضراتہ صلوة بی نہایہ دنصکرہ باعث تسطیر کتاب
 صحت نصاب بودر کہ استاثہ سعادت مداردہ بدستان جدید قربندہ کاش
 صرخیلر اوکنده جبہ جیلر قوللوغنه مرور و عبور اولسان طریق
 عامک جانب یسارندہ بوندن اقدم واقع اولان مسجد شریف فضلا ی
 دھردن عالم قدسہ ارتحال ایدن خواجہ سعد الدین افندینک دختر [۱]
 سعد اختر ی فاطمہ نام خاتونک وقف جلیلہ سی اولوب مرور ایام
 و کرور اعوام ایلہ مشرف خراب و زلازل و قوعندہ مائل تراب
 و بر وجهلہ صلوة مکتوبہ نک اداسنہ عدم قدرت و وقفندن دخی
 ابناسنہ لیاقت اولمدیغندن محلہ اہالیسی مقدا سلطان احمد خان علیہ
 الرحمة والغفران حضرت تلمینک رکاب ہایونلرینہ رفع رقعہ ایدوب
 تجدیدن نیاز ایلدکلرندہ کشفنہ امر ہایون بیورلمفین ہیئت قدیمہ سی
 اوزرہ تجدیدینہ قرق کیسہ اچہ کیدر دیو کشف اولنوب دفتری
 رکاب مستطابہ عرض اولنشیکن طاقۃ نسیان و علی حالہ وقت
 کیدران بعدہ خداوندکار سابق مغفرت نشان غازی سلطان محمود خان
 حضرت تلمینہ محلہ اہالیسی عرضحال و برقاچ دفعہ استرحام حال ایدوب
 بشنچی دفعہ عرضحال ایلدکلرندہ اول وقت دارالسعادہ اغاسی کاتبی
 اولان سماحتلو درویش افندیہ حوالہ و کیفیتی سوال ایچون امر
 ہایون اولمفین طرفلرندن اغا جلیسی حاجی صالحی تعیین اولدخی
 وقت عشاہہ محلہ کیدوب مسجد شریفنک امامنی خانہ سندن اخراج

[۱] انجمن اعضا سندن متقاعد میرالای علی بکک یدندہ بولنان فاطمہ

خاتونک وقفہ سنہ نظراً خواجہ سعد الدین افندینک زوجہ سیدر .

مسجد مرقوم کمک وقفی اولوب و صورت انهدامی ندرتبه ده اولدیغینی
استطاق و مقدما قرق کیسه اچیه کشف اولنوب متروکاً قالدیغی
و شیخ الاسلام افندی نظارتند اولدیغینی استخبار و تقریرینی علی
وقوعه کلوب انها ایلدکده بوجه محرر کیفیتنی قرین علم عالم آرای
شهر یاری اولغله بعدہ بالنفس جناب شیخ الاسلام فضائل ارتسام
افندی حضر تزلزلدن استفسار بیوردقلرنده وقفی ضعیف و بحاصل
اولوب جانب وقفدن انشاسنه قدرت اولمدیغینی پادشاه مروت پناه
حضر تزلزله بالمشافه افاده حال و اینا اولنق ایچون وقفیتی استبدان
اولنمنه فتویٰ شریف دخی و ایرمکله بناء علیه تجدیدی امر هاپون
مرحمت مقرون اولمغین دفتر دار اسبقی عاطف افندی مرحومک
دامادی اولان علی اغا هر اشنده مقدم کارگذار و هر وجهه مستقیم
و صداقتکار و هر خصوصه مجرب الاطوار اولدیغی از قدیم درویش
افندینک معلوملری اولدیغندن غیری مقدم خلقه لوانام صویولارینک
تجدید و راساً اجراسنه مأمور اولدقدہ صدق و استقامتی تکرار ظاهر
وسعی بلیغ برله خدمتی کاینی باهر اولغله بو خصوصه دخی بنا
امینی تعین و زمام امور اینیه دست سعی همته تودیع و ترهین اولنوب
اول دخی فن صنعتند مهارت نامی اولان نخبار قافله لرندن کار
آزموده سمیون نام ذمی بی قلفه تخصیص ایلدکن صکره بیک یوز
التمش برسنه سی ماه شوال المکرمک اون دردنجی اثنین کونی اشرف
ساعتند اینا ایچون اساس حفزینه مبادرت و مسجد مرقومی هدم
و قلع ایدوب عرصه سی مساحه اولندقدہ تربیعاً بشیوز التمش اوج
ذراع طقوز پرمق امامنه و مؤذن ایله قیمنه مشروطه اولان اوج
باب خانه دن دخی ایکوز الی بش بحق ذراع که جمعاً سکز یوز
یکرمی سکز بحق ذراع طقوز پرمق حاصل اراضی اولغله چونکه
اول اراضی حوالی استانبولک غایت شریف و معتبر محلی و اصناف

صنائع و ارباب حرفتک قرب جواری اولدیقندن اوقات خمسده بلکه جمیع ازمنهده جمعیت مسلمین و جماعت مصلیدن خالی اولماز دیو جوامع سلاطین مثللو معبد عظیم انشا اولنق اراده سی نوعی طبع بلند همت شهنشاهیده جولان و بو مفهومی ملاحظه دن ناشی بنا امینی دخی توسیع اساس ایچون کثرت عملهایه خدمت ماموره- سنده پویان ایکن شهریار ستوده کار حضرتلری سرای دلارای عتیقه بنش بهانه سیله محل بنایی طاره نکاه تماشا وبعده خطر حال عزو اجلال انناسنده مکر گوشه باشنده بر اختیار ادم دوروب شهنشاه ملک جناب حضرتلرینه دعا ایلمش در عقب سرای عتیق معموره دن ساحدار اغا ادم کوندروب درویش افندی استه دیلر تعجیلا کیدوب سزی شوکتلو افندمن استیور دیدکلرنده اول وقته کلنجه حضور هایونه مثول اولدقلرندن بشقه بدیهی ظهورندن هجبا اصلی ندر دیو سوا ل ایدوب ساحدار اغا دخی پک هجتنی بلمم لیکن بو طرفه کلور ایکن گوشه نک باشند بر بیر مبارک ادم دورورایدی شوکتلو افندمن مقابله سینه کلدکده ال قالدیروب اغلیه رق افندم پادشاهم حق تعالی وجود هایوتی خطاسز ایلسون جامع شریف بناسینه همت ملوکانه لری معطوف بیورلمغله جمله اهالی محله فقرا قوللرخی مسرور و احیا بیوردیغکیز ایچون حق تعالی دخی شوکتلو افندمک مبارک قلبی معمور و احیا ایلسون دیو رفت انکیز دعا ایلمش ایدی غالبا بوندن اقتضا ایتمک کرک دیو خبر و یروب افندی دخی حضور فائض النور خسروانه به چهره سای اولدقده جامعی رسم ایدوب تیز کتور دیو امر هایون اولمغین همان اول کون مسارعت چاردیوار بر رسم ابتدیروب کتور مشلر ایدی لیکن پیرمرقومک متضرطانه دعا و نیازی پادشاه تقوی پناه حضرتلرینه کمال رتبه تاثیر ایدرب فی الاصل دخی جابگیر ضمیر منیر اولان جامع کیر ابنا

اولنه جفی منقہم ایدی بر قات دخی باعث شوق جمیلہ ومبادرتہ
 علت مستقلہ اولمغین درعقب مجسم ترسیم امر و فرمان اولنوب طبع
 هایون پسند مقرون اوزره یک قبه و دوننده ستون ثقاتی اولیوب
 طبقات و محفلاری و درون بیرون هیئت جامعہ سی الیوم نہ صورتہ
 ایسہ بر کبیر لوحہ اوزرنده بعینہ رسم جسمی صورتیاب و معروض
 رکاب مستطاب اولنوب اراثت و صورت هیئت مقبول شہریار
 عالیجناب اولمغلہ علی رسمہ بناسنہ قراردادہ اولنوب انجق رسمہ
 کورہ اراضی موجودہ مضیق اولدیغندن توسیعی ایچون منازل اشترا
 اولنق بہمہ حال لاید اولمغین عرضاً چوقہ جیلر خانہ و طولاً جبہ جیلر
 قوللوغنه و ارنجہ اول محل آطہ کبی بشقہ بر دائرہ و ظرفندہ بر قاق
 چقماز ذقاق و بعضاً او طہلر ایچی محلات اولوب وافر منازل و دکان
 و مخازن و بر قاق بویہ خانہ و بونلرین عر بری اوقاف متفرقہ دن اولمغلہ
 حرمین شریفین و شیخ الاسلام و صدراعظم و بوستانیان اوقافی مفتشی
 افندیلر و خاصہ معمار باشیسی اغا و معماران کاتبی و خلفای و اوقاف
 متولیلری محل بنادہ بالدفعات عقد مجلس و مطلوب اولنان املاک
 اصحابی دخی اول کونلردہ صوب مجلس معقودہ موجود اولوب
 مبیاعہ اولنہ جق املاک ابتدای امر دہ معرفت شرع و معمار اغا
 معرفتیلہ اصحابی مواجہہ سندہ مساحہ و کشف و تحریر دفتر و معروض
 رکاب هایون اولنوب مبیاعہ سی امر جہان مطاع بیورلد قد نصکرہ
 موقعنک شرف اعتبار بنہ کورہ ہر برینک عرصہ زراعہ بش غروشدن
 یدی غروشدہ دکن اکر عقار و یا کار کیر محزن ایسہ اون غروشدہ
 دکن وضع فیات قالدیکہ بناسی اخشابدن اولوب ایکی اوج قات
 و جدید تکلفی مصنع کار ایسہ بناسی زراعہ یدی غروشدن اون
 غروشدہ دکن اکر کار کیر خان و محزن ایسہ اون ایکی بچق غروشدہ
 دکن فیات وضع و موجبنجہ حساب اولنوب جملہ مواجہہ سندہ

اصحابه وریدلده بر موجب قبول ابتدی فہماوالانصافدن عدول
و اچہ سنی اخذ و قبضدن نکول ایدوب طمعاً رعوت و خشونت
ایدنلر بردرلو جبر و قہر اولئیوب چونکہ خیرات اولق حسیلہ
پادشاہ دریا نوال حضرت تریسنہ خیر دعا ایتسونلر مقصود ہایون دخی
مجرد استعجاب دادر دیو وجہ مناسبہ کورہ بدل رضا ضم اولنہرق
بر وفق دلخواہ اطباب و رضادادہ و فرح نشا اطبری زیادہ اولوب
متولیرندن جانب ہایونہ افراغ و رسوم فراغلی دخی اعطا ایتدہ
یریلدیکندن بشقہ اکثرینک استدعاری اوزرہ بنا انقاضی دخی
کندولرینہ دور تسلیم اولنغلہ سرور تام و حبور مالا کلام ایلہ جلوہ
فروش نشاط بہجت اولہرق مبارک باد دیوب کیسہ لری لبریز ممسک
التون ایلہ ہر بری کلدکری محلہ عودت دہ شتاب ایلشلدردہ منوال
محرر اوزرہ مبايعہ اولنان مسقفات ہدم و اراضی توسیع اولنوب
ایکی بیک بشیوز ارشونہ قریب جامع شریف و بیک اوچوز تمش
ذراع شادروان تمللری مباشرت تاریخندن دوت آی مدتندہ بیکدن
متجاوز و نجبر و اوچوزدن متجاوز لغمچی و ایکوز دیوارچی و النان
مسقفات ہدمی ایچون الیدن متجاوز نجار اجتماعیلہ حفر اساسدہ
اہتمام تام اولنور ایکن صفراخیر دخول ایتزدن مقدم جامعک عملی
تیناً وضع اولنلق ایچون وقازیلان میدان اراضی سنک محل وسطندہ
بوستان قیوسی کپی بر قولاغوز حفر و تمل وضع اولنلق ایچون
قعرزمینہ دکن قازیلوب امادہ اولدینی خبر ویریلدکدہ استخراج
و انتخاب اولنان شرف یمن ساعت کہ بیک یوز التمش ایکی سنہ سی ماہ
محرم الحرامک یکرمی طقوزنجی جمعہ ایرتسی کونیدر ساعتک عقربی
التی بحق و دقیقہ سی التیدہ ایکن وضع اساس فرمان اولنمشیدی
دارالسمادہ اغاسی کاتبی اولان درویش مسطقی افندی جملہ دن اول
بنای تشریف ایدوب اقتضا ایدن خصوصاً نظام ویردکنصکرہ

اول پیرایه بخش رتبهٔ صدارت عظمی فراری زاده عبدالله پاشا
 و شیخ الاسلام فضائل ارتسام اسعد افندی حضراتی و حرمین مفتشی
 نعمه الله افندی و حالا ایاصوفیه کبیر واعظی حضر زاده حسن افندی
 و سلطان احمد خان جامی واعظی امیر افندی و دارالسعاده اغاسی
 کتابتدن منفصل دیوان خواجگانندن حرمین رجالی اقتدیلر و معمار
 اغا و صرناظری و سائر باسره هم کلوب موجود و دخول وقت شرفدن
 اول محل اساسه نزول و عیار ساعتلر جمله مهیا بردست وقت شرفک
 دخولنه انتظار دقت اولنور ایکن چاریک ساعت قالدقده تعظیماً
 ابتدا شیخ الاسلام افندی و قانیاً شیخین محترمین حضراتی دست تضرعی
 باز و دعایه آغاز ایدوب دعوات خیری عرض اجانخانه یزدان و ماعداسی
 زمزمه آمینده یکزبان و عندالحاقه فاتحه خوان اولدقلرنده در عقب
 وضع اساس اولنوب صدراعظم حضرتلری سرور اظهار و بئراساسه
 برقاج قبضه التون نثار ایدوب بنا امینی علی اغا و معمار اغا و بنا
 قلفه سنه خلعت الباس ایله اکرام و شیخ افندیلره مخصوص صره انعام
 و عمله سائر ایچون دخی عطایای جمیله ایله جمله یی حصه مند مقام
 بر و نوال بیوردقلرندن صکره تشکراً قربانلری ذبح اولنوب مراسم
 اتمام و نهضت قیام ایله سرای آصفیه عطف زمام و هنگام جمعیت
 بروجه محرر رسیده ختام اولغین بعده کاکان طپراق حفرینه مسارعت
 اولنوب روزمره و یکریمی اوتوز قطار استران و قرق الی قطار حمار
 و بارکیران ایله چقان طپراق دریایه و جابجا فضلی پاشا سراینه و جنبی
 میدانه نقل و اخراج و یکریمی ایکی ارشون قهرزمینه نزول ایندکده
 صو جقوب صودن دخی اشاغی ایکی ارشون قازلدقده نصکره برقاج
 محل طولبه جی مقراصلری قوریلوب جسیم طوپاچ ذبرکلرندن اوچر
 بحق ارشون قازقلر قطع و دق اولنوب دق اولنان قازقلرین بینلری
 ایکی ارشون برمنی فاصله ایله برقاج بیک ارشون و سعیتی اولان

بتون میدان قالدیرم طاشی دیزیلور کی تیمورلی قازقئر قاقیلوب
ایکی قات کرج و برقات خالص خرسان ایله بیاض سنک ملوزدن
مملو ریختم بر قاج ارشون بالایه جقوب هموار اولدقده بنایه کمال
منانت و رصانت حاصل ارمق ایچون ایاقئر سچیلوب وایاقدن ایاغه
کمرلر دور اولوب ماننه صارنیچ صو خزینه لری صورتیاب ویر
یوزینه چقمغه درت ارشون قالدقده کوپرلیک اودطاشی فرشنه
شروع اولندیغی ائنده که بیک یوز التمش ایکی سنه سی ماه شعباننک
اولان اوچنچی کونی تاریخیله مورخدر دارالسعاده اغاسی کاتبی اولان
اولان درویش افندی لفظاً و معنأً و حقیقتاً درویش اولدیغی کی
بولندیغی خدمتکرده دخی الله فی الله صدق و استقامت و خلوصی درویش
ایدوب پاکی دامن عصمت ممدوح الفعال بر ذات فرخنده خصال
اولدیغنده حقدده لجّه عاطفت ملوکانه جوشان ورتبه والای محاسب
حرمین ایله قدری ترفیع و بلندالاقران اولوب طشرده خدمت
جلیله اظهاریه مهمسازایکن ذاتنده مرکوز اولان آثار رشود ذکّه
انقباه مشهود نظر دقیقه شناس پادشاه اولمغین دارالسعاده اغاسی
طرفندن حضور هایونه چاغریلوب عتبه شوکت و اجلاله وضع ناصیه
ابتهال شرفن ایلدکده شهریار قدردان حضرتلری رفع مهابت مجلس
ایتمک ایچون تلطف کریمانه ایله اظهار معامله استیناس بیوروب
کال تواضع ملوکانه لرندن درویش افندی نه اشلیورسن هان اونده
اوتوروب ذوقی ایدم یورسن دیو نوازش بنده نواز بیوردقئرلنده
زمین بوس برله شوکتلو مهابتلو اقدمک دوام ایام عمر شوکتلری
دعای خیرلرینک خدمتکرده یم حق تعالی وجود هایونلرینی خطاسز
ایدوب عامه بندکان و بوعبد حقیرلرندن ظل مرحمتلرینی زائل ایلیه
دیو اظهار عرض عبودیت ایلدکده بق یم بو ائنده جامع شریف
بناسی خدمتکرده اهم و ملتزم نظر هایونمده برایش یوقدر و سن

اوتهدن بر وسالک حسن طریق وحرکاتنده مظهر توفیق اولوب
 ناسه خیرخواهی وخدمتده مشکور المساعی اولدیغندن بوخصوصده
 دخی صداقت واستقامت وخلوصکاری بذل قدرت ایله خدمت
 ایدجکک معلوم ملوکانه من اولغله جامعک بناسی اوزرینه سنی تعین
 ایدوب مستقلاً ناظر ایلدم هرامور خصوصنه کال سعی اهتمام وزیاده
 همت بلیغ تام ایدوب بدایتندن نهایتده دکی بر آن اوزرندن دور
 ومهجور اولماق اوزره من کل الوجوه امورینک بوجه مرام تمشیت
 پذیر اولسی سندن مطلوب اولغله تعلیق کردن اهتمامک اولان اشبو
 خصوص مأمورده خیراً وکرك شرأ هر نه اولور ایسه سندن بیلورم
 کورهیم سنی نه کونه ارانت وحسن نظارت ایدوب بذل وجود
 ایدرسن زیرا بوماده سائر خصوصه قیاس دکل لوجه الله تعالی خیرات
 جلیله در عمله وفعله سینه حیف وغدر اولنمیوب احرتلرینک سیاق عام
 وسباق عالم اوزره تماماً ویریلسنه وحقوق اصناف علی ماجری العاده
 ادا اولنسنه کال دقت ورنجیده رمیده دن سایم الحال اولملرینه بذل
 قدرت ایدوب هرکسک ارضا اولسی وحقوق عبادکا یبغی اجرا
 وخدمت اعمالده اولان مسلم وکرك کفره برالای ضعفادن اولغله
 اشرنده مسارعت بهانه سیله تحجیر وتکذیر ایتدرمیوب ملائمت ورافت
 ملوکانه من اوزره حرکت وجهه سندن ذات مرحمت اتصافه خیرده
 الدیرمغه سعی وفرت ایلیه سن ان شاء الله تعالی سن دخی خیر دعا
 مظهر اولدیغندن غیری کل نفس یحزی بما سلفته مدلولجه بر مقتضای
 حسب حال هر نه ابتسهک انجاننده اکا کوره بحسازات اوله جفک
 امر مقرر در دیو کال امرا کید وتوصیه شدید بیوردقندن صکره
 جانب آصفیدن دخی امرهایونی متضمن فرمان وامر لسان واجب
 الاذعان ایچمن بالطه جیلر کتخداسی قوشیلوب صدراعظم حضر تلرینه
 ارسال وبروجه محرر معلوم مشیریلری اولدقده وزیراصف نظیر

دخی امر و توصیه نك تكرارى خلالنده نظارتى مؤيد دوش ابتهاجه
صوف فراجيه الباسيله اكرام و خدمت مأموره لرينه كابينى قيام
ايشلردر حق كلام و محصل مرام بودر كه ائندى مومى اليه حضر تلىرى
بر داشته دوش و ديعى اولان اينده نطق غيرتى ميان هم تلىرينه
شد بند و وجه توجهلرينه ابواب حضور و راحتى سد و فتحه مأمور
يتلرندن خاتمه ميمنت لايحه سنه دكين بازوى هم تلىرينه فتور كتور ميوب
بر مقتضاي امر هابون حر كت و سر موتهاون و تقصيرات اولتسزين
روزمره عقيب صلوة الصبح جمله دن مقدم بنايه كلوب و اخشام عمله
پازوس اولدق دن صكه جمله دن مؤخر خانه لرينه كتديكى و معاذ الله
تعالى بالدفعات احراق و وقوعنده ايكشر اوچر كشى بناده قالبوب
تابصباح شب زنده دار كمال تحفظ اوزره تاب آور اولدينى حتى
بر قاچ دفعه خانه لرينك جار ملاصقنده حريق عظيم اولوب - لامتدن
نا اميد اولندينى كندولرينه خبر و يريلشيكين خير و شره من طرف الله
البارى اعتقادينه تشبث ايله مسلك درويش سيده ثبات و هر حالده
اجراى صداقت و مخالفت ايدوب بنادن بر خطوه حر كت ايلدكلورى
جمله نى انكشت بردهان هجب و حيرت ايلدى بو وجهله على الدوام
اقامت خصوصاً ايام شتاده شدتنده و هنگام سورت سر ماده كونده بر
قاچ دفعه بلكه هر ساعت اللرنده عصادائر و سائر اولوب بنانك
زير و بالاسنه صعود و نزول ايدمرك اداره مشيت و اركان اربعه نك
هر جانبده بر قاچ محله اولان اياق و ميزكاه اوسته لرينك يانلرينه
واروب تشويق اعمال مهارت و تحريص سعى مسارعت ايجون
اوسته لرى رؤسانه و نفراته و كار كنذار طاشجى افرادينه بر ايكي
كون ظرفنده موازين قابليت و استعدادلرينه كوره اوچر بشر ايكشمر
التون عطيه ايله ذوقانه ملايمت و لطفانه استمال ايدمرك حصه مند و ايه
دار عاطفت اولدق لرنده عن صميم القلب شهر يار سنوده كار حضر تلىرينه

خیردعا الدیردینی جمله نك مشهودی وحالا عمله نك زبان زد حال
 وقاللریدر از جمله صریق حالانی هر بری حمل ثقیل اولان کبیر
 وعریض مرمرپهلوو مرمرستون وطبان اجمارین طبقات منزله
 اصعاد ایچون هر بر عددینه اون سسکز یکریمی دوت اوتوز ایکی
 دخی زیاده جمال نفراتی قوشیلوب اقتضاسنه کوره صعود و نزول
 ایتدیرلر ایکن آعب ومشقتلرینی مشاهده ایلدکجه نسیان محن ایچون
 اکثر ایامده جمال باشیلرینه بشقه ونفراتنه بشقه دست کرم پیوسته
 لرندن حصه داروایه کرم اولنلر اجمارین تحمیلی ایچون مسارعته
 بری برلرینی مسابقت ایدرلر ایدی کذلک طاشسجی کارخانه جیلرینه
 وحصکیان ومعتمدان وخریبه جیان وسائرینه اشلرند سربع الحریکه
 اولوب مسارعت صورتند مجدساعی اولنلره وبرخصوصه تعیین
 اولنوب آتام مرام ایله کلنلره بقدر استحقاقهم عطیه وافر ایله
 چوق کسمه دن جلب دعا وانلر دخی تنک دستدن رها بولوب حق
 بودرکه حسن روی لسان واکثار عطیه احسان ایله اطلبوالخیر
 عندحسان الوجوه کلام معجز بیاننک ماصدقی اولوب صغیر وکبری
 کرم عطایاسنه دلداده وجمله سی خدمت اظهارنده افتاده اولمغله روز
 وشبان بلیکه هر آن جناب شهریار کامکار حضرترلرینه دعوات خیر
 ایلک مجموعه ووردزبان ایدی حتی حصکیان ومعتمدان وخریبه جیلردن
 بری تشدید وتهید قصدبله عمله دن برینه خلاف مرضیه ضررب
 وشتم ایدوب تشکی ایلدکلرند مضررب وآزرد اولنلری برطریقله
 مطیب ایلدکدن صکره ضرب وشم ایدنلری کتوردوب مواجه لرند
 مجازات بالفعل اولندیغدن غیری فیابعد بر دخی ایلهمک اوزره منع
 وزجر اولنورلر ایدی وبرینک حسبالبشریه فعل قبیح وملفت
 صریحی ظاهر اولوب ینه ایچلرندن مدعی اولدقلرند مسلمان ایسه
 تعیین اولنان اورته یازیجیسی معرفتیه ذمی ایسه کندی رئیسلی

معرفتیله حسن مدافعه اکر بالضروره تأدیب و تهدید لازم کلسه
دخی ینه آخر خصوصاً طیب خاطر اوله جق وجهله معامله
بالجامله اولوب خلاصهً ما حصل سکر سنه نك ظرفده درت بیکن
متجاوز عمله و فعله خدمه و فرقه اصناف و زمره حرفت و کرك
ضابطانندن فردواحد بر طریقله دلکیروبر وجهله تفجیر اولتیوب
هر بری کندو موازین قابلیت و استعدادلری اوزده جمله سی عاطفت
و مروتلرندن حصه مندوایه دار اولوب رسیده ختامه دکن هر
خصوصده رأی رزین عاقلانه و تدبیر معتدلانه و بخش کرم عطایای
جمله ایله مجموعی مشکور و خشنود و هر نه قدر خصال حمیده وار
ایسه کیننده موجود اولمغین نام حاتمى که نام وجود سخا ایله جلب
قلوب خواص و عام ایلدیکیندن اول وقتدن بروپادشاه فتوت پناه
حضرتلرینه شبانروز دهای خیر ایلتک کندولرینه وجوب مرتبه سنده
اولدینغی الآن متفکر و اعتراف ایدوب دوام ایام عمر و دولت پادشاهی
دعوتنده وقف زبان حال و قال ایلدکلری و ارسته اشکار و دیوندن
صکره کل لیم مانحن فیه اولان جامعک بنا تعریف و توصیفنه تم
ریختمندن ربوزینه چقمغه درت ارشون قلوب کوپرلیک اودطاشی
فرشنه شروع اولدینغی بوندن اقدام بالاده شرح و تصریح اولنمشیدی
احجار مرقوم فرش اولنه رق روی زمینه مساری اولدقده جامعک
جوانب اربعه دیوارلری طرح اولوب سجده زمینی نه مقدار مرتفع
اولسون دیوبعدالاستیذان استشاره اولتق فرمان اولنقله دارالسعاده
اغاسی سابق کاتبی و اول انشاده روز نامهجه اول علی افندی و امدهجی
قرنداشی اولان شهر امینی یوسف افندی حضرتلری و حرمین
مفتشی نعمة الله افندی و خاصه معماری باشیسی و صوناظری عقد
انجمن استشاره و بعدالانذاره سلطان احمدخان جامی انتخاب اولوب
اکا مقایسه اولنقله حولیسی زمینندن اوچ ارشون ارتفاع ایله و داترا

مادار صوم هر مردن اعمال اولنه زق اوتوز عدد اكدن چقمه
مصیقل طوبلی تیمور پنجره لری وضع وسجده زمیندن یای لمرلرینک
اوزنکی طباننه چقنجه قداً اون بش ارشون صوم هرمر وزنکی
طبانندن جامع قبه سنه وارنجه قداً یکرمی سکزی بچق ارشون کوفه که
طاشدن اولوب و قبه نك اشاغیلری عرضاً بر بچق کتدکجه بالایه
قریب بر ارشون الی پرمق قالیکفیدر وینه قبه نك زمین دوری
یوز بچق ارشون اولمغله حاصلی نماز قلنان زمیندن قاقبه عالمه وارنجه
وجه محرر اوزره اون بش ارشون صوم هرمر ویکرمی سکزی بچق
ارشون کوفکی و اون بر آرشون قبه طفل که من حیث المجموع
اللی درت بچق زراع جامعک قدی اقتضا ایدر و قبه نك بیوکلکی
جابجا مذا کره اولندکجه ارباب فنون و اهل وقوفک خبر ویردکری
جوابه کوره نفس آستان دولت اشیانده جمله بیوک قبه ابتدا ایاصوفیه
کبیر ایکنجی سلیمانیه جامعی اوچنجی ابوالفتح دردنجی اشبو نور عثمانی
جامع شریفنک قبه سی اولوب ماعداً اولان جوامع سلاطین جمله
بونلرین مادونی اولدینی متفق علیهدر . کله لیم جامع شریف نوطرز
لطیفک درونی مساحه سنه ایکی طرفک دیوار قالکلینی و طرفینک
چقمه طبقه لریله عرضاً جام چارشی قرق سکزی بچق زراع سکزی
پرمق اولوب وینه طرفینک دیوار قالکلینی ایله طولا قرق سکزی
ارشون اولمغله مجموعی جامعک درونی تربیی ایکی بیک اوچوز
قرق الی ارشون ایدر قالدیکی شادروانی صفه لریله معه دیوار طولا
اوتوز ایکی بچق ارشون اوچ پرمق وینه طرفینک دیوار لکلکلی لریله
عرضاً قرق ایکی ارشون اولوب بو حساب اوزره تربیی بیک اوچوز
یتمش ارشون الی پرمق ایدر انجق کوشه لری مدور اولمغله تربیعندن
بر مقدار نقصان اولور صفه لرینه دیکیلان سرجه کوزی تعبیر اولور
هرمر ستون اون ایکی عدد اولوب هر برینک اوزنلینی یدیشر ارشون

وچام چارشی قالکلیتی یکر می ایکیشر بر مقدر و جله سی یک جوهر
اولوب بر غمه نام محلدن کلمشدر اگر چه ستون مذکورک تفصیل
احوالی اطنابه تطویه مؤدی اوله جفی بدیدر لیکن بعده زمان
اقتضا ایلدکده کیفیتی معلوم اولوب کل امرلین فی قرطاس ضاع
مضمونی رونما اولوق ایچون رهوار قلم ابله افهامه حسارت و تحریردن
مجانبت اولنمادی جامع مرقوم هنوز صورت پذیر اولمازدن مقدم
صفه لرینه دیکله جک مرمر ستونلری آیانه محلدن تدارک ایدر
دیو جله سی غوطه خور کرداب افکار و حین اقتضاده نه وجهله تحصیل
و حضار اولتیق اندیشه سی اصحاب مأمورک درونلرنده فی نفس
الامرفیکر عظیم و اندوه جسم اولوب حتی مشهور انام اولان استاد
کاردان مرحوم معمار سنان تاریخنده یازیلدیغنه کوره سلیمانیه جامعی
بناسنده مرمر ستونلرنیک تدارکنده ازید پر مشقت صعوبت
چکیلوب انجام کار بر قاجانی محروسه مصر اسکندریه سندن و معاداسنک
هر برینی بر دیار و بر محل بعیده دن تحصیل و نقلی میسر اولمش
بوستونلر دخی بر غمه قصبه سنده صاغ و سالم و بر خرابه کلیسا دیوارنده
متروکا قائم و کسنه نک ضبطنده اولمادیغنه و یوده سی عالم اولوب
پر مقتضای بخت هایون جمله سی مرمر و سرچه کوزی یک جوهر
اولدینی خبر و یریلدکده تکرار تصحیح ایچون ادم کوندریلوب
کلدکن صکره مخصوص جامع هایون قالفه کندریلوب ستونلرین
برینی اخراج و تصنیف ایلدیکی تیمور تکرر لکلو و تیمور بندلو و قوشاقامه لو
قزاق اوزرینه آلوب اوتوز بش چفت جاموس مانده لرله تلال
و جبالدن بش بحق ساعت مسافه اولان ساحل بحره بر طریق ابله
نزول و تسیر لیکن ساحل بحر اولان محل شن و عماره اولمادیغندن
کلان ستونلری سفاینه تحمیل ایچون متین و واسع اسکله و ترسانه
و واسع اسکله و ترسانه عامر ده اولدینی کبی بردار اغاجی انشا اولتیق

مقتضی اولدیغنی مسفور قلفه کلدکده تقرر و کیفیتنی تفهیم و انہا
ایتمکله اقتضا ایدن کراسته نك بولنائی استانه دن و بولنمائی ایجاب
ایدن بهاسیله اولطرفک داغلرندن قطع و احضار و لازمکلان مهمات
و عمله سنی بو طرفدن ارسال اولوب مذکور اسکله متین و مستحکم
داراغاچی انشا اولنوب طریق مذکور میشه زار و ستونلرین تسیرینه
صعبکار اولدیغندن تسهیل تطهیری مقتضی اولغین برغمه دن مشیت
اسب سوارایله بش بحق ساعتک مسافه بعیده اولان طریق خارخانک
احجاردن تمديه ایچون قطع اشجار و صویتاغی و چامور و انہار اوزرینه
جسر احداث اولنغله بر وجه مشروح تسهیل طریق اولدیغی اخبار
اولندقدن صکره تحمیل و استانه یه نقللر ایچون کیمی ترسانه دن قلیون
تعین اولنق کیمی اوج دیرکلی سفاین استیجار و هر بری مقتضای
عقلینی اختیار و انجام کار برینه قرار ویریلوب زیرا قلیون تعین
اولندی حالد اقلی ایکی اوج قلیونه محتاج و میریه مصرکران اوج
دیرکلی سفاین اولق لازم کلسه انحق ایکیشر ستونی متحمل و درون
سفینه یه دخی ستونلر یطاغی ایچون مخصوص صندوقلر چاطیلوب
بو مصرفدن بشقه نول اجرتی سکزر کیسه اچیه مطلوبلری اولمشیکن
نهایت بش کیسه اچیه راضی اولملریله اقتضا ایدن مصرفدن ماعدا
اون ایکی ستون ایچون اتی قطعه سفاین اوتوز کیسه اچیه استیجار
اولنق لازم کلور ایدی هنوز اولمقدار سفینه ایسه استانه لنگرانداز
موجود لیان اولیوب بوصورته اندیشه سی هر برینک دروننده
جایکیرونه قابله افراغ اولنه جنی لسانده تذکیر و بر فردک ذهنه
لایح و خاطرینه خطور اتمدیکه دل قایقلری هروجه له اهن و اسهل
اولدیغی درویش افندی کال فهم کیاست و غلبه فطانتلرندن استدراک
و استیخراج ایلدکرنده نفس الامری ملاحظه ایدنلرک جمله سی
افندی مومی الیهک قریحه پرمیحه لرندن تعقل و تذهن ایلدکری

دل قایلری هر حالده سرمند و خفیف حرکت اولدیغنه قفط و درك
تداركنه تحسین و سهولتنه تیقن ایتملریله ماهو الحق دخی تخمین اولان
برر ستوندن اون ایکی قایغه ویریله جك ادنانول اجرتی و كركه مصرفی
یالکیز برقلون دكل اوج دركلی سفینهك دخی برینه معادل و برنك
مصرفنه مقابیل اولماقوله افندی موچی الیه هر خصوصده مطلقا بومادهده
تفكر و رزانت رأی تدبیرلری حسن بی نظیر هم موافق تقدیر
اولوب بی تعب و تكلفه ختام پذیر اولدینی بدیهیدن قفل اولنه حق
ستونلری هر بری نیجه یوز قنطاردن متجاوز اولوب بومقوله خدمت
جرائلك عهد سندن كلك ترسانه عامره رئیسارینك مأموریتنه
منوط اولمغین استدعا اولندقدن ایچلرندن تفن نامی و مهارت کامله سی
اولان محمد رئیس انتخاب و با فرمان عالی تعیین اولنوب اقضا ایدن
آلات متنوعه و جفته دلی طوج مقره و سایر مهماتی لازؤئی کوروب
قالدیکی بو بهانه الیه اولطرفده رعایا و برایا و كرك اهل بلددن
فردواحد رنجیده و طوتیلان رنجبران و قوشیلان حیوانات ایچون
آینده ورونده به تعجیز ورمیده اولنموب بلکه احتمال و صیانت
و مدت اقامته ویریله جك احارات و لازم کلان مهمات باخصوص
مصارف ماکولات من کل الوجوه بنا طرفندن رؤیت و استجابنه رد
حقوقیت و رضای هایون اوزره اجرای مراسم عدالت ایچون درویش
افندی طرف شریفلرندن احمد اغا نام بر سلالی اغا و یانته امور دیده
بش الی نقر چوقدار تعیین و بری برلرینه نظارت و مظاهرت ایدرك
امور مرقومهك تمشیت ختامه سعی بلیغ دقت اولنوب میانهده
منافرت و خلاف مرضیه حرکت ایلملریچون تنبیه مؤکد و حتی
مخلنده کمنه یه بار محنت و بولتماز ایسه ضرورت چکلمهك ایچون
بريدك روغن اساده و بر قزوی ارض مصری و بوکا قیاس اجناس
ذخاثری اتمام و اثنای طریقده استراحت و درونده بیتوت ایچون

متعدد چارکے وخیام و بریلکھ و الحاصل جملہ مایحتاج الیہ اولدقلری مالزمہ بی بی قصور تکمیلدن صکرہ مجموعی دل قایقارینہ سوار و متوکلاً علی الستار بادبان کشای عزیمت ایتدیرلمشدر بمنہ تعالی لدی الوصول شرفریز صدور ایدن امر عالیشان منظوقتجه بر غمہ و بوده سی الحاج محمد اغا مباشرتی و بو طرفدن تعین اولنان احمد اغامعرفتی و جو قداران مر قومان مأموریتلریله رنجبران استیجار و جاموس مانده لری تہی احضار و مقدا مامادہ اولنان تیمور تکرلک و تیمور بندہ و قوساقلہ لو قزاقلر اوزرینہ ستونلری تحمیل ایتدیریلوب بش التیوز نفر دن متجاوز قزاق کسان عربہ جیان و عملہ الیہ رنجبران جمیتی و جملہ مأموران مباشرتیلہ ساعت بساعت تسیر تائی و صوت های ہوی مسرہ الیہ بش بحق ساعتک مسافہ با عون عنایت باری و بمن ہم حضرت جہانداری ستونلری سالماً نزول و تسیری میسر اولدقده ہر عددی بر قایقہ وضع و تحمیل و بعد التکمیل طوتیلان عملہ و رنجبران و قوشلان دواب حیواناتک اجرت یومیہ و شمن معروفہ لری و سائر اقتضا ایدن انعام بخشیشلری بر موجب امر و توصیه ادا و تسلیم و مجموعی بروجہ استحلال ارضا اولنوب اہل بلدہ حمد و تشکر ایدہ رک و وطنلریہ عودت و بو طرفدن کدنلر اتمام مأموریت الیہ آستانہ رجعت سفاین دخی مساعد ایام ہوا الیہ بادبان کشای عزیمت ایدوب مفارقتلرینک دردنجی بشنجی کونی بر برینی متعاقباً مصحوباً بالسلامہ یالی کوشکی اوکینہ لیکر انداز وصلت میسر اولدیغینی تبشیر ایلدکلرنده در عقب درویش افندی و ترسانہ آمرہ دن لیمان رئیس و کتخدا پاشا و ترسانہ رئیس لری میری اسارا الیہ یالی کوشکنہ کلوب پادشاہ داور لطف پرداز بندہ نواز حضر تاری یالی قصر عالیارندہ ایکن نظر مرحمت مائرلرندن ستونلری فن یسیر الیہ اخراج ایلدکلرنده شہر یار کارکاہ و کرامت دستگاہ حضر تلری کال فرح و نشاطلرندن کلان ترسانہ رئیس لریہ ید مؤیدلریلہ جیب

هایونلرندن عطیه وافرہ احسانیلہ جملہ سی حصہ مند وایہ دار عاقلت
 بیوردیلرستون مذکورین حدیقہ حاسہ یہ نقل و بر قایچ کون مرورندن
 صکرہ ترسانہ دن مخصوص قزاقار کوتورولوب یئہ کالاول ترسانہ
 طاقی و استانه تک مال باشیسی واسکک کتخدانری بالجلہ حالان
 نفراتیلہ ستونلری حدیقہ حصہ دن اخذ و طریق جادددن هر بریخی
 برر کونده جامع هایون بناسنه نقل و ختام خدمته دکن و مقدم
 و مؤخر جملہ موجود اولانلره و اوتہ دن کلنلره و سفاین رؤسانه
 و طاقه سنه نول سفینه لری و هر کسک اجارات یومیہ لری بلا قصور
 ویرلدیکندن بشقہ هر بریسنه و راده فراده علی حد مراتبهم انعامات
 و اراملری یدلرینه تسلیم و مجموعی مأموللرندن صد افزون مکرم
 اولوب بوندن ماعدایرغمه و یوده سی الحاج محمد اغا ستونلرین نقلی
 خدمتندہ او قدرجه بولنق حسیبلہ عواطف علیہ ملوکانه دن رتبہ
 والای سر بوابین درگاه معلا یہ پانہاده اوندیقندن بشقہ اوتہ دن برو
 سنین موفوره دین دولت علیہ خدمتندہ امکدار و مظهر عنایت اولمغه
 سزاور ایکن هزار انضمام همت ابلہ قیوجی باشی اولنلرین مجموعی
 یومیہ لری کندیولری محمولدن تدارک و نائل نال پاره اولہ کلدکلری
 مشهود عالمیاندر مومی الیه ایسه کمال رافت ملوکانه و غلبہ مزید عنایت
 خسروانده دن یومی یوز الی آچقہ قیوجی باشلیق وظیفه سی با خط
 هایون توجیه و عنایت بیوریلوب مدت مدیده دن برو حسرتیاب
 اولدینی رتبہ عالی یہ ادنا جهاندا یلہ نائل مرام و بجانا چراغ تام و مسئولیہ
 شادکام اولوب متمتع شوق شادی و معتنم نعم بر مرادی اولمشدر
 حتی رؤس هایونی دارالسعاده اغاسی طرفندن کتورن تبردارہ
 درویش افندی کندی کیسه سندن ابکیوز الی غروش اگرام ایدوب
 بوندن صکرہ یئہ مومی الیه الحاج محمد اغانی مجرد صیانہ و حمایہ
 قیو طرفندن یاخود اغا طرفندن ادم کیدوب ایچقہ دن چیقارمسون

دیو رؤس هایونی جامع شریفک بنا کابی اولوب اشبو جریده نك
 محرری اولان احمد افندی قوللریله کندینه کوندرد کلرندن ساده جه
 یالکز بر تشکر نامه سیله مرقومی افندی حضرتلرینه عودت واون
 اوچ کون ظرفنده کیدوب کلوب کماکان خدمت کتایقنده ایلمشدر
 کذالك ستونلر تقابله چون ترسانه دن مأمور اولان محمد رئیس دخی
 هر وجهله ریاسته لایق و طریقنده امتیاز اولماق شایان مستحق اولغین
 لیان رئیسده کی غایت واحسان بیوریلوب اول دخی طریقنده بهره یاب
 اولغله ایوم دعای عمر و دولت جهاندریه مواظبت ایله رفعتنده
 قیام وبالادن برو شرح و تصریح اولنان مواد ستونک ماجرای احوالی
 بو محمله اختتام و تقصیلی بروحه مرام منتهی کلام اولغین بوندن اقدام
 جامع شریف وصفی سازدوان حولیسی تعریفنه کلدکده ضبط عنان
 خامه اولنوب ینه شروع اولوق اوزره رهن تأخیر اولنمشدی
 تمهسندن اولان منارتین قبوسنک التاشیکینده تا کلام عالمه وارنجبه
 اوزون یعنی تمام یتش بش بحق زراع اولوب دور جسمی اوچ بحق
 زراع الی پارقدر تشریف هایون وقوعنده اشاغی حولی قبوسندن
 فوقانی بنک طاشنه وارنجبه اولان طریقک طولی ۳۵ آرشون عرضی
 اون بش آرشون اولوب وینه بنک طاشندن محفل هایونه کیریله جک قویه
 وارنجبه طولی اونوزار شون و عرضی سکزارشون که جمعاً تربیی ایکیوز
 قرق زراع ایدر و بو محمله عرضاً یدی ارشون و طولاً اون ارشون
 مصنع کار و مطبوع حسن الانظار بر باب ابدست او طه هایونی
 اولوب و او طه قبوسی قرینده عرضاً طقوز و طولاً اون بش
 ارشون بر صفة و بر صفة اتصالنده دارالسعاده اغالرینه مخصوص بر
 او طه و رکاب اغالرینک طولانی قوغوشی وینه بر او طه و بشقه ایکی
 ممشی و بود اثره هایونک تختنده علوفه سرکیسی ایچون متولی او طه سی
 و بشقه خدمه او طه سی و میدان کنیف و الحاصل جامع شریف

والامنیفك مساحه سی و هیئت جاموسی بوحله کلنجه منوال مشروح
اوزره اولوب قالدیکه صرف اولسان مهمات مخصوصه و کیفیت
معموله ایله وجه رابطه وطریق استحکامی بروجه اختصار بویه درکه
جامعک موضع اساس تابالای قبیله وارنجه طقوز محله بنایی قوشاقلمه
ایچون چتمله تیمور جوهر طاهر دایراً مادر وضع اولمغله بند وربط
اولمشدر ابتدا تملدن یوقارو وایاقلر سچیلوب وکرلری دور اولنان
صو خزینه لرینک اوزر لرینه برباشندن برباشنه باغلمه ایچون ایکنجی
اوتوز اوچ عدد طویلی تیمور پنجره لرینک کرلری اوزر لرینه اوچنجی
مخلفار و طبقانده واقع هر مر دیرکلرینک اوزر لرینه و کرک بری برندن
باغلمه لرینه دردنجی کیریای کرلرینک اوزنکی طبائنه بشنجی قالقانده
واقع جام طبائلی اوزرینه التنجی جام پنجره لرینک اوست کرلرینه
یدنجی قبه نك اوزنکی دورینه سکرنجی قبه ده اولان دیوار جام لرینک
اوست کرلرینه طقوزنجی قبه دور اولمقدقه قوشاقلمه ایچون
طوغله نك میان دورینه بوذ کر اولنان طقوز مواضعه مذکور
جیوه طه چتمله سی بنانک بر اوجندن بر اوجونه وارنجه دایراً
مادر قوشاقلنوب بتون بنا کویا جسم واحد منزله سندره وربط
استحکام اولمشدر وقونیلان جوهر طه نك هر برینک اوزونلیغی محله
کوره دت ارشوندن اون دت ارشونه دکن اوزون اولوب جسماً
قالکلیفی بالیق صیرطی تعیین اولمغله طولیه قیاس هیئت جسمی دخی
اهله معلومدر بونلر بر کردن بر کره یاخود بر ستوندن برستونه
مربوط اولوب وونک اکثری وزیاده جسم اولانی درون دیوار
وجوف بناده مستور اولمغله انحق بعضیلری ظاهرده اولغین اراات
اولاندن دخی قصور لرینک طولاً و کرک جسمی معلوم اولور و بنایی
کرکی کبی بند وربط ایدن مجرد جوهر طه ایله تیمور کناد وظومه در
مذکور جوهر طه لر بروجه تعریف کردن کره و کوشه دن کوشه یه

وضع اولند قجه قانجه اکرسی کی اولان باشلری بری برندن
تفریق اولیوب وبری برنی صالیور ملک ایچون جوهره باشلرینک
جمع اولدینی محللرده سمید تعبیر اولنور بیوک وجسم تیمور خلقه
قونیلوب جوهره درون خلقهده مربوط و مستحکم اولق ایچون
هر بر سمیده بروجه تخمین قرقدن یتیش سسکان و قبهیه دکی
قورشون اساغه اولنوب و تللر ریختیم اولنورق یر یوزینه چقمغه
درت ارشون قاله کوپر یلیک اودطاشی فرشته شروع اولنوب ذروه
بالایه جقدینی مقدا تحریر اولنمشیدی محل مر قومدن طاش فرش
اوله رق یر یوزینه چقوب دائراً مادر ایکی ارشون قالکلینی اولان
دیوارلر و بونجه دور اولنان کمرلر مرمر اولسون کمرک کوفه کی
کرک اودطاشی تاقبهیه صعود ایدنجه قونیلان احجار متنوعه نک هر
بر قطعه سنه اقتضاسنه کوره هر بر طاشه اوچ بعضی سنه درت بعضی
طاشه بش حاصلی اوجدن اساغی قودقلری یوقدر تیمور کنار وضع
اولنوب طاش طاشه ربط اولنور و هر بر کنادین وزنی بش التی
وقیه دن بر یچق اوقیه دکی اولوب بونک دخی استحکامی ایچون
هر بر کناده اون ایکی اوقه دن درت و قبهیه دکی قورشون دو کیلور
بوندن بشقه ظومنه تعبیر اولنور قانجه بر چوی تیموری وارد بر
عددی بروقیه دخی اکسک دخی زیاده جه اولور بودخی مجموعی
احجارین یاصیلیقنه خصوصاً جمله کرلرین هر بر دویر طاشنه بر قاج
محللدن قونیلوب استیفا مرتبه دلکنه قورشون اقدیلور اگرچه
بو کیفیت توصیف جامع شریفک بناسی حقنده تصریح و بیان اولنوب
لیکن یالکیز بوکا مخصوص و انجق جامع بناسنه مختص اولیوب
عمارت و مدرسه و کتبخانه و خدمه وقف اوطه لری و سیلخانه
و چشمه و غیره مجموعی بو تقویت احکامنه داخل اولغله انجق جامع
شریف ابنیه عظیمه و امور جسمیه اولغین افهام ایچون بوندن بحث

اولنوب بیان واجمالاً شرح عیان اولمشدر پادشاه کریم الوجود
مغفورله سلطان محمود خان حضرتلری اکثر قیش کونلرنده بنایی
ارائت قصیدله جامع شریف عمرندن سرای معمورهیه حط رحال
عز واجلال بیوردجه کاه بکاه شادروان قیوسندن کیروب جامع
شریفک درون بیرون وزیر بالاسنه اطاره نکاه تماشا بیوردقدن
صکرمه صریقچیلر جانبدن اولان حولی قیوسندن چقوب صوب
والای ملوکانلرینه عطف عنان برمیمنت بیوررلر ایدی جامع شریف
بناسی تخمیناً قندیل طبقه سی منزله صعود ایتدکده برکون مخصوص
کیدوب بناده اکنورم دیواراده علیه هایونلری اولمغین مبیاعه اولان
منازلدن محمود پاشانک جورچیلر قیوسنه کیده جک طریق عام اوزرنده
واقع بنایه ناظر بر خانه تخصیص و تعمیر اولنوب نظام ویرلدکن
صکرمه بیک یوز التمش سنه سی ماه کونی تاریختده دائره هایونک
بر معناد قدیم بنش طاقی ایله باشوکت واجلال وقت ضعی ده تشریف
ووقت عصره دین تأخیر و توقیف و نظارت علیه کیا اثرلرله جمله به
مسرت بخش ایلدکن صکرمه حرکت بر کتارنده عنایت ملوکانلرندن
درویش افندی حضرتلرینه مخصوص اختراعلری اولان زرمسکوک
کیردن یکریمی عدد التون و بنا امینی علی اغایه دخی بش عدد التون
عنایت و احسان و عمله ابنیه و خدمه سائر ایچون دخی بش بیک
غروش عطیه فراوان احسان هایون بیورلمغله خدمت بناده اولملرین
مجموعه سرکی دوشنوب بر موجب دفتر علی حدهم توزیع و اقسام
اولندقدمه دعوات خبری پیوسته کنکره اسمان ایلدیلر یوم مرقومک
فرداسی صد اعظم مشیر افخم دیواتدار محمد پاشا حضرتلری دخی
کذلک بنش طاقیه تشریف ایدوب خانه مذکورک طرف آخرنده
بین الصلاینه دکن قعود و زول و حین حرکت قفوله کرم اصفانه
لرندن اوچ بیک غروش احسان خدیویلری اولمغله مبالغ مزبور

دخی بر موجب اسلوب عادی سرکی اولوب باسره هم توزیع اولندقدمه
 جمله سی شادی و حصه مندرکرم وافی اولوب مظهر مقام بر و نوال
 اولدیلر پادشاه خجسته خصال حضرتلری تشریف بیوردقلری یوم
 مزبورده بنا اولنه جق عمارت عامره و مدرسه لطیفک رأی رزین
 اصابت آرازی اوزره محللاری تصحیح و انشاسنی امر و فرمان
 بیورملریله سوق ماکیانک طریق عام حداسیله مصمم مدرسه نک
 ا کسه دیوارندن ینه طریق جاده یه واندن حالا موجود جبه جیلر
 قوللوغنه قرشو جامعک حولی قپوسنه کلنجه بر ایکی محله و ظرفده
 واقع بیوت و طریق عام اوزرنده طرفین بالمله دکاکین و خراسنجی
 کارخانه سی و ارازل اسافل علو کیر بر بکارلر خانی و ینه نکبات
 اشخاص آتش زبان ایله مشحون قبله لی زاده خانی اسلوب سابق
 اوزره کشف و مساحه و معرفت شرعیه فیأت معروفه اوزره کاکان
 اصحابنک حسن رضا و طیب خاطرلریله مباحیه و هدم اولنوب اراضی
 عمارت و مدرسه انشا اولندقدمه الی ماشا الله تعالی دوام بقاسیله بونجه
 خدمه وقف فقراسی و طلبه علوم دعاجی سی عمارت ما کلخانه سنده
 و مسکنلرنده سفره سباط انعام صاحب الخیرات شوکتلو کرامتلو
 شهنشاه معظم افندمر حضرتلرینک نعم مبدوله و ققیه لرندن روزمره
 تقدی موآئدایدکجه نه مرتبه مظهر خیر جزیل دارین اولور ایسه
 مذکور بکارلر خانی و قبله لی زاده خانی آلینوب دروننده هر تراکم
 زخام اقامه ایدن نکبات و اشخاص بر نهاددن تطهیر و تخلیه اولندیغی
 بلکه رأسا بشقه بر اوقاف عظیم احداث و احیا اوللق مرتبه سنده
 مساوات خیر اولدیغی اظهر من الشمس در زیر بکارلر خاننده اشخاص
 مختلفه و قبله لی زاده خاننده اسپرچی نامنده بر الای سفهاء بد نهاد
 اولوب اسارا کتورمک بهانه سیله کیجه و کوندزلرده او طه لرنده
 و بیکه لرنده فحش قبیحیات مستزاد و یو آقیوما نأثره شقاوتلری اشتداد

بولوب اطراف حوالیسنده مسازناله وآه ایدن اهل عرض موحدین ضابطانی ایفاظ ایلدکجه اکثری اسیرجی اولدقلرندن اوطه لریمزده اولان غلمان وجواری اسیرمزدرد دیو عذرستر ایرادیه ضابطان دخی مدافعه ده معنوعاجز اولمشلر ایدی بو طریق ایله اولمقوله اراذل مردود واسافل ملعت نمودمسکنلرندن اخراج وطررد نابود اولمیریه فضاحتلرندن وکړك آتش خوفدن پستر راحتده غنوده اولان امت محمدك شبا نزوز دعای خیرلری پیوسته آسمان اولوب برجامع شریف خیریه سی قدر جریده اعمال حسنات شهریار مرحمت شعار حضر تلیزیه آن بآن اجور وفیرثبت ایتمکله ملائک کرام حضر تلیزینک اشتغالده اولدقلری ظاهر ونمایاندر بالاده ذکر اولندینی اوزره مبیاعه اولنان بالکلیه املاک هدم وتخلیه اولنوب بیک یوز التمش سته سی ماه کونی تاریخده دعا و ثنا اولنهرق قربانلر ذبح اولنوب بر مبارک ساعتده عمارت عامره ایله مدرسه منیفه نك اساس حفرینه مبادرت اولنوب مدت یسیرده عرضاً یکرمی بر ذراع وطولاً بر یحقی ذراع که تربیی سکز بوز یتمش بر یحقی ارشون ایدر عمارت عامره ومأکله خانه وفصله فرونلری و عمارت قپوسی داخلنده عمارت کتخداسی وفدله کاتبی افندی ایچون اوطه لر بنا اولنمشدر وینه قرب اتصالنده عرضاً اوتوز الی ذراع وطولاً دخی اوتوز الی ذراع که تربیی بیک ایکیوز طقسسان الی ارشون ایدر اون ایکی باب طلبه علوم اوطه سیله بر درس خانه ومیدان اورته سنه سنک مرصردن یکپاره ابدست ایچون سکزلوله لی واسع بر کبیر طاش تنکنه وبشقه دائره ده اوج عدد نمشی وینه مفرز محله جامشویخانه یی محتوی جامه چارشی بر مدرسه والابنا اولنوب جبه جیلر قوللوی قوشوسنده واقع جامه ک حولی قپوسی حداسنده اوطه لرین قبولری جامع حولیسنه مفتوح اولوق اوزره قیام و مؤذنان اوطه لرین قبولری وکلدکجه امام

افدیلر ساکن اولق ایچون واسع ومطبوع روشن اوطه لر انشه
جامعك حولی قیوسی اوزرنده بشقه قبولی موقت اخذی ایچون
طولانی بر اوطه زیباتنا اولوب و بونلردن ماعدا صر قیایلر جانینه
اولان حولی قیوسی طشره سنده بر طرفدن سیلخانه معلو بر طرفدن
دخی چشمه والا ومحمود پاشا جامعك چورکچی قیوسنه ناظر کوشه
باشنده اولوب جامع شریفك حولیسی دروننده استعمال واستفاده
علوم اولنور بر بی نظیر کتبخانه بی همتا انشا وانواع کتب نفیسه
ایله زمرة طالیبنی احیا وینه جامعك حولیسی اورته سنده ذیری
چارلوله لی وبلاسی فسقیه نوادی مصنع کارونادیده بر چشمه سار
احداث وینه جبه جیلر قوللوغنه قرشو بر مختصری صغیر چشمه
ایله عطشانی اسقا وبصورت ایله ختام تمامیسر شد جامع شریف
نوترز و عمارت ومدرسه نطفیلر نلرندن تخمیناً درت بش ماصوره
ماء طهور برقاق محلدن تفجر ومخلوط اولق حسیله شربه صالح الذ
التام اولمیدندن کورکچی لرین انشاغی باشنده یوکسك بقال دکانی
تحتنده ایکی طاش تسکینلو بر چشمه یاییلوب اوچ عدد لوله دن صالمه
جاری اولان ماء حیات حوایج نوع بی امدن غیری مرور وعبور
ایدن حیوانات سقا اولمغله باعث تذکیر خیر کثیر اولدینی بدیدارد
بتوفیق الله وطلباً لمرضاة الله تعالی بنا اولنان جامع و عمارت ومدرسه
وسیلخانه وبرقاق چشمه بونجه خیرات عظیمه اولنوب بوقدر دائره
وسیعینی محیط واداره ایدر قدر استیفا صویک تدارك وحصول پذیر
اولسی جمله دن اهم واقدم بلکه وجوب مرتبه سی لابد والزام اولمغین
بوخصوصك عهده سندن کلور ایسه انجق اول کلور دیو مرجع
اریاب صفت ونامدار میدان مهارت اولان حالا خاصه صواظری
علی انا هر اشنده صدیق مقال وهر حالده کاردان ستوده فعال اولوب
فن آبد خیر وهر وجهله مالک حسن تدبیر اولمغله قدر استیفا

مقتضی اولان صویک وجود پذیر اولسی مومی الیهک کردن سہی
 ہمتہ تعاقب و بہر حال حصولہ کتورمسی دست اقتدارینہ تحمیل
 و ترفیق اولنوب لکن بشرط آنکہ تدارک ایدہ جکی صویک کمنہ بہ
 رخنہ سی واخذ اجرا سندہ بر وجہلہ ضرر تطرق اولیوب مسلم
 جاری اولق اوزرہ مطلوب اولدیغنی کندوسنہ تأکید و تفہیم توصیہ
 اولمغلہ مومی الیہ دخی کندینک بونجہ ایام باخصوص بوندن اسبق
 حاقہ لو صو یوللرینک خدمتندہ کارازمودہ حرکت واستقامتی مشہود
 شہر یار انام و خاص وعام اولمقدن ناشی بالای دوش استحقاقنہ
 خلعت الباس اولنوب خاصہ نظارتی احسان و چراغ تام اولنق
 حسیلہ بندہ استان اختصاصی اولدیغنی بوبادہ دخی اظہار واعلان
 ایچون تکرار دامن غیرتی میان حمیتہ بند ایدوب بش الی ای قدر
 کمال تبیع و تفحص و امید ایندکبری محملری دایر و سایر اولہرق
 حالا املاک ہایوندن اولوب وجہاً من الوجوہ فردواحدک مدخلی
 واجانبین کمنہ نک ذرہ و ششمہ علاقہ سی اولیان لتوز قریہ سی
 قریبندہ واقع فرہاد پاشا چفتلکی دیمککہ عربف چفتلکک متبعندن
 تفجر ایدن صویک ضرور قدر استیفا سنہ و کیت مقدارینہ قلوب
 اطمنان و دور انقلاب زمان ایلہ ضرورت طاری اولمقدن مامون
 و سالم ایچون صولرین کمال وقت قلی اولان اغستوس اواسطندہ
 وزن عیار اولندقدہ تاماً و کاملاً اون بش ماصورہ اب تاب لطافت
 نصاب موجود و جاری اولدینی لدی الجمهور معاینہ و مشاہدہ اولندیقندن
 بشقہ یوللردہ دخی حفر اولنان ابار لغومدن عنایت باری ایلہ صو
 ظہور ایدہ جکی مأمول اولمغین اقتضا ایدن مہمات مالزمہ و خیام
 و متعددہ و بر مطبخ جرکہ سی تہی و آمادہ ویدی سکرز متبصر
 معتمدان و بر تفر حصکی و بر قاج خرہ جیان ویدی سکرز قطار استران
 و خدمتندہ اولنلرہ رویت وایشلرینہ مسارعت ایچون بر سقالی ادم

و محرر کاتب تعیین و تخصیص و بالادہ اوصافی شرح اولندیغی اوزره
اجرای حق و صداقتده جسور و هر مامور اولدیغی اشلرده مقدم
و غیور اولان ناظر مومی الیه جمله نك اوزرینه امانت و نظارت
ایدوب و سائرری باسرهم مومی الیهك رضاً جوئی هواداری اولمق
اوزره هر برینه تأکید و خصوصک کلیسی بر داشته دوش و دیغی
اولدقدن صکره تورهم سنی واجبه غیرت حمیت مقتضایی اوزره
نه و جهله سعی و اهتمام ایدرسین و بو بیک یوز التمش الی سنی ماه
جمادی اولینک اون دردنجی شین کونی ساعت ایمنده بدو و صو
یولجیلر کتخداسی و بلوکباشیلر و صویولجی اوستهلری و لغمچی
ارنا بودلری ورنچبران نفراتی و جمله مباشرتله صویو منبعندن اخذ
و حفر اباره مبادرت اولنوب ادرنه قیوسندده حصار یجیه کلنجه حفر
لغوم و قنوات مخصوصه سندن بشقه تعیین اولنان مسد و بر نقرذمی
طاشچی معرفتلیله اعمال اولمق اوزره یوز نقرذن متجاوز سنک
تراشان اوستهلری حسب الاقتضا اوج محله کوفه کی طاشدن یکپاره
صوم مصنع کار و آخر محله مثلی نازره صو ترازولری انشا وینه
حصار یجهدن درون استانبولده محلات عدیده به دخی و صف اولندیغی
اوزره الی عدد صو ترازولریکه بری قرده کرده و بری سلطان محمد
خان جامع شریفنک دوه خانی طرفنده اولان حولی قیوسنک نردبان
ایاغی دیدنده بری دخی قزطاشی حمامنک اوتہ طرفنده واقع دولیکر
اوغلی جامی قربنده بری دخی الت سراج خانه قوللوغنک درت
یول اغزنده بری دخی عجم اوغلانی میدانینک درت یول میسانده
بری دخی صرخیلر ایچنده بو ذکر اولنان محللرده الی عدد کوفه کی
طاشدن کار کیر صوم بی مثل صو ترازولری انشا اولنوب مذکور
ترازولرین البتده انسانی مقتضی اولدیغنه کوره ادنا بهانه و سهل
تکلیف ایله بلکه لاشی مقوله سندن عد اولمق ایله مطلوب اولان

محللر بحانا ضبط و ابنا اولنق ممکن ایکن چونکه بووقته کلنجه خیرات
 علیه متعلق کرک اجارات و کرک مهمات و کرک سائر معاملاتده کاشانمن
 کائن فرد و احسدک متقال ذره حیات دنیا ده دکل یوم جزا ده دخی
 ادعا و طلبکار اوله حق ماده لری اولدیغندن بونده دخی استحاللی
 اولوب طرف خیراتده کسسه نیک علاقه سی اولسون ایچون هر محله ده
 اقتضاسنه کوره وقف عرصه ایسه متوالیسی بولنوب بدل فراغ مبلغ
 وافیله ایله ارضا ویا تمسک تملیک اگر وقف اولوب برینک ضبط
 و تصرفنده ایسه انی دخی صاحبندن طیب خاطر و ممنونیت ایله اشترا
 اولوب منوال محرر اوزره ترازولر صورت داده صدقیلر ده عتیق
 علی پاشا جامعنک زردبان ایاغی دیننده مقدما صوکلر دن اول مخصوص
 برخان آبیر عرصه سی اشترا و عریض عمیق واسع صو خزیننه سی بنا
 اولوب تهی اولمشیدی قنوات مخصوصه ایله صو کلوب خزیننه
 مرقومه جریان ایتدیرلد کدنصکره خزیننه دن دخی بر موجب تقسیم
 کیده جک یوللری حفر و کارگیر یاییلوب قورشون بوریلری فرش
 وبعد الاتمام جامع شریف ابدستخانه لرینه وسیله و مدرسه و عمارت
 و اوچ عدد چشمه لر ایله سائر اقتضا ایدن محللره تفریق و تقسیم
 اجرا ایتدیرلمشدر احوالی ذکر و تفصیل اوله ان ماء مرقوم ماده
 جسیم و رأسا اخذ و اجرا ایتدیریلکله مصارف کلی اولوب خیرات
 جلیله نیک دوام و استمرار نظامی و عامه ناسک باعث حیات و دفع
 عطاشی انجق اجرا ایتدیریلان صودست تطاولدن مصون و دخل
 تعدیاتدن سالم اولغه محتاج اولمغین هر نه قدر سی تام و بقای اجرا سنه
 دقت و اهتمام اولنسه احتماً و صیانتقه مراعات ایدنلر نائل خیر کثیر
 دنیوی و مظهر جزیل اخروی اولدیغندن اغستوس اواسطنده
 موازنه و عیار اولندقدن اون بش ماصوره ماء لذیک موجود جاری
 اولدیغنی مقدم معروض رکاب مستطاب اولدیغندن بشقه صویک

ختم مجرا سنده جامع ہایون حولی سنده عاریۃً احداث اولنان حوض
اوزرینہ مرمر تیکنہ قونلوب وضع اولنان لولہ لردن اولبقدار
بلکہ زیادہ جاری اولدینی تشریف بیورلمغله محلندہ دخی منظور
ملوکانہ اولوب رأی العین مشاہدۃً جہانبانی بیورلمشیدی اکن بوآب
تاب مانند سکر لطافت نصاب خاصۃً ماخوذ وراسا سالماً مجرا اولوب
الی ماشا اللہ تعالی جاری اولدقہ لغوفنہ وکړک طرق مخصوصہ سہ
آخردن وجہاً من الوجوہ واجانبیدن سیامن الاسباب نہ صوادخال
ونہ بر طریقہ افراز اولوب متبعندن تاحمل مصروفہ سنہ کلنجہ راساً
ومحفوظ سالماً اجرا اولتمق باخط ہایون دستور العمل اولدیفندن
عہود شروطی مصون وبعد زمان قبل قالدن مأمون اولمق یچون
اعلم علماء الکرام ومفتشان ذوی الاحترام ورجال حرمین الشریفین
وبعض خواجکان دیوان مقسم محلندہ باجمہم موجود اولوب جملہ نک
رأی العین منظور ومشہودی اولدقہ لدی الشرع ثبوت وقبودی
مربوط اولسی امر ہایون اولمقین بناءً علی ذلک حالاصدر اناطولی
فضیلتو ولی الدین افندی حضرتلری و خاصہ قاضیسی مہا تلو افندی
ومحکمہ باش کاتبی محمد افندی وشیش الاسلام وصدر اعظم وحرمین
الشریفین وبوسستانیان مفتشی افندیلر وکاتبان افندیلر حضراتی
وامدجی قرنداشی یوسف افندی حضرتلری وسابقا اغا کتایتندن
منفصل دیوان خواجکانندن عثمان افندی وعبد اللہ افندی وطوپخانہ لی
محمد افندی وغیرہ وحرمین اوقافی متوالملری و اوقاف سلاطین
کاتبلری وروزنامچیلری وحرمین قلمی خلفامی وکیسہ داری وحرمین
مقاطعہ جیمی افندی و خاصہ صو ناظری اغا وصوبو جیلر کتخداسی
و اوقاف سلاطین بلوکباشیلری وصوبو جلی اوستہلری و اولحوالیدہ
اولان حدایق خاصہ اوستہلری وبلوکباشیلری جم غفیر وجمع کثیر
جمعیتندن ماعدابنا اولنان نور عثمانی جامع شریفنک جوانب اربعہ سندہ

دكان و تيزكاه اصحابی اولان بالجله صنوف صنایع و اهل حرفتدن
یوز الی دن متجاوز صریقچی و دلبندچی و سراج و مویتاب و عطار
و مناو و سائر معلوم و مجهول توابع و لواحق ایله بیکدن متجاوز
اولوب مذکور فرهاد پاشا چفتلیکی جوارنده بر قاچ محله قوریلا
خیام متعدده دن بشقه افندیلر حضراتی ایچون اون ایکی خزینه لو
خیمه کیرده ضبط زمان و جلوه گاه خیام اولندقدن صکره درویش
افندی طرفلرندن عموم ایچون ترتیب اولنان پلاووزرده ایله اصول
اربعه اولان طعام و خصوص ایچون هی اولنان اطعمه نفیسه
بعداالتناول جمهور جماعت ایله تهضت قیام و صویک منبندن نا ادره
قیوسنه قریب محله کلنجه مقسم به مقسم علی الافراد ارادت و نظارت
و هر بر مقسمک اوزربنه نزول و درونه دخول اولتوب موجود
صوبونی ثبت و قید ایدرک اجمال اولندن صکره مقدا رکاب کایابه
عرض و اعلام اولنان صودن متزاید فرهاد پاشادن اتم کیره کلنجه
قائم لردن سکر ماصوده ماء لذیذ دخی حاصل اولوب اصلنه ضم
و الحاق ایله مجموعی یکرمی اوج ماصوده ماء لطیف مجتمع اولدینی
و ایام صیف شدت و وقت قلنده بوندن اشاعی نقصان اولیه جنی لدی
الشرع و عندالجمهور ظاهر و جمله مواجه سنده باهر و مبین اولدقدن
صکره مجموعنک رأی نظارت و اشهاد ارادتلی موجدینه خالص
ناجی افندیکنک عرض و اعلامنه مفتش افندیلر حضراتی امضا ایدوب
مهور و محضی اعلام تکرار منظورهایون اولدقدن صکره حین اقتضاده
ابراز و احتجاج ایچون حرمین الشریفین قلمی قیوداتی جرایندن
نکاشته سجل صک و قید ایله رسیده حسن ختام و صویک کیفیت
خلاصه سی بو محله منتهی کلام اولمشدر بوماده نک حرمینه ثبت
و قید اولندیکی کبی ابنیه خیریه نک مباشرتندن ختامه دکین بروجه
محور مبايعه اولنان املاک و بالجله اراضی محمود پاشا و ایا صوفیه کیر

وفاطمہ خاتون و عبدالسلام و عرقہ جی و شیر مرد و سائر اوقاف متفرقہ دن اولوب مباہمہ اولندقدنصکرہ اشو نور عثمانی جامع ہایون اواقفہ تصحیح اولندقدنہ النان اوقاف مذکورینک مشاہدہ ایرادینہ و کرک فراغ و انتقال و محلول طیاراتہ و جہااً من الوجود ضرر ترتب و ضعف طاری اولماق ایچون اوقاف ہایونہ تصحیح اولنان اراضیدن افر و اشرف طویفون سرایی و امینہ سلطان سرایی و سائر محللردہ اولان اراضی ایلہ باخط ہایون ویا فرمان عالی وجہ شرعی اوزرہ استبدال اولنوب اوقاف مذکورین متولیارینہ دفع و تسلیم و وقفلرینہ تخصیص و مجموعی حجج شرعیہ اولندقدن صکرہ اولدخی حرمین محترمین سجالانہ تسجیل و حین اقتضادہ نظر و مراجعت اولنق ایچون بشقہ جریدہ بہ ثبت و قید ایتدیریلوب مفتش اوقاف حرمین اولنر طرفندہ حفظ اولمشدر جامع شریف ملحقاتی اولان ابدینک کیفیت مساحہ سبلہ طریق استحکامی بروجہ اختصار بالادہ تصریح اولنشدی مهمات لازمہ سنک محلدن تدارک اولندینی ونہ و جہلہ اہتمام اولنوب حصول پذیر اولندینی تفصیل اولتاز ایسہ دخی ہر مادہ سندن برر نبذہ تحریر اولنق مناسب فہم اولنغلہ تسطیرہ شروع اولندی ابدیہ مرقومک اعظم لوازمہ سندن اولدن احجار مرمر جزیرہ مرمرہ دن و کوفہ کہ مقریخودہ و داود پاشا سحر اسندہ اولان اوجاقلردن و اودطاشی قرہ مرسل نام قصبہ حوالیسی وجوار قضاالین معتدن قطع و اخراج ایلہ حاصل اولوب مرمرہ کبیر و وسط اون عدد مقداری طاش نقلہ مخصوص قایقلری اولنغلہ سفاین مذکور اوتہ دن برو انجیق مرمر احجار تحمیل و نقل ایدہ کلدکلرندن جامع ہایون بناسی دخی ظہور ایتدکدہ علی الدوام احجار نقل ایدوب لکن ایشک تعجیل و عملہ نک کثرتی سبیلہ طاش یتشدیرہ مدکلرندن ضرورتدن ناشی استانہدہ اولان سفاین دخی تعیین اولنوب کوندربلہ جکی

بو طرفده اولان سفاین رئیس لرینک معلوملری اولدوقده بعض
 ملاحظه لری سببیه ابتداء امرده خشونت اظهار معامله سنده
 اولشلر ایدی هر نه حال ایسه بردفعه کیدنلر برکونده واروب هنوز
 کندینه نظام و برمدن بلاتعب و سفینه خدای بی مشقت احجار تحمیل
 و ابرته سی کون کون کلوب پاک و جدید زولطه نول سفینه سی
 وریلدیکنی کوردکده غیری نوبته باقوب کتیمکه کندولری طالب
 وراغب اولورلر ایدی زیرا جزیره هر قوم استانه به قریب اولوب
 بو طرفدن سفینه واردینی ساعت و یوده سنک مأمور و مباشرتندن
 بشقه بنا طرفندن مخصوص بر طاشچی قلفه سی تعیین اولنوب مفعورک
 ایشی انجق کیدن سفینه یی اکندیر میوب واردینی کی تحمیلنه کوره
 احجاری وضع و تحمیل و اول باول بادبان کشای عزیمت ایتدیرمک
 ایدی کیدن سفینه رئیس لرینی و کرک طایفه سی حاجت اولدیغندن
 قطعاً ایسه یابشدیر میوب طرف بنادن جمله الات و اقتضا ایدن مقرر
 و مهمات حاضر و مهیا اولغله طاشچی قلفه سی استیجار ایلدیکی
 اطهلی کفره سیله سفاین وصول بولدینی کی بر ایکی ساعتک طرفده
 احجار موجودی تعجیلاً تحمیل و تکمیل اولدوقده اجناس تعدادینی
 مشعر یدینه علم خبر وروب مساعد ایام و هوا ایله بر یلکن کشادی
 مدتنده استانه به ورود و بو طرفده دخی خریه چی مباشرتیه اخراجنه
 مسارعت اولنوب بهر زراعتنه بر ربیع اجرت نولنی بلاتراع
 و لامعارضه جدید غروش رئیس لری یدلرینه تسلیم اولغله بویه
 مناسب بازار لغت لنتی دماغنه اذاقه اولدوقده همان شمعی بنه کیدیمی
 دیو بری برلرینی تقدیمه رجا و ذهابنه خواهشکر اولورلر ایدی
 اعاجیب امور دندرکه سکز سنده امور ابنه ایچون احجار متنوعه
 و کراسته و خرسان و طوغله و بونجه قورشون و خام تیمور و سائر
 مهمات مقتضی ایچون اسکدارک آتش قایق لری و اسکالرین معونه لری

وقرہ مرسل و جزیرہ مرمرہ نك كير و وسط قایقلری و از میر
سفینه لری و با حضور قره دكزدن الات خام و كندیر و كراسته
نقلی چون تعیین اولان چكلوه سفینه لری سال ماهیه ده در بنقطع
ایاب ذهاب ایداولله بر مقتضای هوا هزار كره شدید فورتنه لر تصادف
ایدوب سائر غرق اولان سفاین کیبی بونلرین دخی كشتی و جودلری
باد مخالف ایله فتاده كرداب رحلت و غوطه خورلجه حسرت اولمق
مرتبه سنه واروب رئیس لری دخی مرتبط حیاتدن قطع پیوند امل
ایتمك اوزره ایكن خیرات جلیله نك آنار خدمت خیری سی حرمتنه
بر كوركلی قایقك دخی تلف و ضایع اولدینی واقع اولمامشدر حتی
كراسته جی تجار لرلندن تیریا کی حاجی محمد دیرلر بر كسنه وار ابدی
بر سفینه سی غایت كهنه و عمل مانده اولوب بو بهانه ایله تجدید ایتدیرمك
داعیه سنه دوشوب رئیس ایله معهودانه تنبیه ایدر كه بو سفینه دن غیری
خیر بو قدر مرمره دن طاش تحمیل و دریایه جقد قدده كلور ایكن
البتده اچیلوب غرق اوله جی ظاهر در همان سن و طائفه صنداله
آتیلوب طشره چیق سفینه غرق اولد قدده بوندن اعلا فرصت اولماز
تجدیدی ادعا ایدوب مرحمة بش التي كیسه اچه احسان و بو طریق
ایله جدیدینه مالك اولورز دیو سفینه مذكوری كندروب هر وقت
بهر حال صو ایدر ایكن بامر الله تعالی اول سفرده صو دخی ایتیموب
مصموباً بالسلامه كلكده بعده آخر كندو خصوص چون ایزنك میمد
كورفرینه كونده روب هنوز مال تبیه وارمدن غریق بحر اولمغله
بو احوالی استغراباً بعد الوقوع كندو انصاف ایدوب كلكده خبر
ویردی ینه صدیمزه كله لم بو وجهله علی الدوام احجار مرمر نقل
ایتدیریلور ایكن و مقری نخوره طاش جیلرینه دخی طاشك قطع
واخراجنده تهاون ایتمه لر چون مطلوب لرندن زیاده پشین اچه لری
ویریلوب ویر قاج دفعه استدعاری اوزره هر ارنابودلق ولایتندن

مطلوبلری اولان طاشچی اوستهلری ورنجیر عملهسی احضار و نفراتی
اکثار و بوندن بشقه حیوانات المق ایچون و اراضی الوب مجدداً
طاش اویقلری کشاده ایلک ایچون سرمایه و هر وجهله اعانت کله
اولمق حسبله یدی سکز سنه نك ظرفنده برآ هر کون قرق اللی
ماه عربیه سی و بحرآ اسکدارک ات قایقلری واسکله لرین کراسته
معونه لریله احجار کوفه کی نقل ایتدیرلمشیکن کذالك قره مرسل
طاشجیلرینه دخی سباق مشروح اوزره انواع اهتمام تام اولوب
انلرین دخی مخصوص اون طاش قایقلری استیجار اولنان سفاین ايله
مدام اودخاشی نقل ایدرلر ایکن بو اوج محلدن ماعدا بعضی متروک
ونا تمام ایتدیرلر فروخت اولندقیجه بهاسیله اشترا اولنان اجناس احجار
دخی قتی و افرجه اولور بونلردن مارالذکر اوج محلدن سفاین متعدده
لبلاً و نهارآ علی التوالی کلور ایکن ینه بنا عمله سنه طاش یتشدرمه
عجز مقرر ایدی حتی روزمره سفاین و عربهلر واسکله لردن صریق
و قراقلر ايله حملانک کتوردکلری احجار هنوز بنایه دخول ایتدیکی
ساعت طاشچی اوستهلری و نفراتی سن الورسین یوق بن الورم دیو
مناسزه لری ضروب شتومه مؤدی اولوب ینلری تفریق و توفیق
اولدینی چوق واقع اولغله غیری نه مرتبه احجار صرف اولوب
و عمله نك نه مرتبه کثرتده اولدینی بومقاله دن من وجه معلوم اولور
مهمه لازمه مستعجله دن بری دخی تیمورخام و قورشون اولوب بنانک
حین مباشرتنده خام تیمورک قبه سی اون بر ییچق اون ایکی اون اوج
اقجه یه اولوب و قورشونک قنطاری دخی سکز و طقوز غروشه
تجاری یتنده سیع و شرآ اولور ایکن مجموعی تجاری ضبطده موجود
و مدخر اولانی و بر طرفدن سفاین ايله کلوب کمرتن چقان تیموری
ضبط و اشترا اولندقیجه استانه ده بوجهله بولندیقندن وجودی اعتبار
ایله عزت ساری و تدارکنه عسرت و صعوبت طاری اولغله عاقبه

الامر صاق و قواله وسائر تیمور حاصل اولان محفل درن رایج فی الوقت
 ایجاب ایدن بهاسی عهد نقد اصحابنه و بریلک اوزره درویش افندی
 طرفلرندن معتمد علیه صداقت یش و خیرت اندیش اولان ادملره
 تحریرات اکیده ابله حواله ایلدکلرندن غیری کمال احتیاط و بوطریق
 ابله برکسنه یه علف و جبر ورنجیده ورمیده اولنقدن صیانت وامنیت
 ایچون قواله دزداری واولحوالینک ضابطاننه خطابا فرمان و مکاتیب
 ابله توصیه اولنوب وینه استانه دن بولندقجه پیدرپی الندیقندن بشقه
 قواله جانبندن دخی بر قاج دفعه یوز بیک وقیه تیمور خام مبايعه
 اولنه رق ختام اموره دکن والحاصل مبايعه سندن کفید اولنوبوب
 صعوبت و کرک سهولت عون عنایت حق ابله حصوله امکان ورسیده
 ختامنه لطف کرم منان روا داشته بنده عصیان اولدی لکن قورشون
 بوکا قیاس اولیوب انحق بلاد افرنجدن کلکیله فرنک طائفه سی ایسه
 کیفیتلری معلوم بر خشین قومدر کندولرینه مخصوص بر متاع اولدیغی
 اجلدن استدکاری بهایه انصافنه و یروب بوغن فاحش بهانی نیچون
 استرسین دیو جبر و قهر دخی اولنوبوب اخر محفلدن تدارکنه دخی
 دست رس ممکن اولمامقله ینه هزار اسلوب مستحسنه ابله استانه یه
 کلنلری سمسار دلاللری معرفتیه بهر قطاری اون بر اون ایکی دیو
 رفو اون ایکی یچق غروشه دکن وازمیره کلنلری دخی وبوده سی
 و اعیان بلده معرفتیه نه حال ایسه مبايعه وضعف بهالری مراد
 ایتدکاری اقبه دن بروحه پشین ویریلوب ونول سفینه لری طرف
 بنادن بشقه جه ادا اولنوب متوکلاً علی الله جسته جسته سفاینه تحمیل
 ایتمکه سفینه رئیسلری میری مالدر یولده یولده معاذ الله بر قضایه
 اوغزار ایسه متضرر اولورز دیو اجتناب وقورشون ارسال ایدنلر
 دخی بو محذوری تحریراً اشراپ ایتلریله مومی ابله درویش افندی
 نم عنایت و کرم حق هر وجهله اعتماد اولوب حفظ الله بر قضا

اولی لازم کلور ایسه شهریار بلند اعتقاد حضرت تلی انده دخی
 مأجور اولورلر مانع دکل هر حالده سلامت و غرامت مقبولدر دیو
 استیمان بیورملریله جسته جسته جمله سی کلوب تسلیم و منوال مشروح
 اوزره بو قورشون خصوصی دخی حصول پذیر اولمشدر وجه
 مهماندن بری دخی اجناس کر استه اولوب ابتدا بنانک تملی یکریمی
 درت ارشون قعر زمیندن وجه ارضه چقنجه اعمال اولنان عملاتی
 طپراق باصدرمقی ایچون جوانب اربعمه سی بتون ووردنار کیر
 و کر استه کران و چاسه ستون ایله سید بند اوانوب ریختم اولدقجه
 کر استه مذکور درون اساسده متروک بعده بنا یر یوزینه جقوب
 هر اوچر ارشون بالایه صعود ایتدکجه دائر مدار اسکله لر قوریلوب
 وقوریلان اسکله لرین دیکیلان دیرکلری جمله ورونار کیردن و نخته
 یرینه دوشمه سی چفته طویاج واستفان امور غسندن اولوب عرضاً
 بشر التشر ارشون عربض اسکله لر بنانک ایچروسندن و طشره سندن
 بتون بنائی اداره واستیعاب ایتدکجه زمیندن بالایه وارنجی الی درت
 ییچق ارشون قدی اولان بنانک هر اوچر ارشون منزلده دروناً
 و بیروناً بشقه بشقه اون سکز طبقه اولق اوزره ایکی قات اسکله
 قوریلوب ویوندن ماعدا جوانب اربعمه سنک هر جانبده ینه طرفین
 اولق اوزره بدی سکز محلیده اسکله زردبانلری انشا اولمغله والحاصل
 جامع شریف کر استه ایچنده مستور و پنهان اولدینی اول وقت منظوری
 اولنره خفی دکلدر بوندن ماعدا کتبخانه و عمارت و مدرسه و سائر
 علاوه ماحقائی اولان ابنیه دخی بو تصریح سادده داخل اولوب
 بوکا قیاس اولمغین مقیاس عالمک تکراری موجب اطباب اولدیفندن
 غیری تفصیله حاجت قالدوب و ذکر اولنان اسکله و زردبانلرین هر یری
 اقتضای حاله کوره قوریلوب بوزولدقجه شکسته و قطع اضاعت
 اولسان وردنار کیر و امور غه استفان و کرلر قابلیر ایچون

و عملهائی نزول امطاردن لاجل الحافظه صوندرمه ایچون و بونلر هدم
و تجدید اولدقجه معروف اولان اجناس کراسته باخصوص مسامیر
متنوعه نك حدی حصری اندازه تعداد و اوزاندن بیرون اولدینی
وارسته ظاهر در و جامع مرقوم تملدن قورتیلوب طاش فرشنه و اجار
هموارینه مباشرت اولدینی تاریخدن که بیک یوز التمش بر سنه سی
ماه شوالندن درت ای صکره در اول درت ای طرفنده یالکز
حفر اساس ایچون بیک نفر مقداری رنجبر و لقمچی و بر قاج نفر
تجار و دیوارچی اشلر ایدی غیری آتنامه دکن مسلمان طاش باشیمی
و کار خانه جیسی و مسلم طاشچی نفراتندن ماعدا کفره طاش باشیمی
و بش نفر کارخانه جیلری و ذمی سنک تراشان نفراتی سکنز یوز
طقوز یوز نفر ایکن یوماً فیوماً متزاید اولدقجه سائر صنوف عمله دن
بشقه یالکز طاشچی کروهی بیک اوچبوز الی نفره بالغ اولوب
حتی کاک اهتمام دقت و ایشک ختامنه مساعرت ایچون اناطولیده
آذربایجان و قیصریه و قسطنطنی و ایزنکیمید و حوالیرلندن احضار
اولاندن بشقه ردوس و ساقز و ازمیر و مدلولو جزیره لرندن الی
ارشونلی قلعه لر الیه نفراتی احضار و فرارلرندن محافظه ایچون
مسفورو نك کفیللر و جزیه کاغدلری اخذ و مخصوص خانلره اسکان
ایتدیریلوب نفرات اکثار و اعمال ایتدیریلشدر یالکز طاشچی
عمله سی بو مرتبه ده اولدینی حالده سائر دیوارچی و حاجچی و تاجار
و طوغرهمه چی و صواحی و حاجی و ایکی نفر صریق حمال باشیمی
یوز سکناندن متجاوز حمال نفراتی و اوچ نفر رنجبر باشی ایله بیک دن
متجاوز نفراتی حاصلی کاربنایه متعلق اصناف سله دن بوجامع
والانوبیناد معال بناسنده اعمال و استخدام اولندیق بر صنف قالمیوب
تفککچی و چلتنکر و دیوانچی به و ارنجه حسب الاقتضا اعمال اولنمغله
عملات مذکوریندن بشقه محاسبه و اشبو جریده محرری اولان کاتب

بنا و عمله و مهمات ایچون بش نفر کاتبان و اوج نفر خاصه حصکیلیری و یکریمی نفر خریه چی و اوزرلرینه قپو طرفندن مأمور کاتبان یکچریان و معتمد باشی ایله یتیش سکز نفر معتمدان و خربنده اوطه باشیسی ایله اون نفر خربنده کان و بنا قپولرینی محافظ اوج بواب بونفرت مذکورینک بهر هفته ده یومیه اجارات سرکیسی یدی بیک بشیوز بعضاً سکز بیک دخی زیاده خلاصه یدی بیک بشیوز غروشدن اکسک سکز بیک بشیوز غروشدن زیاده اولیوب بوحساب اوزره سائر مصارفات و مبايعات مهمات دن غیری سکز سنه نك ظرفنده یالکز عمله اجارانی ایچون بهر رأس هفته ده ویریلان اقبجه دن ماعداسنک بوکا مقایسه و صرف ذهن ایله نوعما مقدارینه قریت قرینه حاصل اولسی ذوی العقول عندنه ممکندر بوحله کلهجه تحریر و تظیر اولندینی اوزره بنا و انشاء احیاسنه بذل ماملک همت شنشاهی بیوریلان جامع والای رفیع المنارک بناء رعناسی بمجمیع ملحقاته عون عنایت ربانی و لطف کرم یزدانی برله بروجه محرر مرام رسیده حسن ختام اولغله حق الانصاف و کلام صدق انصاف بودر که یکپاره صوم مر مردن بویله مطبوع بناء زیبا و معبدخانه دلکشا استانه ده دکل بلکه ممالک اسلامیه ده دخی نظیری صورتمما اولیوب امثالی نایاب اولدینی اهل تحقیقه خفی و پوشیده دکلدر طرفینده واقع محرز طبقات دلنشین و تیمناً سورة فتح شریف بتمامه میاننده کمر بنده زینت بخشای عبادتگاه مسلمین و بالای روزنه لرنده واقع کمی بیضه لراوزرینه اسماء الحسنی وینه بیننده اسماء النبی که هر برنده نچه فواید و خصایص اولغین نظریله مستسعد اولنوب بویله اثر خیریینی مستجمع هر وادیس بر طرز لطیف عبادتخانه دلنشین لطیف خصوصاً جناب شهریار جهانگیر عمره الملك القدیر حضر تیرینک مجالای الهام مرآت عالمای قلب صفوت نشانلرندن طلوع وافر فرمانلری اوزره بالای

محراب طرفینہ اسم جلال واجب الاجلال ایلہ نص کریمہ میں
 اسم پاک محمد سرتاج اولوب وبنہ محراب صفہ سی طرفینہ قرشوبہ
 قرشوبیضہ لرہ ثبت و کشیدہ اولسان طغرای غرای جہان وبر قاج
 سنہ مقدم مخصوص امر و سپارش اولنوب بر موجب نمونہ و ثمن
 معروفہ ایلہ اسلندیریلوب ایچ طرفندن کتوریلان نوظہور بوسکول
 بللور آویزہ های کوناکون و درت بش محلہ طوب و سائرہ دخی
 مجموعی بللور قنادیل بیمادیل ایلہ ترین و تنویر اولنوب درون فرح
 مشحونندہ انوارلعان و تابان اولمغلہ حقا کہ نور عثمانی تسمیہ سبیلہ
 مسمی اولمغلہ ہر وجہلہ شایان و سزاواردر خلاصہ جامع شریف
 و ماحقائی اولان ابنیہ لطیفک جملہ اجرا اولنان تصنیعات استاذکاری
 مواد واقعی و کیفیت دقیقی یکان یکان تصریف و کماہو حقہ توصیف
 اولنق حدامکانندہ اولما مغلہ ہان بعض جسم و ظاہر فہم اولنر مہما
 امکان تحریر و تسطیر اولنوب بومرتبہدہ اقتصار و اختصار ایلہ اکثفا
 اولندی و ترتیب و تخصیص اولنان وظایفاتی اشرف خدمہ اولان
 ائمہ ثلاثہ و خطیب و کاتب وقف و روزنامچی افندیلردن ماعدہ بقیہ
 سائرہ قیم و مؤذن و فراش و بواب و عمارتہ متعلق خدمتہ مخصوصہ
 ہرنہ ایسہ بر موجب دفتر ترتیب حرمین قلمندن مذاکیری تحریر
 و تمہیر اولندقدن صکرہ درویش افندی کلدکدہ ہر خصوصہ ابقاع
 و اظہار اولان عدالتلرین و حقانیتلرین بوبایدہ دخی ایفا و اجرا ایچون
 جامع شریفک بدایتدن نہایتہ دکن خدمت ابنیہدہ دائماً و مستمرأ
 بذل مقدور ایدن معتمدان و خربہ جیان و مسلم طاشچی باشی و کارخانہ
 جیسی و بعض نقراتی و خربندہ باشی و عملہ و مہمات کاتبیری باخصوص
 بوابان و سائر دردمندان جملہ سنی استحقاق و ایاقتلرینہ کوردہ قریحہ
 پر منیجہ لرندن ہر برینہ برر جهت تعمیم ایتمکیلہ ہنوز کندولرینک
 خبرلری یوغیکن و بلکہ امید دخی ایتمزلر ایکن برربر چاغروب

جهت تذکره لرین یدلرینه اعطا و جملہ سن علی حدہ مسرور و احیا
بیوردیلر از جملہ معتمد باشی اولان طوبیخانہ لی دیمکله عریف محمد
نام صداقت بنام کمال استقامت ایله بونجه ایام شدت شستا وصف
حارہ دہ بذل وجود ایدوب ہر وجہلہ چراغ اولمقلقلہ شایستہ اولمغین
عیال و اولادینہ کفایت ایدہ جک مرتبہ تعینات و وظائف تذکرہ لرین
وسقالتی صالویردیروب چراغ ایتمکله ممتاز و جامع ہایونک بتون
امورینی دوش استقامتہ احالہ ایلہ معروف بنام و فریحاً فخور کجنوب
اوقاتنی خیر دعا یہ صرف ایلہ اہتمام و خدمت مأمورہ سسندہ قیام نام
اوزرہ اولوب بری دخی بنا قبوجیسی سید احمد کہ صاف دل و صدق
حرکت استقامتہ ینہ طوبیخانہ لی محمد ہم معادل اولوب اول دخی
مرحمہ شایستہ آدم اولمقلہ حسرت کش اولدینی قیم باشلیق و بعض
وظائف معینہ علاوہ سبلہ معاشنہ استیفا مرتبہ سی احسان و انی دخی
تمام چراغ بیوردوب مأمور اولدینی خدماتی بروفق مسئول اظہار
ایلہ روزمرہ مساعی و خیر دعا ایلمک بر وظیفہ سی دخی اولدینی
بدیہیدر و قس علی سائرہ خدمت بنادہ اولنلرین صغیر و کبیری
اعلا و ادنامی خربہ جیہ و خربندہ یہ ورنجہ ہر بری بونلرہ قیاس
وظائف اوقافدن برر نان پارہ ایلہ جملہ سی مطیب و مسرور اولوب
بریمی خائب خاسر قالماملقلہ بروجہ مرام تہتم چراغ نام اولدقدن
صکرہ سائر دور و عشر خوان ویس و تبارک و فوج خوان و بومقوله
اولان وظائف بہر حال لیکل مقام مقال و لیکل عمل رجال فحوا سنجہ
ہر جهت ینہ مناسی وجہ اوزرہ رجالنہ ویریلک اول دخی عدالت
صربچہ دن اولمغین ہر بری کمال تتبع و تفحص و امتحانہ حوالہ ایلہ
تصحیح و تمیز و مستحق اولدینی مبین اولدقدن صکرہ از بابنہ
ویریلوب جملہ سی خدمت مأمورہ لرندہ صرف ازمان و دعوات خیردہ
یک زبان اولوب حتی مشارالہ درویش افندی دائرہ علیہ لرندہ

حق تعالیٰ جہلہ سین بہرہ مند و بر خوردار ایلسون بونجہ امکدار
وہر ایشہ لیاقتلری ظاہر و کردسزوار قوللری اولوب باخصوص
اکثر جامع شریفک خدمتندہ افندی ایلہ معاً بولتشلر ایدی چونکہ
عامۂ ناسی دنیادہ حصہ مند فیض خیر ایلان دائرۂ امکادن خارجدر
وہو جامع شریفک سکز سنہ دن برو انشا اولدینی شرقاً و غرباً آفاقہ
انتشار وہر بری کرک مستحق و کرک نامستحق بر رشیدہ نائل اولغہ
دیدہ دوزہ انتظار اولدینی وارستہ آشکار کیفیت بویلہ ایکن بودہ
درویش افندی جہتلی کمد و توابع ولوا حقنہ و بروب بزہ و یرمدی
دیوہر بری گفت شنیع ایدہ جکلری بدیدار اولغین اولمقوله بی انصاف
ونی حیا اولنلرین السنہ سندن ذات حمیدہ لرین حفظ واستاریہ وروب
امکدار قوللرینہ بن انلری آخر خصوصہ مکافات ایدہ رم ایہامی
اظہار انلر دخی بو احوالی تفرس و منفہم اولدقلرندن افندیہ
صاغ اولسون دیولسانہ دخی کتورمکیلہ رضای ولی النہمی بہ تسلیم
اوغیر از خاطر عالیہ لرندن مجانبندہ قلب سایم اولدقلری مظهر پسندیدہ
خاص و عام ولغین حق عزشانہ حضرتلری حبیب کرمی ورسول
محترمی حرمتہ محض خیر عام ذات ستودہ جہیلہ لرین افات وہر
بو قلموندن مأمون و محفوظ ایدوب اولاد کرام و عیال ذوی الاحترام
ودائرۂ اتباع احباب باصفالریلہ مستدام دولت و اقبال واستزادہ عمر
واجبال ایلہ مسند نشین عافیت بر کمال ایلہ آمین بحق طہ ویس .
انبو نور عثمانی جامع ہماونی بالادن برو تعریف و توصیف اولندینی
اوزرہ تمیم و صلوة مکتوبہ اداسنہ بدأ اولنہ حق رتبہ تکمیلی عون
حق ایلہ رونما و آویزہ ہا ایلہ تزیین و آراستہ و مقدا عاشاق قضا سندنہ
نسج ابتدیری لان صر محرابلی منقش ابریشیم قالہ چہ لری فرش و بالچاہ
مرزقہ لری ترتیب و خدمہ سی معین اولدقلدن صکرہ تشریف ہماون
مصمم اولغین بوندن اقدام شہنشاہان پیشین زمان پرمانلرندہ بویلہ

بنا اولنان جوامع سلاطین اوزرلرینه مأمور اولنلره و کرک خدمه اوقافه نه وجهله اکرام ونه وجهله خلعت الباسيله احترام اولندینی تشریفاته مراجعت اولندقدن ترتیب خلاصه سی تبییض و معروض رکاب مستطاب اولنوب طرف بنادن دخی علی الاسامی دفتری طلب اولنقله ابتدا بنا ناظری اولان محاسبه حرمین الشریفین درویش افندی و بنا امینی علی اغا محاسبه کابی محمد افندی بنا کابی بو حقیر احمد افندی عمله کابی عبدالرحمن افندی و اوج نفر مهمات کاتبی اورتی یازیحیسی اولان منلا یازیحی خاصه صو ناظری علی اغا و مقدمات ستونلرین اوزرلرینه مأمور اولوب حالا ترسانه عامره نک لیان رئیس اولان محمد رئیس و جامع شریفک یازولرینی کتابت ایدن اندرون هایوندن چقمه خطاط مذهب علی افندی و کرچی باشی عبدالرحمن اغا و صوبو جلیلر کتخداسی حسن چلبی و احجار نقلی خدمتمنده اولان استانبولک باش کتخدا و کیلی بیراقدار و معتمد باشی طوبخانه لی محمد اغا و اوج نفر خاصه حصکیلی و مقرنخوده طاشجیلرینک کتخداسی حاجی مراد و سر نقاشان عاشق غریب و نقاشلر کارخانه جیسی و حاجی باشی و کارخانه جیسی و قورشونجی باشی حسن اغا و یتیمش سکرز نفر معتمدان و یکرمی اوج نفر خریه جیان و مسلمان طاشجیلرینک محمدچای و طاشجیلر کارخانه جیسی ایوبلی حاجی مصطفی و خربنده کان باشی و بنانک نعلبور باشیسی احمد چلبی بنا قلفه سمیون قلفه ذمی طاشجیانک باش کارخانه جیسی قوزمه قلفه بنا قلفه سنک کارخانه جیسی اوسته سفر و درت نفر ذمی طاشجیلر و کارخانه جیلری و حاجی قلفه سی ارتین قلفه و کارخانه جیسی و دیوارچی قلفه سی اولان اوراس ذمی و ایکی نفر صریق حالان باشیلری پهلوان و اوج نفر رنجبر باشیلری بو محله کلنجه علی الی سامی صورت مزبور اوزره دفتر تحریر و کلان تشریفاتی قلفه سنه و یریلوب بیک یوز التمش طقوز

سنة سی ماه ربیع الاولینک غره سی جمعه کونی پادشاه دارا حشم
 حضرتلری دبدبه خاقانی و کوبه جهان بانی اوزره باشوکت واجلال
 سرای عالیلرندن تشریف بیوروب صلوٰه جمعه بی ادابیورمق قرار داده
 اولمغله اول ایله جمعه درویش افندی و بنا امینی علی اغا و کاتبان
 و خدمه بنا و مرتزقه دن اقتضا ایدن بعضیلر مجموعی جامع هایونده
 بیتوات ایدوب باخصوص پادشاه خجسته خصال حضرتلری بعدالتشریف
 ابدست او طه سنده تخت نشین و نماز قلمق ایچون حرکت بیوردقلرنده
 ابدست او طه سندن محفل هایون قپوسنه و ارنجه زراند زردیبای
 قیمت کرای پای اندار و مقدم شوکت توأملرینه فرش اهتزاز
 اولمشدر بوکا کوره سائر لوازمات دخی جمله مهیا و جامع شریف
 حولیسی تطهیر و تمیز و قبول حفظ و حراست ایله نظام پذیر اولدقده
 صباحیسی علی السحر اول وقت کتخدای صدرعالی بولنوب صکره
 سالانیک سنجانی ایله کام روا اولان وزیر مکرم احمد پاشا حضرتلری
 جمله دن اقدم جامع هایونه تشریف و متولی او طه سینه نزول و بر
 مقدار استراحتدن صکره وزیراعظم سعید محمد پاشا حضرتلری
 بالجمله کلان علمای عظام و وکلای ذوی الاحترام و ارباب مناصب
 لازم الاکرام و کافه خواجه کان دیوان افندیلره بر موجب تشریفات
 پوست سمور و قاقوم و فراج و خلعت الباس اولنه حق محل نرهمی
 مناسبدر دیو درویش افندی ایله مذاکره و استشاره ایلدکلرنده حالا
 محفل هایون تخمنده وزیر قپوسی تعبیر اولنان جامع شریف قپوسنک
 کوشه سندن یوقارو محفل هایونه و ابدست او طه سی پیشگاهنه جیقیلور
 بر زردبان واردر شوکتلو افندی نماز قلدقدن صکره ابدست
 او طه سی تشریف بیوروب حضور هایونلرنده شیخ الاسلام افندی
 حضرتلرینه و صدرین و نقیب الاشراف و صدور علما و موائی عظام
 حضراتنه علی مراتبهم کورکلر و فراجله اکتسا اولندقدن صکره

صاحب دولت افندمن اشاغی اینوب ذکر اولنان وزیر قبوسی زردبان
صحفی باشندده که فم قانیده ابدست او طه سندن برر برر نظارت هایونده در
صاحب دولت افندمن بو محله قیاماً دوروب دفتردار افندی دخی
یانلرنده تشریفات دفتری او قودقه نه ایسه خلعتلر لباس و هریری
زمین بوس ایدوب کیدرلر دیو تذکیر و مناسب کورملریله غیری
تشریف هایونه منتظر اولدیلر صلاوقتی اولدوقده جامع شریفک
منتخب و بلند آواز صوت مؤذنلری منارتینه چقوب صلای معتادهینی
خوش الحان ایله ادا بعهده جومع سلاطین مشایخی ایله جامع هایون
بر طریق قاعده جمعه و اعظی اولان مشایخ خلوتیه دن عبدالشکور
افندی حضراتی کلوب سائر ایام جمعه معتاد اولان سلا ماقدن صد
افزون او طه باشیلر و بکتاشیان نفراتی باجمهم ضابطان ایله مقدا
سفر وقوعنده خنکار الایلرنده نه وجهله طرفین صف بسته موقف
سلام اولورلر ایسه بعینه اولیلجه حدود سنورلرندن تا جامع هایون
قبوسنه کلنجه دست بندموقف سلام اولوب سرای جدید عامردن
دخی حدودلرینه کلنجه جبهه چی نفراتی کذلک صف بسته موقف
سلام اولدیلر جمعه اذانندن تخمیناً ایکی ساعت مقدم سرای جدید
عالیلرندن شرفند مقدم - پرمینت ایچون موجود و منتظر اولان
وزیر اعظم سید محمد پاشا و شیخ الاسلام فضائل ارتسام دامادزاده
افندی حضراتی و نقیب الاشراف و صدرین محترمین و موالی عظام
و مدرسین کرام دیوان طاقی ایله رجال دولت و بوستانچی باشی
و میراخور اول و ثانی و کتخدای بواین شهریار و دفتردار افندی
ورئیس الکتاب و توقیقی و بکهچری اغاسی و جبهه چی باشی و طوبجی
باشی و طوب عربیه چی باشیسی و سر مهتران خیمه خاصه و سپاه و سلحدار
و بلوکات اربعه اغالری بالجمله اوجاق ضابطانلریله و مجموع خواجکان
دیوان هایون و سائر ارباب مناصب ذوی الاحترام و سر بواین درگاه

معلا وزعما وچاوشان والحاصل مرتب مزین الای ذوی الاحتشام
ایله بر موجب تشریفات ترتیه دیزیلوب قضاالرندن سلطان چارجهت
افاق اولان صاحب الخیرات والحسنات پادشاه فرخنده بخت شهنشاه
مزرکش معلا تخت شوکتلو مهابتلو عظمولو سلطان عثمان خان خلدالله
خلافته وملکک وسلطانه وافاض علی العالمین بره واحسانه حضر تتری
مشرف افتاب جاه وجلال ومطلع خورشید شوکت واقبال ایله کافه
عباد مؤمنینه پرتوانداز رفت اوله رق یایمن واقبال تشریف یوللرده
دست بند موقف اسلام اولان گروه بکتاشیان وجبه جیان علی-
الخصوص جامع هایون حولیسنده طشره محراب مقابلنده نصب دیده
انتظار اولان جوامع سلاطین مشایخ کرامی سلام مشتمل الاکرام
ایله تلطف بیوروب کتخدایک ایله درویش افندی بخوردان
چکدرک اشانخی حولی قموسنه یقین اولدقده صاحب دولت ویکچری
اغاسی مقدحجه اتدن نزول وماشایاً استقبال وفوقانی بینک طاشی
اوسته صعود وحين نزوله شیخ الاسلام وقیب الاشراف وصدرین
محترمین حضراتی تحیه مراسمنی ادادن صکره کوبه خسروانه ایله
ابست اوطنه سنده صدرنشین بالاولدیلر بر مقدار توقف و آرامدن
صکره درویش افدینک اولادنچیلری وجکر کوشه محترمه لری
اولان اوج نفر فرزندانچندی چاغردوب حضور هایونه ناصیه
سای اولدقلرنده کمال تواضع شاهانه لرندن اظهار صورت ایله یانلرینه
ملاطفت ایله یانلرینه اجلاس تلطفانه کریمانه ایله معامله استیناس
ونوازش بنده نواز واول اتاده صاحب دولت حضر تتری وشیخ-
الاسلام افندی حضر تتری عرضه کیرمکه دامنبوس شرفن احراز
بیوریلوب وقت صلوة دخی دخول ایتمکین عامه مؤمنینه صلاهی
دعوت صلاة نداو بیک یوز التمش طقوز سنه سی ماه ربیع الاولک
غره سی جمعه نمازی اول جامع رفیع العمادده اداء صلوة مکتوبیه

ابتدا اولنقی فلهه الحمد میسر اولدی بعده نمازدن چقدقدن صکره
جناب پادشاه شوکتمدار حضرتتلیله شیخ الاسلام حضرتتلیله بعده
نقیب الاشرف وصدیرین حضرتاندن استانبول قاضیتلیله چوقهیه
قیلوسمور فاخرعن السرور بالای دوش افتخارلیله اکتسا و مکه
مدینه دن بلاد اربعهیه کلنجه موالی عظام حضرتانه قاقوم کورک
وحن مدرسه کلنجه صوف لطافت موصوف الباس و بوزیلده درویش
افندییه یشیل چوقهیه قیلوسمور کورک الباس الیه اکرام و بالمله
صدورعلما و موالی عظام و مدرسین کرام علی مراتهم سمور و قاقوم
کورکر و فراجهلر الباس و مراسم اتمامدن صکره صاحب دولت
حضرتلری بالاده تحریر اولندیغی اوزره اشاغی صحن زردبانه اینوب
قلاوی و الباس اولنان سراسره قیلو کورک الیه زردبان باشنده قائم
و جانب یسارنده دفتردار افندی دوروب ابتدا کتختدابک حضرتتلیله
چوقهیه قیلو سمور کورک و بعده دفتردار افندییه خلعت فاخره
الباس اولندقدن صکره رجال دولت و ارباب مناصب مجموعی رتبه سنه
کوره متولی او طه سنک او کنده ابدست هایون او طه سی قرشوسنده
زردبانه و ارنجه برررر دیزیلوب ترتیب اولندقدن بدنده اولان تشریفات
دفتربی علی الاسامی دفتردار افندی او قودنجه حضرت صدراعظمی او کنده
خلعتی الباس و دونوب زمین پوس ایدوب محفلرینه عطف عنان ایدرلر ابدی
دولت علیه هر نه قدر رجال دولت و ارباب مناصب وار ایسه
یدی کیر ترک اولتیوب بر موجب تشریفات خلفلری الباس
اولندقدن صکره جامع هایونک مدرسی افندییه و واعظی عبدالشکور
افندییه و امام اولنه و خطیب افندییه چوقهیه قیلو سمور کورکر
ایکینچی و اوچینچی امامنه چوقهیه قیلو سنجاب کورکر بنا امینی
علی اغا مقدم سمور کورک کیمش ایکن سهوا شیمدی خاطره
کلده بو محله تأخیر و تحریر اولندی قیم باشی و مؤذین باشییه


ساده چوقه فراجه‌لر الباس اولمشدر بونلر تکمیل اولندقدن صکره
جامع هایونک ابنیه خدمه سی دیو چاغرلدقده مقدما دفتر اولنوب
علی الاسامی دفتری تشریفاتی خلیفه‌سنه ویرلدیکی بروجه مفردات
بالاده تصریح اولمشیدی ینه اولوجیهله مرتب دیزیلوب جمله‌سنه برر
برر خلعتلر الباس وجامع ابنیه‌سنی خدمه‌سیله تقیم واختتام اکرام‌ایله
مظهر عاطفت اولدیلر بوندن صکره‌اسن قالماقله شهریار داراخدم
حضر تلمری دخی آبدست اوطنه‌سندن دولت واجلال ایله نهضت قیام
ودائرة هایون طاقی ایله سرای عالیبرینه عطف‌زمم اختیاربیوردیلر
اول کون جامع شریفک حولیسی دروناً و بیروناً تراکم ذخام انام ایله
روز محشردن نمودار اولمشیدی کورکلر و خلعتلر الباس اولندی
کون عمله وخدمه ابنیه ایچون درت بیک غروش عطیه هایون کلوب
توزیع اوللق اوزره ایکن مشغله کثیره دن ناشی امهال و بر ایکی
کوندن صکره متولی اوطنه‌سند براسلوب معتادقدیم سرکی دوستوب
مجموعی کاتباندن ذیل وارانجه علی مراتبهم توزیع واقتسام اولنوب
جمله‌سی حصه مند وایه‌دار اولدیلر اوتهدنبرو بو مقوله بنا اولنان
خیرات عظیمه‌ک خدمت معینه‌سند مستخدم و امکدار اولنلر
احتیاجدن مستغنی اوله‌جق نان پاره ایله یاخود استعدادینه کوره
بر رتبه مفاخره ایله قلدریلوب چراغ اوللق دأب سنی شاهانه‌دن
اولمغین درویش اقدینک حق تعالی عمر دولتلمری افزون ایلسون
همم والانهمتلری انضمامیله بو خصوصی استبدای نیاز وصاحب
دولت حضرتلمری انما ایلدکلرندن بنا امینی علی افا رتبه والای
سر بوابین درگاه عالی‌یه پناهاده و بنا کاتبی بو حقیر دخی بلوکات اربعه
کتابتنده علوفه‌جیان یمین کتابتیه خواجکان دیوان زمره‌سنه ادخال
اورنه یازیمجیسی ملا یازیمجی دخی اصل سر طورنائی رتبه‌سیله و طورناجی
باشی نفراتی ضبطی ایله سرحد منصوردن باش سرحد اولان و دین

اغالی رتبه سینه اعتلا و خاصه حصکیرندن حسین حصکی دخی هر
 وجهه طلا قته مالک واستعدادی اولغله یکچیری اظامی قره قولانلی
 خدمتده استخدام ایله اوجاغی میاننده سر افراز و بروجه محرر
 تعمیم اولنوب لکن قره قولانلق تلخیص و امر هایون ایله صورت
 بولاجق مواددن اولسامغله همان نماز قلندیفیک ابرته سی کونی
 بوستانچی باشی اغا طرفندن دامنبوس امریله قپویه ارسال
 و خدمت مرقومه یه تعیین اولنوب مرامی ایله کامیاب اولدی
 باقی ذکر و موعود اولان قپوجی باشلیق و خواجه لک و اغالق ماده سی
 تلخیص اولندقدمه خط هایون کشیده و عنایت بیورلمغله مومی ایله
 ملایازیحی قپویه جاغریلوب وقت معینه سنده ضبط ایملک اوزره و دین
 اغالی توجیه و دوش استحقاقه خلعت الباس و حقیرک کتابتی دخی
 ماه شوالده واقع اولان توجیهاتده ضبط اولنلق اوزره رؤس و بنا
 امینی علی اغانک قپوجی باشلیق رؤس هایونی برقاچ کوندن صکره
 مشارالیه درویش افندی به کلد کده یدلریزه اعطا ایلدیکندن بشقه
 کیفیت حال بنده که معلوم دولتری اولغله یشیل صوفه قپلو اعلا
 سیر سنجاب کورکی احسان و اصطلبل معموره لرندن کندلرینه
 مخصوص اولان کزیده و توانا برر رأس بارگیری سیم چاپغون رخت
 بساطیله تزین و غلبه مرحمتلرندن عنایت و یانمه برچوقدار قوللربی
 تعیین بیوروب قپویه ارسال بیورملریله واردقدمه حاضر اولان
 حرسانی دستاری رئیس الکتاب اولان حمزه افندی حضرتلری
 پیش زانولرنده ید مؤیدلریله سرمباهاتمه راست و بر مقدار تبشیرات
 ایله قطع مراتبه همت عالیربی انصراف و بعده قالقوب صدراعظم
 حضرتلرینه کتوروب دامنبوس شرفن احراز استبدردکن صکره
 بندن افندی قرداشمزه سلام و دعا لایدوب خاطر لرین سؤال
 ایده ریز دیو اطاده و کلوب حرسانی ایله مشارالیه افندیمرک مبارک

خاکهای دولتریته روی مال ودعای خیرترین استعجاب ایندکدن
صکره مسروراً و محبوراً انشای فؤاد ایلہ احسان بیوردقلری
دونامش بارگیره سوار و عیال و اولادیمزدن دخی طرف دولتریته
دعای خیر ایندرمک ایچون فقیرخانه به عودت ایدوب وقت معلومه ده
ضبط کتابت ایچون حلول وقته نگران و ضمیمه دعای دوام عمر
دولت پادشاهی تحریک زبان سریع الیان اولنمشیدی الایام یمرمر
السحاب منطوقنجه کتابت مرقومک توجیه وقته کلوب یوم توجیهانده
خلعت الباس اولتی ایچون تذکره کلدکده کمال لطف کرمارندن
ینه بر صوف لطافت موصوف فراجیه انعام وبعده دیوان هایون
اقتضا ایندکده ینه بر اوست پوست سمور احسان وبعده ینه بر پک
اعلا جلد قفا احسان فراوان بیوروب بحر کرملریته مستغرق
اولوب هرته قدر فا کرالهمم وشا کر النعملی اولسم بیگده برین
تذکیره و تعدادینه عدم لیاقت طاهر وهویدا اولغله همان مبارک
سر دولتریته تصدیع اتمامک ایچون حققرندن خیردعای ایکی کلامه
حصر و قصر ایلدم حق عز و شانه حضرتلری ذات محترمیلره اولاد
وعیاللری دنیاده و اخرتده خوفندن امین و سالم وهرنه مراملری
ایسه وصول حصولله مسندشاذ خریمده قائم ایایه آمین یا محیب
السائلین جامع والآنک تتم و نمازه ابتدا اولنمی ایلہ حق تعالی جلہ فی
فرحیاب ایلدی قالدیکی عمارت و طبیح فدوله انلرین دخی لوازمائی
تکمیل واطعمه نذاگیری تتم و تمهیر اولندقدن صکره بیک یوز
التمش طقوز سنه سی ماه ربیع الاولک اون بشنجی جمعه کوننده
عمارت عامره کشاده اولوب بشنجی اولان اقدی حضرتلری سمات
سفره انعام صاحب الخیر شوکتلو عظمتلو پناهتلو افندمزک نعم
مبدوله خیریه و فقیه لرنده تقدی موآند ایلین طلبه علوم داعیائی و مر.
تزقه وقف نساخوانی ایلہ دعای فراوان ایدوب طبیح اولنان طعام

و نان عزیز یوماً فیوماً الی ماشاء الله تعالی موجود بولنان ایله ارباب
اصحاب تناول ایتملرله دفع مجاعه ایلدکلرنده فراده و فراده دعوات
خیریه لرینی پیوسته آسمان واجابت خانه یزدان ایده جکلری معلوم
عالیان اولمغله جناب فیاض حق شوکتلو کرامتلو پادشاه عالمناه
افندمن حضرتلرینک مبارک وجود هایون مرحمت مقرونلرین سریر
شوکت مصیرلرنده بردوام دولت واجلال ایلدوب خطا و خطراتدن
مصون و مأمون ایلله امین بحاجه سید المرسلین تمت الحروف
بعون الله ملک المعین آمین .

صوک



3 1761 07130483 6